



BIBL. NAZ.
VITT. EMANUELE III


XX


B

51

NAPOLI













P. Theodoor fecit

DE VERA ET

SIMULATA JURISCONSULTORUM PHILOSOPHIA,

Ad Illustrissimum Baronem
Boineburgium

In qua dissertatione elegantes
non vulgares pertractantur materiæ, quas
in summa ex Præfatione ad Lectorem
videre licebit,

Autore

JOH. BRANDES.



FRANCOFVRTI

Impensis Joh. Davidis Zunneri Bibliop.

Typis Johannis Andreæ
M. DC. LXVIII.



Illustrissimo Viro

Domino

**Johanni Christi-
ano Libero Baroni à Boi-
neburg Equiti Aurato,**

Domino suo plurimum observando.

S. D.



Non unam ob causam me Tibi obligari, vir Illustrissime, conscientia constictum teneo. Aut enim ab eo, quod diu Eruditus Orbis admiratur, mihi ordiendum est, ingenita bonitate & comitate tua, quas in tanto eminentis fortunæ fastigio tam amice conjugatas nunquam non dico videre, sed ne conjectura assequi licuit. Sed sicuti illa jam Clarissimorum præconiis

a 2

no-

nobilitata sunt ; ita hoc
præ aliis mihi asseren-
dum est , Illustrissimam
Tuam Excellentiam hu-
manitatis officiis & faci-
litate me ita affecisse, ita
sibi devinxisse , quam
quem maxime. Præter-
quam enim quod in re-
missionibus & Secessu
Svallbacensi ultro mihi
offerebatur longissimos
dies colloquiis condire,
fermonibusque mutuis
vesperam haud raro ex-
tendere , profundissi-
mumque de variis Auto-
ribus iudicium, quidque
in

in singulis sequendum,
quid caute declinandum,
exaudire, Attonitum me
sæpius fecit expeditum in in-
tricatissimis arbitrium, in va-
rietate promptissimum, in ex-
temporaneo quovis arduo de-
cidendo dexterrimum, cui eo
major reverentia debetur, quo
magis usu exercitum pruden-
tiaque civili munitum est, ut
rum non temere collige-
rem, quod nunc sine as-
sentatione publice faten-
dum: Te tanquam Lynceum
videre omnia, probatum esse
per totam ætatem iis actioni-
bus & curis, unde salus publi-

ca manare solet. Et ut uni-
verse dicam: *Omnibus eru-*
ditis viris magnitudine Te tua
inducere caliginem. Sed illa
jam uberius explicare su-
per vacaneum, & Illustris-
simæ tuæ Excellentiæ,
scio, esset odiosum, ta-
cere omnimodo mihi vi-
tio verti poterat. Sint Pa-
triæ lumina, ut sunt, Ex-
cellentiæ & Virtutis tuæ
buccinatores, mihi, ne
parcius dicendo in fa-
mam tuam patriæ nostræ
communi venerandam
peccem, providendum,
& id saltem dicendum
est,

est, me, nisi ingratum
non potuisse, & nisi Rei
meæ negligentem & in-
curiosum non voluisse
hoc de vera Philosophia
præludium alius quam
Tuæ Illustris Excell. gra-
tiæ insinuare. A cujus
enim magis quam à tuo
splendore lumen mu-
tuer? Sub cujus autori-
tate tutior quam tua sim,
omni livori & malevo-
lentiæ reformidando præ-
sidio? Largire itaque, Vir
Illustrissime, hoc meæ in
Te observantiæ, & digni-
tatem rei, materiamque
a. 4. ipsam

ipsam satis illustrem Ten-
nuitati meæ præferenda
esse, Tute tibi persuade.
Satis me affecutum arbi-
trabor, *Si placeam Tibi, di-
spliceam aliis.* Si quid in
materiæ gravitatem ju-
venilis incuria forsan
commisit, maturati ju-
dicii, & futuri otii erit,
illud insecutura, si nulla
vis interpellaverit, parte
retractare & limare.

Me qui forte halluci-
nantem non excusan-
dum putet, cogitet velim
in gravissimo hoc studio
vel feni cespitanti igno-
scen-

scendum esse. Altius itur-
ros credidit antiquitas il-
los, qui ad summa nitun-
tur, quam qui præsumpta
desperatione quo velint
evadendi, protinus cir-
ca ima subsistunt. Certe

*Non omnes arbuta juvant
humilesq; Myricæ.*

Accipe igitur, Vir Illustris-
sime, hoc quicquid est le-
vidensis, illudque autori-
tatetua tegere ne gravare,
& perge favere non di-
cam Eruditis, quæ tua
propria sunt, sed Erudi-
tionis cultoribus. Meum
erit Deum precari, ut Te

a 5 reip.

reip. commodo saluum
& incolumem diu servet,
æternaque laude flore-
scntis virtutis gloriam
quotidie augeat. Vale.
Scribebam Francofurti
ad Moenum.

Anno M. DC. LXVIII.

Tuæ Illustrissimæ Eccellen-
tiæ

Devotissimus cultor.

Joh. Brandes.



Præfatio ad Lectorem.

NOn me gloria publi-
candi ingenii pro-
duxit in medium, sed Ne-
cessitas, quæ pars rationis
est, cui parendum mihi
erat, alia enim scribentis
erat intentio, quam ino-
pinata quædam, quæ ob-
venire, ita urgebant, ut
quæ primo latissime me-
cum conceperam, jam-
que adumbraram, in
compendium quasi co-
gerem, amplitudinem-
que rei constringerem.

a 6

Ratio-

Rationis status materiam superficialie & in Tabella tantum delinearam, post pertexto telo videbar nec mihi nec aliis male consulturus, si in materiis quas in transcurso tetigeram, & nominatenus interdum tantum allegaveram, me ad complures bonas Autores, tam veteres quam novos remitterem, qui ex professo easdem pertractarant, sic fore putabam, ut hoc de Ratione Status schema in posterum mihi esset pro perpetuo

petuo in Politicis Indice,
ad quem , quoties opus
foret, tuto refugere pos-
sem. Sed ex autoritate
Illustrissimi cujusdam Vi-
ri, cui, quicquid calca-
verit, rosa fiat, mutavi
sententiam, omittendo
ubi commodò fieri po-
tuit, allegatos complu-
res Autores. Ut autem
Benevole Lector uno
quasi intuitu, quid à no-
bis actum sit, videre pos-
sis, scias, nobilissimas
materias, nondum satis
tritas hic insertas esse,
quas perpolire instituti

nostri erat, absolvere nec
arctati temporis spatium,
nec compendium per-
mittere videbantur; ha-
bes enim non tantum
materiam Rationis Status,
quæ una quantum nego-
tii Eruditis faceßat, amice
recorderis. Habes *va-*
rios veterum de vera Philoso-
phia opiniones. Materias de
Advocationibus. Educatione
moribus & studio veri & Cti.
Humanioribus, Methodo tra-
ctandi Ethica, Politica, Hi-
storica. Nomothesia. Arte
Characteristica. Interpretati-
one Legum. Solutione Antino-
miæ

*miarum. Arte Juris. Concepti-
one perfecti Corporis Juris. To-
pica Legali. Principiis Juris
publici, &c.* Quæ omnia
in fronte libri indigitare
nolui, sic enim non tan-
tum in stylum veterum
peccassem, sed & forte
domus limine excidisset.
Simplex dedi Dissertatio-
ni nomen Philosophiæ,
augustum tamen & ve-
nerandum, non ex sæcu-
li pravo genio captan-
dum. Depone, quisquis
es, præconceptam de vo-
cabulo opinionem, vide-
bis, scio, si perlegeris, non
nobis

nobis sermonem esse de illo Philosophorum genere, qui in umbra & pulvere philosophantur, qui que magno labore desipere discunt & in subtilitatibus exercentur captiosis, ipsi vero ad res gerendas nunquam accedunt. Simulati illi sunt, quod in peculiari capite à nobis ostenditur. Diese gelehrte Haasen fallen gemeiniglich in die Schulgarn / und bleiben darinn hengen.

Menda & Errores in fine dissertationis corre-

ctos

Etos videbis, quos præter
spem, posteaquam ex Aci-
dulis Svallbacensibus re-
dieram irrepressè quidem
dolebam, ast emendare
non poteram. Vides de-
nique honorande Le-
ctor, in quibus occuper,
quo justius ergo petam,
primum ut errori, si quis
est, tribuas veniam; dein-
de medearis scientia tua;
generosi enim animi est
in difficilioribus lapsis fa-
cile ignoscere, in quibus
si non Eventus, intentio
tamē laudanda est. Quod
si vita suppetet, & à pere-
grinatione, quam inten-
do,,

do, ex Dei Decreto salvus
rediero, altera de vera
philosophia dissertatio
primam hanc sequetur.
Quisquis doctiorum di-
versus à nobis sit; & nos à
compluribus divortium
fecisse dicat, id sibi per-
suadeat velim, quod nec
Delphinum natare doce-
amus, quodq; nunquam
autoritas ratione nobis
antiquior fuerit. Sed quid
opus est verbis! *Permittam
vela ventis, vos oram solven-
ti bene precamini!*

CAP.



J. J.

CAP. I.

In Philosophiam prævia &
 προαίλιον. In quo continetur.

*Philosophia ascendens, supra homi-
 nes, supra Deos. Philosophia de-
 scendens, Philosophia decidens.
 Causa casus fatalis, male morati
 philosophiam criminantur, phi-
 losophia non scortum sed sponsa,
 praeambula vera Philosophia de-
 lineatio. Legis prima ff. d. I. &
 I. triplex explicatio. Non no-
 vum est, Iprudentiam Philo-
 sophiam appellari, haec invicem
 non nisi quoad nomen discre-
 pant. Comparantur Johanni
 Baptista in deserto, & bapti-
 zanti ac docenti.*



*Philosophiam à principio
 Reges coluere, sanctitatem
 & splendorem antiquitas in-
 stituit;*

A

stituit;

Plato 5. d.
rep. Horat.
lib. 1. ep. 1.
Senec.
ep. 90.

stituit; & hæc sceptrā tenentes & vitæ uicisq; Arbitros non abhorruisse à cultu illius, enarrat attonitis, illamque perfectissimam fuisse rerum-publicarum cui perfectus præerat Philosophus. Hic erat *Rex Regum*, & potentior quia melior. Sed hoc eminente licet loco gradum non sistere, non terminum statuere potuit, plus ultra extra hominum commercium ad Deos progressa est. A cœlo enim Socratem philosophiam deportasse, in urbibus collocasse, inque domos introduxisse credebant, & coegisse de vita & moribus, rebusque bonis & malis quærere. Hanc Deorum progeniem qui in humano corpore hospitantem habebat, Deum habebat. testis sit dictus sapiens, Socratem puto, in hoc *philosophia Deus* erat. Hinc in Deorum genus abire nulli alii fas esse docebant, quam ei qui philosophatus erat. in tantum *philosophia* surrexerat! inde reverentiam plebs, sanctamque opinionem mundus imbibebat, proxima enim,

Apulei. d.
Deo Socrat.
Senec. ep.
31. 59. 92.

Plato d.
Anim.

enim, imo par diis sic erat. Sed nec hic quievit, tanto plus se debere philosophiæ, quam diis dicebant, quanto majus beneficium esset bona vita, quàm vita. Huc ascenderat : Hic supra Deos & homines constituta, ab humi stratis devoto horrore adorabatur. Sed in præcipiti stabat,

Ruit alto à culmine Troja!

Casum enim, cum progredi non posset, maturabat fatalem, fatalē dico; sive quod in nimis evectę superstitioni penes Autores paganos manendū erat, sive quod omnibus summis stare diu negatum sit, naturaliterque quod procedere non potest, recedat, sive frequentia studii, æmulatio, ambitio & malitia humana, sive Ratio status litteratorum, aut quicquid aliud vitio vortatur. Deplorandum certe est, quod ad atrociam & fæda deveniant nonnunquam, qui ex alterius studii ordinisq; fama sibi infamiam, famoso timore metuunt, quodque in minimis nunc sæculi vitio ponatur, quod ante omnem humanitatem ex-

cesserat. Eludunt scientiæ majestatem per contemptum atque jocos inculta ingenia, quarta luna natos, Jove irato in hoc sordidum literarum pistrinum detrufos ajunt, illum demum ad majora natum existimant, qui Philosophiam ut viles ineptasque quisquilias & stultitias meras refugerit. Sed audi Satyrice *Senecam epist. 14.* *Nunquam in tantum convalescet nequitia, nunquam sic contra virtutes conjurabitur ut non philosophia nomen venerabile & sacrum maneat.* Prodis ignorantiam, quisquis illi non nisi maledicis, quid cum illa ex postulas? quid ingeris mala multa? Nihil promoveris, nisi quod molestus tantum sis, atque animo iniquo morem geras. *Plato s. d. rep. ne Monium quidem hoc studium reprehendere posse docet.* *Philosophia, inquit Cicero orat. in L. Pison.* virtutes continet & officii & bene vivendi disciplinam, quam qui profitetur, gravissimam mihi personam sustinere videtur. & *2. Offic. in princ. ait:* Philosophi studium qui vitupe-

vituperat, haud sane intelligo, quidnam sit, quod laudandum putet. Ego, ni fallor, Philosophiæ profuit *admodica sortis cecidisse quietem. Idem no-*
ster 5. Tuscul. quæst. in Philosophia occupatus, quam elegans, quam aurifluus est: O vitæ philosophia dux, inquit, ô virtutis indagatrix, expultrixque vitiorum, quid non modo nos, sed omnino vita hominum sine te esse potuisset, tu urbes peperisti, tu dissipatos homines in societatem vitæ convocasti, tu eos inter se primo domiciliis, deinde conjugis, tum litterarum & vocum communione junxisti, tu inventrix Legum, tu Magistræ morum, & disciplina fuisti, ad te confugimus, à te opem petimus, quam Oratoris copiam contrahit pro more *Seneca ep. 16.* Non est, inquit, Philosophia popolare artificium, nec ostentationi paratum, non in verbis, sed in rebus est, animum format & fabricat, vitam disponit, actiones regit, agenda & omittenda demonstrat, sedet ad gubernaculum, & per anci-

pitia fluctuantium dirigit cursum, si-
 ne hac nemo securus est. Hinc non
 obscure patet, & patebit, qua pietate
 primo de omni philosophia dicturi
 sumus, tum de ea, quæ non Oratione
 aut scripto, quod propositum est plu-
 ribus, assensionem subtilitatis unice
 captat, aut juvenum & otiosorum au-
 res, disputatione varia & volubili de-
 tinet, sed quæ facere docet non dice-
 re, quæ jus suum cuique tribuit, prin-
 cipium secreta rimatur, rempubl. ob-
 servat, eam instituendam Legibus in-
 struit, institutam consiliis adjuvat,
 labantem reficit. Rem itaque suam
 sibi habeant vanæ speculationes, &
 quicquid inane ac sterile est. Sed &
 cum hisce omnis, *apud quem philoso-*
phia est instar scorti, quo ad volupta-
 tis illecebras abutitur, tanquam an-
 cilla turpibus officiis mancipata. Nos
Sponsam honeste in theatro propo-
 nemus, ad generationem fructuum
 reipubl. utilissimorum aptissimam, il-
 lam quæ pro tribunali querelas mise-
 rorum excipit, læsos injuria restituit,
 meren-

philoso-
 phia non
 scortum
 sed Spon-
 sa.

merentes pœna, bonos præmio afficit, negotium publicum agit, cognoscit, judicat, judicium exercet, hanc enim esse Philosophiæ elegantissimam, licet laboriosam partem,

docet Plin. 1. epist. 10. Hæc autem philosophia cum præsupponat rerum cognitionem, expetendorum fugiendorumque descriptionem quod prius philosophiam Theoreticam, posterius practicam respicit, tandem ex illis nascitur formosissimus fœtus, jam-jam à nobis in Theatrum produ-cendus, *demonstrat id Cicer. 5. Tuscul.*

quest. Illum Jctus *l. 1. ff. d. 1. & l.* ^{leg. 1. ff. d.} notanter admodum vocat veram non ^{l. & l. ex.} simulatam philosophiam. Hæc ver- ^{plicatio,} ba triplicem explicationem admitte-re mihi videntur, primo enim, si verbi affectantes nativum sensum retineamus, pro appetentes, tum per dictam philosophiam intelligere possumus illam, quam civilem sapientiam, (quæ nil aliud est, quam civilis prudentia, veteribus enim promiscuus erat verborum usus test. Cicer. 1. Of-

fic.) vocat Jctus *l. i. & 5. d. extra-ordin. cognit.* de qua paulo post dicendum erit. Quod si dativo sensu accipiamus pro sequentes, alius sensus est, ut videatur Stoicus Jctus affectare hypothetice suam philosophiam, eamque necessario supponere, quod & Cujacio & Mornacio placet. Si denique Jctum comparative non exclusive de Theoretica tanquam simulata in oppositione ad practicam philosophiam locutum dicas, habebis tertiam verborum vim, *adde Gloss. ad hanc l.* quod tamen qua mente dicatur & dici debeat, infra uberius exponetur. Ut ut sit, utraque priorum proposito interserviet explicatio, siquidem sensu posterior non est absurda. *vid. Plin. i. epist. 10.* ubi licet theoreticam non simulatam dicat, affirmat tamē practicā esse philosophiæ pulcherrimam partem. Adde tu quæ sequuntur: *Mihi hoc unum non persuadet.* Excluduntur autem Pseudo Philosophi, de quibus post alios vide *Piccart.*

Piccart. observ. histor. polit. Dec.

§. c. 1. Nos secuturo capite de illis

sapientiae cauponibus agemus. Sed Non novum est
 nec illud novum, non inauditum est, vum est
 iurium disciplinam philosophiam ap- Jurispru-
 pellari, nam & Laert. in proæm. me- dentiam
 morat, Hecatæum opus quod tam philoso-
 Theologiam quam Jurisprudentiam phiam
 Ægyptiorum est complexum, in scri- vocari.

psisse de Ægyptiorum philosophia.

Sic Clemens Alexandrinus postquam

lib. 1. Strom. Cap. 7. dixerat, anti-

quissimam Philosophiam tempore

Mosis fuisse, explicat in fine ejusdem

libri, quæ fuerint ejus partes, quot

membra, quatuor partes fuisse ait:

priorem ejus partem historicam, se-

cundam Nomotheticam; tertiam eam

quæ pertinet ad sacrificia, quartam

Theologicam fuisse dicit. Hinc &

Jurisprudentiæ & Philosophiæ defi-

nitio eadem erat, hæc nimirum: esse

Jurisprudentiam divinarum atque

humanarum rerum notitiam, &

eadem erat philosophiæ definitio.

A § adde

adde *Cicer. 2. Offic. Senec. ep. 90. Mur. var lect l. 18. v. 19. adde Ammon. in Porphyrium.* Non itaque nisi nominis sono Philosophia à Jurisprudencia & hæc ab illa differt, utraque enim amore boni æstuans sapientiæ ac prudentiæ studet, & in civilibus rebus tractandis occupatur, nostra philosophia tamen magis alios curat & rempubl. illa secum potissimum agit. Hopperus de differentia harum differens inquit : Estque res haud aliter, atque si eundem Johannem Baptistam nunc in deserto agentem spectes, quod Philosophi est, nunc populum docentem, ac baptizantem, quod Crisive hominis politici. Olim omne perfectum studium, maxime id, quod rempubl. Nomothesium, officia civilia & utile reipubl. respiciebat, sub Philosophiæ vocabulo complectebantur. adde *Platon. dial. 5. d. rep. & dial. 6. in princ.* hunc talem philosophum laurea sceptroque dignum æstimabant, inde princeps, quia
omnia

omnia jura in scrinio pectoris sui habere existimatur, *l. 19. C. d. Testam.* philosophiæ plenus perhibetur. *l. penult. C. de his quibus ut indign.* & veteres Jctos plerosque omnes philosophos fuisse constat ex *l. 2. §. 47. ff. d. O. I.* & postea demonstrabitur. *Non incongrue igitur dicitur* *7ctus verus Philosophus*, est enim veræ sapientiæ & studiosus & Antistes. Sed abeundum est à limine. Tu Juva Jesu! Et vos ignoscite Amici, quod solem facibus adjuvare
gestiam.

CAP. II.

De Simulata antiquorum &
Sophistarum Philo-
sophia.

Methodus à contrariis primo simulata omnia amolitur, damnat eos qui sapientie studium habitio corporis præseferunt, Sophistas, fada Sophistarum ex antiquis scriptoribus encomia, sunt acutæ delirationes. Sophista olim anonymus, post aliis Circulator erat, aliis veneficus, aliis Nebulo, aliis ein Phantast und gelährter Grillenfänger/ omnium horarum homines non sunt veri philosophi.

HÆC ὡς ἐν τύπῳ. Cum Minerva
nunc manum quoque moveamus, ita quidem ut liceat nobis uti
modo Imperatori & Jctis frequenti,
qui

qui antequam quid res sit exponunt,
prius quid non sit, declarare solent,
*S. 3. l. d. obligat. qua ex delict. l. v.
ff. d. his qui sunt sui vel alien. jur.*

Contraria enim juxta se posita magis
elucescere, candemque illorum dis-
ciplinam esse inter paucos non con-
stat. Ab origine sic ordiemur, si omne
id quod simulatum est, adversari no-
bis & ad veram nostram non pertine-
re philosophiam docebimus, hinc si-
mulata omnia amoliri primus noster
labor erit. Nihil sic nobis commercii
esse patet cum antiquorum scholis
philosophorum, ex quibus, ut taceam
Cynicos spurcissimos philosophos,
vid. *Horn. histor. philos. l. 3. c. 18.*
Indi nudi ætatem agebant, & Caucasi
nives hiemalemque vim perferebant
sine dolore, cumque ad flammam se
applicarent sine gemitu adurebantur.
Nec hæc in præsentī, quibus conspici
non proficere volebant philosophi,
reveremur, asperum cultum & inton-
sum caput, & negligentiorē bar-
bam,

bam, & indictum argento odium, & cubile humi positum, & quicquid aliud ambitionem perversa via sequebatur, *vid. c. ult. distinct. 84.* junge facetam historiam ex *Gell. N. A. lib.*

9. c. 2. Hæc enim per quæ admirationem parare volebant ridicula & odiosa erant. Maneat itaque cum asseclis in dolio Diogenes, ambiat in nova cathedra populi reverentiam.

Nec vero subdolos & fallaciæ æmulos Sophistas, *die Doctmâuser* / qui disputationibus nil profuturis otium terunt, hujus loci esse sinimus, *vid. Gell. N. A. l. 5. c. 10. Senec. ep. 49.* ubi *cornutos* omnes esse homines philosophatur, & ep. 48. ubi Syllaba caseum rodit, sed secundum Sophistarum mentem. Hi enim se habent ad sapientiam ut puellæ, quæ fucō illinunt faciem, ad eas quæ natura pulchræ sunt. Olim quia res ipsa non recipiebatur, nec in usu erat, nomini quoque repugnatum est. Cavillationis tamen vocabulum à Cicerone mutuatur.

Sophista
olim anony-
mus.

mutuat *Senec. epist. III.* & hisce va-
 fris philosophis accommodat, ibi no-
 tanter dicit: Sophistas exsurgere in
 plantas, & summis ambulare digitis,
 eorum more qui mendacio staturam
 adjuvant, longioresque quam sunt, vi-
 deri volunt. Detestemur itaque so-
 phismata & alia ad exemplum hujus
 acutæ delirationis concinnata, talis
 enim Jctus rursus tumultus dicitur.
**Ein guter Jurist ein böser Christ.
 Der allen bösen Sachen eine Farb
 weiß anzustreichen /** hinc Boccalini
 fingit, daß sie im Parnas alle Farba
Krämer außgekauft. *lex. 6. ff. d. ex-*
cusat. eos *Circulatores* vocat. Hosce *Circula-*
Plato, licet omnia profiteantur, nihil *tores.*
 prorsum scire convincit, ut maleficos
 insectatur atque veneficos, philoso-
 phos namque arbitratur qui studio-
 sius veritatem affectantur, Sophistas,
 qui opinionem opinionis amore. *Nebu-*
lones à Gell. N. A. I. c. 2. dicuntur, *Nebulo-*
 qui atra verborum fuligine ob oculos *nes.*
 audientium jacta, sanctissimæ disci-
 plinæ nomen ementiuntur, & oppo-
 nuntur

nantur veris & sinceris philosophis.
A canon. 4. distinct. 37. dicuntur
 dialecticorum tendicula, quæ non
 tam vincula sunt appellanda quam
 phantasmata, i. e. umbræ quædam &
 imagines, quæ cito pereunt & sol-
 vuntur, & hi revera sunt specie sa-
 pientiæ stolidi, prout à militibus Ju-
 lianus vocabatur, gelehrte Phanta-
 sten. Exulent itaque hi verborum ar-
 tifices, captionumque dialecticarum
 laqueos strepentes. Diese Grillen-
 fänger / qui in muscipula syllabas ca-
 piunt. quibusque multum temporis
 verborum cavillatio eripit, & captio-
 sæ disputationes, quæ acumen irri-
 tum exercent.

Phanta-
sten.

Grillen-
fänger.

Omnium
 horarum
 homines
 non sunt
 veri phi-
 losophi.

Nec vero illos ad veros admitti-
 mus philosophos, qui omnium hora-
 rum homines barba & coma nitidi,
 de capsula toti, facilitatem præ se so-
 lent ferre, facileque omnes perferre
 ac pati, cum quibuscunque sunt una,
 iis se dedere, eorum obsequi studiis,
 adversi nemini. qui quod in comicis
 spectaculis Gnathonum esse vide-
 mus,

mus, ad omnium nutus frontem
 componere, omnibus arridere, gesti-
 bus peregrinis, erumque flexioni-
 bus scite uti, seria salesque tempori
 accommodare, principum gratiam
 venari, & in communis vitæ scena,
 quamvis ut dicunt, personam apte a-
 gere norit. hos vulgus æstimat, sed a-
 liter catuli longe olent, aliter fues,
 Nos sicut elegantiam qua sermonem
 incessum & gestum, vero commen-
 damus philosopho, ita non est, cur
 non aperte & ingenue fateamur, ve-
 rum philosophum non ex illis, sed
 longe aliis officiis utile reip. spectan-
 tibus æstimandum esse. Adulatores Adulato-
 illos & Assentatores, qui harmoniam res,
 cuilibet suavem modulantur, cum se
 ipsos damnent, non opus est ut à no-
 bis refutentur, claudendæ sunt illis
 aures, nam semel admissi plus audent.
 Lehman Chronic. Spir. lib. 5. c. 58.
 inquit: Die Raben reißen den Tod-
 ten die Augen auß/aber solche Statti-
 rer machen die vernünfftige und se-
 hende blind.

CAP.

CAP. III.

De Ratione Status.

Non spectant ad veram philosophiam Pseudo-Politici Idolum Rationis Status adorantes, olim Ration. Status sola basis erat honestas, excluso utili, probatur exemplo Græcor. & Romanor. sed refutatur. An incongrue hic tractatur d. R. St? ibi plura argumenta. ad eadem responsio, quomodo ad Ictum spectat R. S. collatio l. 2. §. 47. d. O. l. cum loco Tacit. Aurei sæculi scriptores, deq; illis iudicium. in Jure & LL. nostris nonnulla apparent R. St. vestigia. Generalis R. St. adumbratio. An Ratio St. in augmento consistit? fuisse, frustra infringitur, principes hodie istas verborum velitationes non curant. &c.

AN vero illos modernos ad hanc philosophiam spectare putamus,

mus, qui ministri alienæ libidinis nihil non ex statu principis metientes, sine discrimine huic licentiam in bona & subditorum & aliorum per fas & nefas involandi tribuunt? Minime gentium! Aliter n. edocti sumus à *Magnif. Domino Tabore Cancellario Hassio-Darmstadino bene merito, Doctore nostro nunquam non observando*, in præfation. Jurisprudēt. Erotemat. Hi enim abutuntur eminente dominio, novosque acquirendi modos pro lubitu fingunt, prout facit *Lips. 4. polit. 14. n. 85. &c.* Hi veri juris Germanæque Justitiæ solidam & expressam effigiem nullam tenent, umbra & imaginibus utuntur, easque ipsas utinam sequerentur! hi pro sancta Justitia Idolum adorant, & sine necessitate ad necessitatem properantes, vinculum illud, quod colligare imperantem & parentem debebat, solvunt. Olim Rationis. status sola basis erat honestas, nam publicæ utilitatis species præ honestate contemnebatur. Aristides Themistoclis con-

consilium, quo per incendium hostium classem delere parabat, non probabat, dicens: perutile esse consilium quod Themistocles afferret, sed minime honestum, itaque Athenienses quod honestum non esset, ne utile quidem putabant. Romanis cum Rex Pyrrhus bellum ultro intulisset, perfuga ab hoc venit in castra Fabricii, eique est pollicitus si præmium sibi proposuisset, se regem veneno necaturum, hunc Fabricius reducendum curavit ad Pyrrhum, idque ejus factum à Senatu laudatum est. Non piget Herois, Germaniæque suo ævo liberatoris Arminii exemplum, & destinata ab Adgandestrio pericula adducere, qui veneno facile è medio tolli poterat, quantus rom. Monarchiæ hostis! Sed non fraude neque occultis, sed palam & armatus populus rom. hostes ulciscébatur. *Tacit.*

2. *A. c.* 88. Ast hodie utilitatis specie in rep. sæpissime peccatur, cum tamen nunquam sit utile peccare, quia semper turpe, C. Cæsaris dictum

Etum

Etum valet, si violandum est jus, im-
 perii gratia violandum, aliis rebus
 pietatem colas. Interim maneat vera
 & suis fundamentis innisa status Ra-
 tio. Illam hic pertractare an incon-
 gruum, an alienum videtur? An, uti
 vocant, de genere in genus transi-
 mus? Philosophia enim nostra hanc
 ignorat *Pandoram*, conterit hæc *So-*
domitica poma, externo colore ocu-
 los ad tempus pascentia, sed levi tactu
 in pulverem redigenda. nec *jus in*
manu positum attendit, & plus valere
 cupit quod agitur, quam quod simu-
 late concipitur. *tot. tit. C. plus Valer.*
quod agitur. C. cum inter 13. X. d. sen-
tent. & re judic. l. promittendo d. jur.
dot. l. un. C. d. dedit. lib. toll. exsc-
cratur illos, qui prout Boccacini di-
cit: vendono al mondo per muschio per
Zibetto, per ambra grisa, la stessa puz-
zolente Assa fetida. Die der Welt stin-
ckenden Teuffelsdreck für Biseim /
Zibet und Ambra verkauffen. Imo
 Ratione status plerumque uti solent
 illi demum qui se vident Legibus &
 ratione

An hic
 in con-
 grue im-
 miscetur
 materia
 R. Stat,

ratione vinci. illi *qui folia Deo, fructus Diabolo offerunt*. Minui jura, quotiens gliscit potestas, nec utendum imperio, ubi Legibus agi possit, inquit *Tac. 3. Annal. c. 69.* Aureo sæculo, quo teste cælo vivebatur, sine hac beatos fuisse homines, *adde Virgil. in Eclog. 4. Senec. ep. 90. Senec. Tragæd. in Hippolit. act. 2.* nunc virtutum sterili sæculo venisse imperii sitim, cruentum facinus, prædam majori esse minorem, pro jure vires. Sed quid illa moveant! Ciceronem quidem quod attinet, ille nobis initio maxime adversus videtur, sed si historiam respiciamus, vix ex illa Cicero defendet quod ait, excluso utili, solum honestate basi crevisse rem romanorum. Audiamus Dionysium Halycarn. quem de rebus rom. multo verius scripsisse constat, quia nullos in rep. Magistratus adeptus est, quam reliqui, qui in sua rep. honoribus floruerunt. *is in princ. lib. 8.* Romanorum in acquirendo honestatem ita describit: Si unusquisque populus partem

Respon-
detur.

partem suam sibi per vim contra jus
 & fas ereptam velit repetere, nihil e-
 rit tam parvum, tam debile, tam ege-
 num quam resp. Rom. sic quod Car-
 neades philosophus romanis expro-
 brarat, illis ad calas redeundum foret.
 imo Ciceroni Ciceronem oppono,
 vide elegantiss. *ep. 13 lib. 2. ad fami-
 liar.* ubi: temporis assentiendum &c.
 & tempestati obsequendum, & si re-
 cta portum tenere nequeamus, muta-
 ta id ipsum velificatione assequen-
 dum. vid. eundem *lib. 2. epist. 1. ad
 Attic.* ubi de Catone dicit, Catonem
 nostrum non plus amas tu quam ego,
 sed tamen ille optimo animo utens &
 summa fide, nocet interdum reip. **Er-
 war gar zu aufrichtig und nicht sta-
 tistisch.** dabo tertium locum *ex 1. of-
 fic.* ibi cum Labeo arbiter Nolanis &
 Neapolitanis de finibus agri à Senatu
 datus esset, utilitatem non honesta-
 tem respiciens partem agrorum so-
 lertia sua romanis adjudicat. Etsi quid
 forsan exemplo unius vel alterius
 Herois

Cicero ex
 Cicerone
 refutatur.

Herois romani probari potest, id tamen non probatur, quod probandum erat, auspicio, autoritate & suffragio totius reip. sed ex arbitrio privati factum esse, qui vel ob eximiam animi celsitudinem heroicamque virtutem id fecere, vel haud raro gloriæ cupiditate famam apud posteros reip. utilitati præponebant. adde *Arthur, Duck. d. autorit. jur. civ.* ab initio fuscè demonstrantem, quod romani honesto interdum longe remoto utilitatem solummodo respexerint. Et prudentes laudant eos, qui honestis utilia miscent. hæc enim non nisi mutua ope & indiscreta unitate in sui operis efficaciam convalescunt. Tacitus Agricola commendat, quod fuerit peritus obsequi, & eruditus honestis utilia miscere. Nec hic incongrue delicata hæc Politicorum materia insinuatur, nam veram & simulatam Rationem status veri Jcti est discernere, certe status nonne hodie defenditur per Jctorum prudentiam? Quid enim Jurisprudencia aliud

**Materia
R. Status
hic non
incon-
grue in-
sinuatur.**

liud est quam politica? vid. Conring
 d. prudent. civil. c. 3. p. 28. egregie
 Malvezzi nel politico Christiano, p.
 m. II. *La Legge è una politica & hoggi
 pochi Leggisti sono politici, furono coloro
 che la fecero, ma non sono coloro che la
 imparano.* quomodo rationem
 Legis sine ratione status dabit? Con-
 fugienti ad hoc Asylum principi quid
 respondebit ἀπολίτικος? nec enim ex
 Legibus nudis statui consulet, & sa-
 luti publicæ, quæ suprema lex est.
 quid replicabit Domino suo excep-
 tionem rationis status in defectum
 Justitiæ alleganti? errantem itaque
 reducat Principem, ostendendo ve-
 ram in pietate & Justitia niti status
 rationem, nec velamenta flagitiis pro
 libidine esse quærenda. Inferorum se-
 des non plebeia tantum scelera, sed &
 Regum ambitionem & avaritiam ex-
 pectare, sic principem in civitate lo-
 cum studiis civilibus assequetur hoc
 pacis decus. Tacit. 3. An. c. 75. ibi lo-
 quitur de diverforum Jctorum Se-
 ctarum Affeclis, Labeone Antistio &
 B Attejo

Attejo Capitone, hujus obsequium
dominantibus magis probatum fuisse
ait: *Er wußte sich in die Herrn besser
zu schießen und zu bußen* / ob id con-
sulatum huic accelerabat Augustus,
lampada hic Taciti locus tradit l. 2.

§. 47 ff. d. O. I. junge *tamen* 3. Ann.
c. 70. ibi adulationis nimix eum infi-

Quid au-
rei sæculi
fabulato-
ribus re-
sponden-
dum,

mulat. Id, quod Poeta de aureo sæcu-
lo fabulatur, egregium quidem est,
fallitque sensum calamitatis præsen-
tis suave somnium, sed reapse fabula
nobis imponit, non historiam veram
proponit. Nam Poetæ & Historici
antiquiora decantantes sæcula, non
ita semper sunt intelligendi, quasi pro
vero suas commendationes verbo-
rumque lenocinia vendere voluerint.
Legentis non scribentis vitium est,
historiam aliter quam cui fini scripta
est, explicari. Non quidem inficias
eo, complures ob ignorantiam pri-
mæ Antiquitatis, & sacrarum lite-
rarum lapsos esse, prudentiores ta-
men aliter statuuisse scio, illi enim an-
tiquitatem aut agrestem, & incondi-

tam

tam plane describebant, prout fecit Diodor. Sic. lib. 1. idque ex hypothesi & proposito, ut hac ratione vitiis societatis ob oculos hominum positis, ab inviis ad honestiora invitarent barbaros. Aut priscorum societatem describebant simplicem, puram atque compositam, prout in hanc sententiam apud Tacit 3. An. 26. locus est eximius & notus, vetustissimi inquit, mortalium, nulla adhuc mala libidine, sine probro, sine scelere, &c. Et hoc iterum consultò faciebant, ut non tantum historiæ suæ admirationem & applausum facerent, sed & stimulum & desideria appetendæ virtutis diserta descriptione insinuarent. Quicquid interim in his boni verique est, comparisonem potius temporum quam descriptionem antiquitatis habere putandum est. *prout Clar.*

D. Baclerus, certo loco loquitur. Nec movet quod opponunt jura nostra nihil de hac scire, nego hoc, contrarium ex Legibus ostensurus, vestigia enim Ration. Status apparent in

l. 14. 15. 16. ff. de LL. eleganter l. 1. & 14. C. d. caduc. tollend. ibi: Quod communiter omnibus prodest hoc & privatae nostrae utilitati praefendum esse censemus. Et plura sunt illi extrinsecus imbibenda, qui administrationem reipubl. ambit, sibi que tuto committi gubernacula gestit. Et sunt, scio, Jcti qui hanc in Jure partim attigerunt, partim pertractarunt materiam. Sit itaque hoc de Ratione Status Schema & Adumbratio generalis.

Origo R.
Stat. vel
vocis vel
rei.

Si ab *Origine* res petatur, à qua necessario dissertationis capiendum erit exordium, ante alia notandum est, eam esse vel *vocis*, vel ipsius *Rei*. *Vocis* Originem novam esse nemo non statuit, ab Italis enim, quos Galli sunt secuti, est inventa, in Latium inducta, Germanis obtrusa, qui adhuc secum deliberant, quo nomine hanc peregrinam condecorare decenter possint. *Rei* ipsius Originem cum republ. eandem statuimus, secuturi

cturi *Aristotelem* 7. *polit.* 13. in princ.
 ubi: *duo esse in quibus cuiusque rei*
bonitas & rectitudo consistit: u-
num ut propositum atque finis a-
ctionum sit recte constitutus, alte-
rum ut actiones qua ducunt ad fi-
nem inveniantur. Diversum à no-
 bis statuit, *Geisler. d. Stat. Politic. c. 4.*
§. 5. is nos errare putans pro se addu-
 cit *Tacit. 3. Annal. c. 28.* Sed nihil ille
 movebit: *Finem* Rat. Status poni- *Finis.*
 mus Salutem reipubl. hæc omnibus
 ante habenda, Vid. *Plutarch. in Ari-*
stid. Qui Lacedæmoniis renunciari
 jubebat, nullum tantum auripondus
 supra subterque terram esse, quo ad-
 duci possint, ut ipsum saluti patriæ an-
 te ferrent.

Pro populi salute *Henricus IV.*
Galliæ Rex se ad inferos iturum aje-
 bat, *Clapmar. lib. IV. d. arcan. rerum-*
publ. c. 2. Consideratur primario in
 conservatione, secundario in incre-
 mento.

Homonymiam vocis considerare & *Homonymia.*
 B 3 ordo

ordo & necessitas exigat, aliis sumitur Ratio Status pro prudentia in fraudibus & dolis posita. Aliis pro arcano Status. Nonnullis pro prudentia extraordinaria reipubl. regendi. Sunt & qui eam pro utili aliquo s. Cynosura consiliorum & Actionum ad præsentem statum administrandum commoda, accipiunt. Machiavellistæ sumunt pro utili solius dominantis, sive ille justā sive iniquam habeat dominandi causam. Nec desunt qui de ipso incremento reipubl. eam interpretantur. Æquius alii Rat. Status honestam ac laudabilem & à κακοπραγμοσύνη distinctam calliditatem indignant.

Synonymia.

Synonymiam vocis quod attinet, primo notandum, quod antiquioribus scriptoribus *condecencia politica* vocata fuerit. Floro l. i. c. 9. Ratio reipubl. Aliis Scopus reipubl. dicitur. A Lipsio Mixta prudentia, à Clapmario jus dominationis, Germanice dicitur *die Erhaltung und interesse des Staats* / sic vocatur à Joh.

Joh. Frideric. Saxon. Elector. in Apologia contra Henricum Brunsvicens. vid. *Hortleder. Von den Ursachen des Teutschen Kriegs / l. 4. c. 9. n. 173. & 174.* A Jctis exceptiones regię, jura exorbitantia dicuntur. vid. *Clapmar. l. 4. c. 2.* proposita sic nominali ad realem descendendum est *Definitionem* hæc autem pro cujusque de R. S. conceptu variat. Et est certe prout *Dn. Bacler. d. R. S.* ingeniose tradit, Ratio Status ænigma sæculi, materia subtilitatis, cum Proteo Thetis, cum Paride Helena, cum Ulyssæ Penelope. Sunt minuta quædam, inquit *Senec. ep. 94.* animalia, cum mordent, non sentiuntur, adeo tenuis illis & fallens in periculum vis est, tumor indicat morsum, & in ipso tumore nullum vulnus apparet, ita & subtilis Rationis Status effectum, morsus & tumores facilius puto est sentire, quam ipsam, qualis sit cognoscere. Clapmarius definit. R. S. supremum jus sive privilegium bono publico introductum, contra jus commune s,

ordinarium sed tamen à Lege divina non alienum, aut sic in pessima Tyrannide, ubi nullæ leges, sed principis absoluta voluntas valet, non erit Ratio Status. Aliter eam definit *Hippol. à Lap. Sect. 2. in fin. Bæckel. d. jur. protest. clientelar. p. 3. c. 7.* definit, legitimam ac justam exceptionem à regula, sed hæc definitio est latior definito, imò non est legitima, nulla enim exceptio talis. Nec potest converti cum definito. Dominus Feldenus in *Element. jur. univers. part. 4. l. 3. c. 1.* pro more eleganter definit. *Hypothese in forma aliqua reip. vel introducenda, vel conservanda fundatam, reddentem licitum, quod fortasse alias & simpliciter loquendo tale non est.* Dominus Conringius rem adeò intricatam binis verbis vult exhaustire, esse sc. *R. St. reip. utilitatem.* D. Bæclerus vocat *R. S.* eam prudentiæ politicæ partem, quæ securitati, potentiæ, opibus & fastigio principis ac principatus, dominantis & dominationis partim per bonas, sed extraordinarias juris utilitatis

tatisque, partim per malas artes, juris & utilitatis imagines, palpamenta, versutias, via utrobique fere occulta, prospicit ac consulit, Dn. Conring. non dici posse prudentiam docet. c.2. p. m.9. de civili prudentia. Libera hic est statuendi & philosophandi Licentia, interstrepant anser Olores. Concipio Ego Rationem status ita quod nihil aliud sit quam *Secretum aliquod* Definitio. & *extraordinarium Consilium ad servandum & augendum presentem reip. Statum à prudentia excogitatum* cur maluerim ita definire ingenue fatebor; Aristoteles fuit qui *lib. 5. polit. c.* & aliis locis ad hanc definitionis collectionem me adduxit.

Dividitur illa quod sit vel gene- Divisio.
 ralis vel specialis. Generalis in genere omnem respicit rempubl. generalesque cautiones, quas alii arcana vocant, tradit. Singularis ad singulas rerumpublicarum formas prope-
 rat & 1. *Rectas*, monarchiam, Aristocratiam & Politiam, cautiones circa singulas observandas *vid. ex D.*

Conring. d. R. S. à thes. 49. ad 52. inclusive. Geisler. d. Stat. politic. c. 3. & 5. ad 8. exclusive. 2. Depravatas & attendit ad cautiones in Tyrannide Oligarchia & Democratia observandas. add. D. Conring. d. R. S. à thes. 52. ad 59. exclusive. 3. Mixtas, cum autem in mixtura unus plerumque prævaleat statum; ab ipsius prævalentia etiam sunt mutuandæ cautiones, sin ex æquo mistæ sint, imperium tenentes sint concordēs. vid. Tac. 6. Ann. 24. eundem in Agric. c. 29. sint amici, non enim cum Catone statuimus expedire reipubl. ut factiones sint interpotentes. vid. Clapmar. lib. 2. d. arsan. rerū republ. c. 12. Ab objecto dividi potest Ratio Status quod sit vel publica vel privata hæc iterum multiplex est; ita peculiaris & ab aliis discreta est Ratio Status Eruditorum, alia Nobilium, alia mercatorum &c. Publica Ratio Status publicum, privata privatorum utile ejusque augmentum respicit. hæc autem Ratio Status ex hypothesi in collatione ad illam

illam est suffocanda, nam *il mio è l' tua,*
che formano il particolare, corrompono
il pubblico, se il particolare non si trasfor-
ma nel pubblico inquit Malvezzi. A For-
ma dicimus aliam Rat. Status esse
Rectam aliam corruptam.

Causa efficiens remota est Deus, hic
Stator & Autor Status. proverb. 8. vers.
15. Propinqua est Magistratus. Proxi-
ma, prudentia & quidem Politica s.
Architectonica. adde Horn. d. civitat.
proam. c. 4. p. 32.

Subiectum inhesionis sive pati-
 ens est resp. formaliter considerata.
Subiectum agens est Statista, qui sit
 callidus temporum, prudens, non
 tantum aliorum eventis doctus.

Objectum est vel Rationis Status
 generalioris, vel specialis, sed de illa
 nunc sermo nobis tantum est, quam
 dicimus versari *vel circa Personas,*
vel circa Res, vel Actiones. Perso-
 nae sunt, vel in republ. vel extra
 eam, in Republ. sunt vel imperantes
 vel parentes, in imperantibus confi-

deranda venit. 1. Pietas 2. Authoritas, illa non sit obtentui sumpta *Tac. 1. An. 10.* non ficta pro Ratione Status, ut vult *Machiavell. in princ. c. 21. vid. ibid. Dn. Conring. Animadvers. adde Aristot. 5. polit. c. 11. Savedram idea princ. Symbol. 25. 26. 27.* non ut regnandi instrumentum. *Forstner. ad 2. An. c. 13.* Autoritas imperanti sancte custodienda. Quomodo id fiat. *vid. Forstner. ad 2. An. c. 2. Lips Pol. l. 4. c. 9. Chokier. Thesaur. polit. l. 2. c. 9. Machiavelli princip. c. 21. Savedra Symbol. polit. 31. Quoad personas parientes* sciendum est esse eas vel *alienigenas* vel *indigenas*, Quoad illas notandum, quod peregrinorum habenda sit ratio. Dum nullum fastiditur genus in quo evideret virtus, crevit Rom. Imperium inquit *Liv. lib. 4. dec. 1.* Hisce facile Jus Civitatis & indigenatus concedatur. *Tros Rutulusve fuit nullo discrimine halet* eto, hoc observat bene Signoria Veneta. Adde *Danei Ax. polit. Aphor. 16. p. m. 11. Bacon.*

Bacon. d. vernulan. sermon. fidel. 29. An vero ex Ratione Status peregrini semel admissi possunt expelli? Negat id *Grot. d. I. P. B. l. 2. c. 2. p. 19.* Nos affirmamus cum D. Bæclero ibid. Indigenæ personæ sunt vel sacre vel profanæ, & hæc vel majoris vel minoris dignitatis. Per sacras personas etiam statui ejusque rationi inservitur, si per eas subditi ad observantiam, onera nova non moleste ferenda hortentur, hoc persuasionibus piis non difficile illis erit expeditu; istud Dæte Cæsari quæ sunt Cæsaris sedulo est imprimendum. Immorigeri orco terreni, quod ex Christiana religione facile est, quippe quæ nec impiis magistratibus resisti vult. Quoad profanas majorisque primo dignitatis homines respiciendi sunt: Consiliarii. Ministrissimi, Mignons. Quos mignons Galli, Germani **Schoßkinder** vocant; illi ob Rat. Stat. non sunt ferendi, ne dum socium curarum quærit princeps, inveniat dominum, est enim unum idque certissi-

num arcanum ad reip. salutem, principis ipsius peritia & prudentia. Hispaniæ Grandes, quod Dux de Lerma Philippum tertium solus regeret, scribebant ad Regem ita: *Regi Philippo tertio hoc tempore Lermao Duci à servitiis.* rationem status ministrissimos docet, & regulas tradit, quibus attentis extra periculum sunt. *Forstner. ad lib. 4. An. c. 1. Savedr. Symbol. 49.* qui tamen illos vult admitti, sed distinguendum videtur inter admissionem ad familiaritatem & Consilia. adde *Grammondum p. 9 l. 1.* Quoad minoris dignitatis homines considerandi ministri, subditi, eorumque affectiones quoad R. status contemplandæ. his imprimatur bona opinio. *add. Aristot. 3. Polit. 3.* principem esse *pro Deum* in rep. illis non permittatur examen rationis status, quippe quibus obsequii gloria relicta est.

Extra Regnum considerandæ personæ sunt vel junctæ sanguine, vel fœderibus & pactis. Nil moretur sanguis. Cognatio omnis postponitur

Ra-

Rationi status. vid. *Savedr. Symbol.*
 47. quoad fœdera & pacta, confide-
 -randa est natura sociorum & confœ-
 deratorum, in quibus assumendis ma-
 gna Ratio status Romanis erat, quam
Cic. vulgat. 3. d. rep. & 2. offic. populum
 rom. ait sociis defendendis terrarum
 omnium potitum fuisse. Facillimi
 certe erant Romani in assumendis so-
 ciis, ut, si alio non possent, colore de-
 fensionis sociorum, iniquitatem Mar-
 tis & armorum tegerent, & excusa-
 rent. De fœderibus notat Ratio sta-
 tus, quomodo illa pangenda? Cauti-
 ssimis Legibus. vid. *Boxhorn. Disqui-*
sition. politic. c. 34. An cum infideli-
 bus? est qui id satis verbosus negat
 contra Galliæ regem, quem in perso-
 na Judæ loquentem adducit: **Was**
wolt ihr mir geben / ich will ihn euch
verrathen. Nos affirmamus. Sed an
 cum infidelibus contra fideles? vide
Grotium d. I. B. P. 11. 15. 8. & c. Affir-
 mari posset ob multas rationes, in ne-
 cessitate defensionis & exemplorum
 præjudicio fundatas, æquior tamen
 negan-

negantium videtur opinio, vel ob illud Alexandri: malo me fortunæ pæniteat, quam victoriæ pudeat. In hoc membro discutienda est sancta Legatorum materia. *vid. Marselaer in tr. d. Legatis. (Hokier, auctar. l. 3. c. 6. Kirchner. d. Legat. Horn. d. civit. l. 2. c. 8. Duc de Roan in Ration. Status Hispania ibid. Inquisitores Legati. Grotius lib. 2. d. I. B. P. c. 18. addatur Carolus Pascalius, Albericus Gentilis, uterque de Legato, & hæc de primo Rat. Status objecto, personis scilicet.*

An Reli-
gio ex R.
St. mu-
tanda!

Dixi autem versari Rat. Status, non tantum circa personas, sed & Res. Res autem sunt vel sacræ, vel civiles. In sacris considerata est præprimis Religio, hoc magis movet multitudinem quam arma, & hæc ficta paganis olim tanti profuit, quid vera non possit. An autem Religio ex Ratione Status mutanda? Minime nec enim de provinciæ sed animæ salute agitur, & is qui alicujus temporalis commodi & maxime gloriæ prin-

principatusque sui gratia, falsas ac novas opiniones gignit vel sequitur, Augustino est Hæreticus. An diversæ religionis subditi in rempubl. assumendi? Assumendi bene ut cives male ut regiminis socii. Si enim in Aristocratia illi, penes quos est majestas, in religione dissideant, quos non tumultus excitat? At religio diversa & hæresis si semel irrepsit, an contra illam ferro & exilio est sæviendum. Non potius doctrina quam vi sananda sunt. Hæc quidem in corpus, nunquam in animum, qui in hoc quicquid est negotii, liberrimus esse vult, grassari potest, & *Paulus 2. Tim. 2. v. 24. & 25.* servum domini non vult pugnare, sed mansuetum esse erga omnes, aptum ad docendum. Sua certe ubiq; religio videtur optima, ut quæ plurimumque non ratione sed affectu dijudicetur. Affectus autem ille vi nunquam extrahetur. Severius tamen aliquid dixerim adversus eos, qui notitias illas naturales de Religione innatas, violant & evertunt, hos non argumen-

gumentis sed pœna edomandos esse, utile reip. & R. st. suadent. Sunt enim seditiosi, & eversores rerum publicar. *adde Grœtium d. I. B. P. l. 2. c. 20.* An autem Christiana Religio in genere considerata est è ratione status reip? Negabunt ex hoc & aliis Machiaveli discipuli: Religionem Christianam in amore & facilitate totam occupatam fortitudinis igniculos, militares virtutes suffocare. Sed impiam hanc esse opinionem, nulli cui cor sapit, est obscurum. *vid. Conring. d. majest. civ. autor. circ. sacra thes. 91.* De sacris, an & quando sint alienanda, *vid. Horn. d. civit. l. 2. c. 3. n. 7. Sævedra Symbol. 25.* Decisionis loco esse potest pacificatio Osnabrugensis, quæ docet alienationem bonorum Ecclesiasticorum per Rationem status esse licitam. Ad sacra spectat cura scholarum, has interdicere est Rationis status Tyrannicæ. *An vero è R. st. Germania est tot esse Academies?* Alii, volente Deo loco hanc quæstionem reservavimus. Certe non quemlibet è plebe, nulla inge-

ingenii bonitate præditum ad studia
admittere R. status esset, nunc in tan-
ta nominetenus studentium turba,
vilescunt studia & litterati. Hæc
de sacris.

Ad Res civiles spectant 1. *Leges* Res civi-
earumque latio. hac una re summum^{les.}
reip. imperium quodammodo est
comprehensum, sc. universis civibus
legem dare, accipere nunquam. hoc
est vinculum reip. quod tamen é Ra-
tione fit. solvi & rumpi potest. inter-
dum enim contra Leges aliquid juste
fit, docet hoc apud Cornel. Nepot.
Epaminondas, is cum reip. pernicio-
sum videret fore, si tempore Legibus
præfinito ab exercitu discederet, no-
luit Legem conservandæ reipubl.
causa datam ad perniciem civitatis
conferre.

2. *Tributa*, hæc modica, quan- *Tributa.*
tumque sufficit, sunt. imprimatur
subditis, reipubl. quemcunque ad usus
publicos magis obligari, quam Creditori.
Malæ tamen & corruptæ Ratio Sta-
tus est, tributis exhaurire, & ad inci-
tas

tas redigere subditos, egestas quidem demittit animos, sed ad desperationem & seditionem facile impellit.

Ærarium. huc spectat cura *Ærarii*, quæ quidem in rep. Germaniæ proh dolor! haud multum negotii faceffit. Huc referenda *custodia Regionis*, *Necessitas fortaltiorum*. Importanda & exportanda. illa exportandorum vectigalibus sunt oneranda, quæ aliunde peti non possunt. vid. Boxhorn. disquisit. polit. cas. 28. *Mercatura*. Savedra Symbol. 68, Sprenger. R. ft. 20. Lebleu instruction. futur. Consiliar. Disput. 5. c. 23. damnentur monopoliâ reip. perniciofa. *Jus Nundinarum*. Savedra Symbol. 68. *Vectigalia*. & hæc in rep. Germaniæ jam principi ablata sunt. Suedet Julius *Pflug* in eleganti libello de rep. Germaniæ & rationem status reparandi postulare ait, ut hæc cedantur ab optimatibus Imperatori. Eadem vult R. stat. ut vectigalibus onerentur res, quæ luxum instruunt divitum. sic divites onerantur, & pauperes sublevantur. vid. Savedram Sym-

Symbol. 67. non suadet vectigalia minimis, necessariis, quotidianis imponi, ex quo sæpe seditio orta est, adde *Danæum in Aphorism. polit. p. m. 291.* hodie non incongrue capillamentis **den Perruquen** imponi possent vectigalia. *Corruptis etiam moribus vectigalia* imponi non iniquum esset, sic bene introduceretur forsan in patria nostra ad modum Belgii uniti **de impost von ongesondeerde processen**, uti vocant. Huc spectant *Bellum & Pax. vid. Aristot. 1. Rhetor. 4. n. 14. & c. Savedram Symbol. polit. 4. 74. 75. 76. Pana vid. Grotium d. B. P. l. 2. c. 20.*

Hac de Rebus.

Actiones considerantur vel in se, **Actiones.** vel adversus subditos. Quatenus in se considerantur, spectant ad eas mores qui vel extra, vel in principe, quoad illos notat Rat. Status mores majorum sancte custodiendos esse, magnum in illis momentum ad arcana spectans docet *Tacit. 2. An. c. 59. 2. An. c. 56. & 2. A. 10. ibique Forstner.*
Quoad

Vesti-
mento-
rum
luxus.

Quoad mores in principe notum est, quod illi sint vel interni vel externi. Hic notatur quod luxus principi vitandus nimius in corporis necessariis, *add. Tacit. 3. An. cap. 55.* Non æmuletur peregrinorum vestitum, sed habeat illum genio nationis, patriæque gravitati convenientem, nec ferat in civibus intemperantem vestitus & morum æmulationem. Quoad Actiones adversus subditos commendatur principi Clementia. Firmus sit adversus pecuniam. *Tac. 3. A. c. 18.* parcus in tribuendo honore, *3. A. c. 40.* uno verbo sit virtuosus, nam virtus docet id quod ex se & sua natura ad statum conservandum semper facit.

Forma
Rat. St.

Sic absoluto Rationis Status objecto, *Forma* ejus consideranda est, quæ vel est Externa, vel Interna. Quoad Externam austerior apparet, hinc, quia plebem externa movent, ab illa damnatur. Interna consistit i. in *Religione*, hic nota, quam absurde Legatus quidam Ibericus, in machia-

Impium
Legati
cujusdam
dictum.

Machiavelli schola edoctus, Consuli Helvetio casu quodam politico scripturam alleganti, respondit: *ea nunc esse tempora, quibus Rationem Status non ad Biblia, sed Biblia ad Rationem Status accommodari oporteat.* Zahn d. mendaciis l. 1. c. 14. p. 47. 2. *Fide*, quæ hosti & infideli data servanda. 3. *Pudore & honestate naturali*, quæ non tantum ad legem bonum requirit, sed in omni officio talem. 4. *Iustitia*, cum qua non pugnat, si privatus ob bonum publicum bonis exuatur, notanter demonstrat, Horn. d. civit. l. 2. cap. 4. *junge ejusdem l. 2. c. 4. §. 18.* ibi singularia, adde Boxborn. *disquisit. polit. cas. 31.* *Forma practica* apparet ex mediis seu arcanis Imperii, auß den Regierungs-Vortheilen und Griffen.

Affine Rationis status est *dolus* Dolus. bonus, qui fundatur in jure, l. 1. §. 3. ff. d. dol. mal. is consistit vel in actu negativo, hinc dissimulatio, vel in actu positivo unde simulatio originem trahit,

Simula-
tio, dissi-
mulatio.

hñt, si sc. in rebus, si in sermone confi-
stat, Mendacium dicitur. Apud seve-
ras Laconas major victima ab eo im-
molabatur, qui dolo, quam qui aperto
Marte rem confecisset. *Simulatio itaq;
& dissimulatio cum Hornejo d. prudent.
legislator. num. 4. & aliis; non simplici-
ter sunt damnandæ. vid. Grotium d. I.
B. P. l. 3. c. 1. n. 7. Lips. 4. polit. 14. Car-
dan. arcan. polit. c. 52. 53. Savedra Sym-
bolo 43. p. 328. & c. Conring. d. prud. civ.
c. 2. p. 19. 20. Bacon. de verulam. sermon.
fid. 6. quas & plerique Theologorum
admittunt. vide Meisner. in philosophia
sobria part. 1. s. 2. quest. 6. nec enim u-
sus, sed libido utentis in culpa est. can.
1. distinct. 41. Animus hic, causa, per-
sona, locus, tempus, qualitas & c. bene
observentur, uti vult l. egregia 16. ff. d.
pœn. jungel. 19. d. reb. credit. Sint sine
malitia & vitio, nam simulatio Tibe-
rii bene culpatur, ad quam toties re-
volvebatur, ut vero quoque & hone-
sto demum fidem demeret. Tac. 4.
An. 9. Eadem cur non notatur in Da-
vide, Abrahamo? quia non in se & sua
natura*

natura est damnanda. egregie Malvezzi nel Davide perseguitato. *Chi nasce nella gran scena del mondo, dovrebbe sapersi vestire di molti abiti, per potere in questa comedia rappresentare diversi personaggi, l'huomo perseguitato dee à guisa di Conca gettare la perla, per non doventare preda de' Cacciatori.* vid. Forstner. ad 3. Annal. c. 26. Eleganter Clapmar. lib. 1. arcanor. rerum publ. c. 7. inquit: quicumque hanc scenam agere decenter volet, à duobus cavere debet, à simulatione turpi, deinde ab aperta, doli enim non sunt doli nisi astu colas. *De Mendacio* nota quod illud non semper sit turpe. vid. Grotium d. I. B. P. l. 3. c. 1. adde Gell. N. Att. l. 11. c. 1. ibi distinguit inter mendacium dicere & mentiri, eleganter egit Dominus Prasch d. mendacio. vid. p. 36. & c. vid. Conring. d. prudent. civ. c. 2. p. 21. qui ex sacris probat, ne Deum odisse mendacium omne, nisi cum injuria conjunctum. Quodcunque tamen mendacium promissionem vestit, non est ferendum *Plato lib. 3. de rep.*

Menda-
cium.

C

non

non multo post princ. ait: Principibus itaque civitatis, si quibus aliis mentiri convenit, aut hostium aut civium gratia, ob reipubl. utilitatem, adde Zahn qui scripsit tres libros de mendaciis.

Hæc quoad veram Rationem Status dixisse sufficiant.

Corruptam R. St. Idolum illud ex juris & utilitatis larvis conflatum delineare nunc institutum non patitur, & nostra, ni fallor, vera philosophia, jam aliquoties, manum de tabula! clamavit, videatur *Reinling in der biblischen Policen* / qui originem ejus eleganter & pie deducit, & hanc omnibus Decalogi præceptis adversantem delineat, lib. 2. *Axiomat.* 37. usque ad 40. ibi sat multa, adde *Forstn. ad 3. Annal. c. 26.* elegantissimū. adde *Savedram Symbol. polit. 67. Thom. Campanell. polit. c. 4. §. 6. & seqq. Trajan. Boccalin. centur. 2. Relation. 36. Philander à Sittvvald in vision. Satyr. part. 3. vision. 1. videatur Battista Guarini nel pastor fido A. 5. sc. 1. Commi-*
cia.

cia. Gente sol d'apparenza: in cui se miri viso di carità, mente d'invidia, &c.

Antequam valedicamus *Rationi* **An Ratio**
Status, videbimus an illa in augmento **Status in**
consistat? quod supra tribus tetigimus **augmen-**
 verbis. Alii affirmant, plures negant, **to con-**
 Negantes, certa nunc cuique esse do- **sistit?**
 minia, certos eorum limites asserunt, illos non nisi cum detrimento tertii possessoris extendi. Scipionem adducunt, qui cum censor esset, noluit in carmine, sicuti moris erat, poni: Dii augete, sed dii conservate remp. fatis addens habemus auctam, dummodo conservetur. *Iustin. lib. 25.* Sed *Savedra Symbolo 20.* dicit: Regnare nihil aliud esse quam tria perpetua suspiria: Conservandi augendi & amitendi. Mihi hæc facti quæstio videtur, & solvenda primo est & quæstio & vocabulum ab homonymia, inter est enim quo quisque sensu & rationem status & quæstionem accipiat. Sunt, qui *Rationem Status* nihil aliud esse dicunt, quam augmentum, & ut

barbara voce vocatur, interesse, & h
 quæstionem nostram Domitianam,
 nodumque nos in scripo quærere di-
 cent. 2. distinguendum est inter
 rempubl. rectam & corruptam. 3. in-
 ter augmentum cum & sine causa, nec
 enim illorum Advocatus jam sum,
 qui prout Octavianus Fregos Genuæ
 Dux se Leoni Pontifici excusabat:
Fürsten und Herren wäre nicht zur
Ungebühr zu deuten / wann Sie
umb Erweiterung ihrer Herrschafft
von dem was Sie versprochen einen
Abprung nehmen / *ex Gvicciard. l.*
12. memorat. Lehman Chronic. Spir. l.
5. c. 60. Quibusque hostis est, quicun-
 que terris potens, quorum libidini
 paret stricti ensis ira, innocentibus
 exitialis. Qui cum Gallis, hos enim
 insimulat signor d. Ferrier nel catho-
 lico di stato. p. m. 49. dicunt: *Non si*
*deve già per amor de Jesu Christo sprezzare l'ac-
 cresceremento del suo stato. Che*
Jesu Christo hà la cura dell'anima, &
li Rè delli corpi. Diabolica hæc est po-
 litica hoc docens: Incrementum sta-
 tus

Diabolica
 politica.

tus amorī Christi esse antehabendum, nec enim Christum nisi animas, Regem corpora curare. 4. distinguendum in quæstione est inter magnas & modicas respp. inter Reges & Regulos, hisce quies tutior est, nec de obtinendo, sed tenendo laborare. Regibus sua tantum retinere non regia laus est. *Tacit. 15. An. c. 1. & revera hoc dictum inter flagitia Dominationis referri scio à Clar. D. Bacler. in Dissertat. Lips. c. 5. Danao Aphorism. polit. p. 486. Ax. 2. nobis tamen non obstat, illi enim ex alia hypothesis disputant. Et Imperatores nostri Augusti, non Augusti dici malunt, & ad augendum Imperium vi Capitulationis tenentur. adde Carpzov. d. Leg. Regia c. 7. sect. 5. vid. Recess. Imper. d. Anno 1566. §. Nach obgesetzten. & d. A. 1576. Wir haben auch ein ferners. nec obstat Tacit. 1. An. 11. & 4. A. 32. ibi eleganter Forstner. add. D. Bacler. ad 1. An. 11. novissimus Arndius Trutinam stat. Europ. in princ. ad verba: in amplificatione. ibi totum Catalogum Autorum habebis. Unica magnitudinis Rom. causa fuit, armo-*

rum studium & omnia reip. instituta non ad civilis vitæ tranquillitatem, sed gloriam & imperii amplificatio- nem introducta fuisse. *Forstner. ad 4.*

An. c. 4. verba: plerumque inopes ac vagi. Huc spectat votum rom. Ducum, in provincias exeuntium, ut suo ductu incrementa resp. capiat. *Cic. fin. lib. 2. Offic.* dicit, præterea quibuscun- que rebus vel belli vel domi pote- runt, remp. augeant imperio, agris, vectigalibus, hæc magnorum homi- num sunt. Hodie principes verborum velitationes scholis committunt, ipsi quæstionem affirmative gladio nun- quam non decidunt. Laudant confi- lia eorum, qui cum Themistocle in convivio rogantibus, ut cytharam pulsaret, respondent, fidibus se nesci- re, cæterum posse oppidum parvum in magnam civitatem evertere. Sic laudant eos, qui non verborum artifi- ces, fidibus auribus tantum suaviter canentibus inserviunt, sed qui reapse remp. non tantum conservant, sed & feliciter augent. nam licet privati ad staturam corporis sui ne cubitum ad- dere possint, etiam sollicitè id agen- tes,

**Princi-
pes quæ-
stionem
gladio
solvunt.**

tes, tamen princeps corpus reip. augere potest, & tenetur. Regulos & respublicas autem dulcis saturet quies, nam rotat omne fatum.

Regulorum Rat.
Status an
fert augmentum,

La Republique qui est petite ne peut occuper estat plus fort & plus gros que soi. Autrement lui en prend comme à un arbre, lequel a les branches plus grosses que le trone, dont portant le fardeau, le premier vent qui vient tant petit qu'il soit, le met bas. Francois de belleforest dans sa regle d'estat 420. Hinc bene hodiernarum potissimæ rerum publicarum, quales sunt Veneta, Helvetica, Belgica, pro ratione status servant quærere parta tueri. eadem ratio suadet, ne bella offensiva gerant, invadentibus autem mascule resistent. Reputate tamen

*Vos quibus Rector maris atque
terra*

*Ius dedit magnum necis atque
vite*

*Iniqua nunquam regna perpetuo
manent!*

CAP. IV.

De Homonymia Phrasis.

De variis veterum philosophandi modis. Atheniensium numeris. Ænigmatibus. Hieroglyphicis. Carminibus. Dialogis. Cabala &c. d. reliquis philosophia simulata speciebus. De Rabulis. De pragmaticorum patrociniis & Advocationibus. Advocatorum Advocatus. ICTus respondens. frustra ab Advocationibus vera philosophia expectatur. Zandtsichtige Advocaten. Advocatus ICTi Minister. Disputationis conclusum moderatum. Advocatus aptissimum lignum Apollini formando. Antiqua declamationes. An vera philosophia est Empirica. ibi Hortleleri de vera philosophia opinio. An practica, Theoretica vero simulata? &c.

Veram

Veram philosophiam & olim Athenienses profitebantur. *Numeris*, abscondito sane, paucisque per-
 Atheniensium numeri.
 netrabili modo, hac Plato, hac Pythagoras clari erant, & hanc veram & antiquam non palliatam Philosophiam dicebant. *Rhodigin. l. 29. Antiqu. lect. o. 7.* adde Joan. Scheffer. d. natur. & constitution. philosophiæ Italic. c. 5.
 Alius *Ænigmate*, ut Heraclitiei, qui *Ænigma-*
 in Epheso Joniaque philosophabantur, *Emblemate* alius, alius *fabula*,
 alius *comædia* philosophabantur. *Ægyptius hieroglyphicis* veram sibi *Hieroglyphica.*
 vindicabat Philosophiam. vid. Horn. histor. philosoph. l. 7. c. 6. fusius Athanas. Kircherum in admirando Oedipo Ægyptiaco. Græci *carminibus*
 sapientiæ præcepta tradebant, & Galli aliæque Nationes versibus philosophantur. *Verfus.*
Casar. lib. 6. Aristot. 8. polit. 7. imo Germanis unum memoriæ & Annalium genus fuisse carmina antiqua, docet Tacit. d. morib. Germanor. præcipue autem Druidibus, quod genus Sacerdotum Celtis, adeoq; Gal-
 lis

lis pariter & Germanis commune fuit, in more positum legimus, ut discipulos suos carmine s. versibus comprehensa docerent sua mysteria, quorum vel viginti millia ediscenda fuisse Autor est Cæsar, adeoque nonnullos per viginti annos in disciplina mansisse. Alii in & cum Eloquentia philosophabantur, hinc *Cic. lib. 3. d. Orat. dicit*, se non impedire quin suo illi docto & erudito Oratori philosophi nomen impertiat. Platonici in *Dialogis* philosophabantur. Aristoteles matutino tempore *ἡμερόμαχος*, siue subtiliorem philosophiam, vespertino *ἑσπερίμαχος* siue Rhetoricas meditationes argutiarum rerumque civilium notitiam proposuisse legitur apud *Gellium N. A. l. 20. c. 5.* stoicos maxime opere dialecticis ætatem trivisse probatur ex *Laert. lib. 7.* Academicos maxime dubitasse, aliorumque rationibus refutandis philosophatos fuisse tradit *idem l. 7. c. 1.* Horum autem nemo non arbitrabatur, se veram philosophiam tenere, & optime philosophari,

phari, cum tamen plerique magis circa corticem, externa puto & modum philosophandi, quam ipsam rem occuparentur. Hebræo *Cabala* erat vera *Cabala* philosophia, quam sanctum Numen ipsum Moyse hunc populi primoribus oretenus communicasse, multaue de futuro mundi servatore, deque fatali reipubl. illius periodo proposuisse enarrat. *Rhodigin. lect. antiqu. lib. 10. c. 1. Speidel. Notabil. Juridis. Histor. Polit. sub verbo Cabala. Glasium Philologia Sacra l. 2. p. 1. tract. 3. S. 3. art. 7. Caffarellum d. Cabala.*

Sed hæc commenta & secunda Editio, quam Hebræi Misne Thorach, i. e. legem secundariam vocant, hodie abrogata sunt, *Novell. 146. sap. 1.*

Singulari sensu philosophiæ perfectæ dicitur posse affectus, & in specie *Amorem*, cuius furore nihil vehementius, *retinere. Novell. 74. c. 4.* Veram etiam philosophiam, quam perfectæ. *An Tholosani Ars magna fit vera philosophia.* *Sanus Syntaxi artis mirabil. vid. com-*

commentar. in lib. 1. c. 3. p. m. 18. ibi:
 singularum scientiarum veluti quod-
 dam epitome contexuimus, ut Dei
 beneficio & nostro medio, quicun-
 que nostras habuerit lucubrationes,
 nullis aliis libris, vel certe paucissimis
 egent ad scientiarum encyclopædi-
 am addiscendam. Ni fallor, in eo la-
 borat, ut in artificio suo generalia
 præcepta tradat, ex quibus singularia
 in omnibus disciplinis & scientiis di-
 sputari possunt. Et hæc licet ex insti-
 tuto Autoris optima sint, laudan-
 dumque studiorum compendium,
 nondum tamen est illa philosophia,
 quam nos indagamus. Aliter & pie
 quidem veræ philosophiæ vocabulo
 utitur *Henricus Ernstius*, qui libro
 suo, quem inscribit de vera philoso-
 phia, docet illum esse verum philo-
 sophum, qui labefactatam rationem
 erigit, erectamq; excolit, & confirmat
 è sacrarum literarum fonte, non vero
 humanæ sapientiæ lacunis, sed huc
 isthæc non pertinet. Omnes reliquas
 sic dictas veræ philosophiæ aut sectas
 aut

Ernstius
 d. vera
 philoso-
 phia.

aut species, quas fusiores enarravimus, rejicimus, nam nostra philosophia hæc pro veris non agnoscit, tum quia pleraque illa arcana mysteria erant, & obscura, tum quia aliam angustiore sibi subjectam materiam habet, nec ab antiquis fabulis jura nostra addisci vult. §. 3. *proæm. Inst.* Circa jura laborat, justitiam conservat, amissam restituit, miseris auxilia præbet, non lucri, sed Justitiæ amore. *vid. l. 1. §. 5. ff. d. extraord. cognit.* Valeant itaque & *Togati vulturii*, quibus est Justitia venalis & mature peritura si emptorem invenerit. Valeant *Crumeni-Mulga, Iurgiorum Praeceptores*, die schAdvocaten und Feudersechter/die Schrifften-Schmiede und Anheker. Valeat corruptus *Rabula*, qui *clamosi rabiosa fori furgia vendens improbus iras & verba locat.* *Drexel. in Salomon. c. 12. §. 2.* notanter: in regionibus thuriferis si male judicatum esset, grandior erat regis fenestra, cui appensa catena si attrahebatur, pandebat fenestram, & Rex par-

Rabulæ.

C 7 tibus

tibus jū dicebat ita admonitus, sic il-
 le applicat: Illud miserum est, si quis
 tenuiorum aliter causam suam agere
 nequeat, aut nullum illius exitum in-
 venire possit, nisi prius catenam tra-
 hat argenteam, philippicis pugnet.
 adde *Boccalini*, aut quisquis Autor sit
nella secretaria di Apollo, p. m. 549. ibi:
se il diavolo non ha nel inferno questo
tormento per la pena del senso de' danna-
ti, non ha tormenti insofferibili. &c.
 Wann der Teuffel die Pein deß be-
 schwerlichen Processes in der Höllen
 nicht hat / könne er sich nicht rühmen
 Daß er alle unerträgliche Qual bey-
 sammen habe. Facile itaque apparet
 cuivis in projecta effrenataque Ra-
 bularum loquacitate veram philoso-
 phiam positam non esse, nec ulteriori
 demonstratione opus est.

De Advoca-
 cationi-
 bus.
 Advocato-
 rum
 Advocatus.

Quid ergo statuendum *de prag-*
maticorum patrociniis & Advoca-
cationibus! Primo quidem apparet
 intuitu non ex minimis hoc studium,
 sed I. Ratione Originis venerandum
 esse,

esse, nam causas apud Judices orare olim magnificum & liberale munus fuit, non sæpius in acie Pompejus quam sub iudice stetit. Plutarchus in Demosthene dicit, cum gustata causarum orandarum dulcedine famæ ac potentiæ, statuisse prodire in medium & ad reip. certamina se conferre. 2. Si ad utilitatem vitæ omnia consilia factaque nostra dirigenda sunt, quid erit tutius quam eam exercere artem, qua semper armatus præsidium amicis, opem alienis, salutem periclitantibus ultro feras. *Quintilian. Dialog. d. Orator. c. 5. 3.* Quid dulcius libero & ingenuo animo, quam videre plenum semper & frequentem domum concursu splendidissimorum hominum? 4. Nec illud negari potest, quod tradit *Everhard. loc. legal. preambul. p. m. 103.* quod sit gravissimum studium, quodq; quis post perlectum Juris Corpus parum admodum sit affecutus, & tum demum ignorantiam suam deprehendat, cum
ad

ad scribendum calamum arripuerit. adde *Bodin. in prefation. method. histor.* ubi ait: qui sine forenfi disciplina Juris scientiam se adeptos arbitrantur, planè confimiles sunt iis, qui se ipsos in palæstra semper exercuerunt, nullas tamen acies viderunt, nullos militiæ labores tulerunt. Ad forum certe venienti omnia nova videntur, tumque demum è schola elapsus non militem sed tyronem se esse apprehendit, hinc scholam quasi ludum & forum arenam vocat *Seneca excerpt. controvers. l. 3. §.* Ob id egregiis etiam encomiis inclytum est, dirimere advocatos ambigua fata causarum suæq; defensionis viribus in rebus sæpe publicis ac privatis lapsa erigere, fatigata reparare, non minus providere humano generi, quam si præliis atque vulneribus patriam parentesque salvarent, dicit eleganter l. 14. C. d. advocat. divers. judic. **6.** Benedictionem lucrosam effectum divitiis & facultatibus refertas Advocati domos sequi ajunt, claudere paupertati fores. *Cicero-*

ceronem pro unius causæ peroratione domum quinquaginta millibus coronatorum æstimatam accepisse. Baldum ex sola substitutionum sterili alias materia 15000. Ducatorum lucratum fuisse. 7. Exerceri ingenium & iudicium, dum nimirum laborat Advocatus actis & factis alium sensum affingere, ne causa cadat, nec esse artis, quod ex se iustum est, defendere, sed & id quod prima fronte iniustum videbatur, per cautelas & subtilitatem ingenii tueri & salvare. Ab iis si quæras, quo se duce, quo lare tudentur, Ciceronem adducunt, qui 2.

Offic. p. m. 506. ita scribit: patroni est nonnunquam verisimile, etiamsi minus sit verum, defendere. Quis, dicunt, non laudet illam subtilem & notam explicationem ducis de Ossuna, cum enim defunctus quidam Patres Societatis Jesu ex asse heredes scripsisset ita, darent filio suo quod vellent, Patres boni eludebantur post fata Testatoris, dum verba hoc modo explicabantur: Non voluisse Testatorem ut sibi ser-

varent

Kunstgriff
der Advoca-
ten.

varent totam hereditatem, sed darent
eam filio, huic enim deberi id quod
ipsi vellent, jam autem ipsos velle to-
tam hereditatem, darent ergo illam.
&c. Dicunt illi, dum nos accusatis,
Demosthenem, Ciceronem, sum-
mosque Oratores accusatis, quos se
habere autores arguti sui consilii ja-
ctitant. immortalitate donant De-
mosthenis illud excerptum à *Valer.*
Maximo lib. 3. c. 7. qui astutia sua miri-
fice cuidam succurrebat ancillæ jam
crucifigendæ, illa pecuniam depositi
nomine à duobus hospitibus accepe-
rat, ea conditione ut eam simul utriq;
redderet, alter tanquam mortuo fo-
cio decepta ancilla omnes nummos
abstulit, succurrit miseræ patronus
Demosthenes ita: mulier, inquit, pa-
rata est depositi se fide solvere, sed nisi
focium adduxeris, id facere non po-
test, quia dicta hæc lex est ab utraque,
ne pecunia alteri sine altero numere-
tur. Sed ut singula accuratius perspi-
ciamus, ab exordio rem repetemus,
sit itaque illud primo verum, sit pia o-
rigo,

**Respon-
siones.**

rigo, quam perinde ac usum & nos laudamus, non tamen inde probatur probandum, sc. in Advocationibus modernis consistere veram Philosophiam, hujus partem tantum attingunt, potissima autem ab illis pars negligitur, nosse scilicet num lex bene an secus lata sit, & hodie non tantum ab illa primæva nobilitatis rectitudine descivit illud studium, sed & operam sine discrimine plerumque locat clientibus venalem, suas exuvias ad certamen tradentibus. *Ad secundum*

Ad 1^{um}

à minori ad majus ita concludimus, si illa privatis suppeditata auxilia tantum profunt, quid dicas de Jcto vero, qui publico & omni reip. consulit, nec tantum de Titii & Mevii, sed communi omnium salute laborat.

Ad 2^{um}

Ad tertium, quo splendorem externum sic conciliari ait, respondet Italus ille *Lottino nei avvedimenti civil.* A. 383. accedere illum Advocato tanquam necessario malo. *Il medico & Casidico vengono ad esser honorati per necessità, non havendo bisogno di loro, se*

Ad 3^{ium}

non

non per necessitatem, &c. nam si inveniretur aliqua civitas, in qua nemo peccaret, supervacuum esset inter innocentes orator s. Advocatus, sicut inter sanos medicus, inquit *Quintilian. c. 4. d. orator.* ex suo studio multo felicius, licet nunquam affectet, consequitur tamen Jctus hunc splendorem, nec privatorum sed Imperatorum & Principum cultu observatur. Carolus V. lucernam præferebat Seldio Jcto, & renuenti respondebat: *En monumentum Casarea servitutis, quam virtuti & immortalitati tue debebam.* Nil quar-

Ad 4tum.

tum probat, non enim Advocati & foro proprium, sed in omni novo studio ordinarium & frequens est, eliciunt sudorem intentata studia rudioribus, magisque illa, quæ nobiliora, quæq; gravioribus fatigantur objectis, uti est vera Jurisprudentia.

Ad 5tum.

Ad quintum Respondeo si oratorum more encomiis hic certandum foret, cedent illa arma forensia, ille labor otio Jcti, quod & infra declara-

Ad 6tum.

bitur. Sextum maxime infirmum est, quod

quod in divitiis caduco & instabili
hominum bono gloriæ fundamenta
exstruit. Deterior non melior fit qui
accipit, atque ad idem semper expe-
ctandum paratior, ingeniose admo-
dum *Cic. 2. Offic. p. m. 506.* vocat illam
gratificationem ex arca depromptam, Gratifica-
quam postponit operæ quæ benigne *tio ex*
fit. Hanc Viro forti claroque dignio- *arca.*
rem dicit. Imo non omnium, sed Ci-
ceronis & Baldi tantum gloria est,
plurimos Advocatos adjectivum pau-
per per omnes casus & numeros ad
Ablativum usque sequitur. Et con-
cedam hoc, Est ergo injustissimum
justitiæ mercedem quærere, & simu-
latæ philosophiæ indicium, bovem in
lingva habere, vere enim philoso-
phantes pecuniam contemnunt. *adde*
Limn. 7. P. l. 1. c. 2. Hinc Orbis fere
totus execratur & ordini Advocato-
rum objicit, vendibilem esse pleris-
que Justitiam, modo numerus appa-
reat, pauperem causæ suæ patronum
nunquam invenire, cur? Quia æget
ære Cappadocum Rex. Olim Calen-
das

das Januarias carica, sive cariosa, erat palmarum fructus, à paupere cliente patrono offerebatur, hoc erat laboris præmium, *vid. Gothofred. ad l. ult. ff. d. tritic. legat.* certe si in plerorumque opus Advocatorum inquiras, apparebit, quam illæ miseris haud raro sint detractæ, alienis lacrymis mandentes, habebit hic quo gloriatur, si aperta domo & admissis in res suas Clientibus, poterit dicere: quod quisque suum agnoverit, tollat, O magnum virum, optime divitem, si post hanc vocem tantundem habuerit, si nihil quisquam apud illum inveni-
 nerit quo manus injiciat! *Septimum* ridiculum est, sub colore virtutis latibula libidinis quærere, & prout *Lehman. Chronic. Spir. l. 5. c. 59. loquitur.* Dem Richter eine Nebelsapp überziehen/ und das rechte Recht unsichtbar machen, imo in sui perniciem retorquendum telum. Leges enim candido genio à Jcto conditas deflectere per innumeros anxiosque calliditatis articulos, hoc cunctis in scientiæ laudem
 ponen-

Ad 7ti-
 mum.

ponendum, in iis aliquid invenire, quo eludi simplicitas possit, hoc cunctis est gloriosum? Quod adductum Ciceronis locum attinet, notari debet illum adducto loco de defensione & officio defensoris loqui, quem dicit eloquentiam non ad bonorum pestem, perniciemque convertere debere, non vero Regulam Universalem Advocatis tradit, quod & ex vocabulo *nonnunquam* apparet. Audiamus eundem Ciceronem *lib. 1. d. LL. p. m. 430.* Qui non ipso honesto move-mur, ait, sed utilitate aliqua atque fructu, callidi sumus, non boni. Sequi debebat pharum suum Iustum & No-mothetam Advocatus, huc, non ultro respiciens, haud erraret, jam, dum subtili, exitiali tamen aliis solertiæ studet, quis non bonam causam habet! sic nullum in iudicium vocabitur flagitium, quod non Patronum inveniatur, anne sic subtilitas explicationis naturam facti in se detestandi mutabit, & ex mala bonam causam faciet? Existimare decet te, inquit

Ludo-

Ludovic. Vives instit. ad sapient. c. 10. §. 842. homines habere sensum, rationem, mentem, judicium, ne speres te illis posse persuadere malefacta esse benefacta. Plato ob hanc & tales causas *lib. 10. d. rep.* caufidicos beata rep. eliminandos censet, ob easdem & in Ægyptiorum rep. non admittebantur. *teste Diodor. Sic. lib. 1.* Jctus verus non tantum Patronos tales odio prosequitur, sed & ipsas lites execratur, secundum *l. 4. §. 1. ff. d. alienat. judic. mut. Cicero 2. Offic. p. m. 508.* convenire ait gravi & magno homini æquum esse & facilem, multa multis de suo jure concedentem, à litibus vero abhorrentem. Cum Hispanis docet: *Mas vale mala abenencia, que buena sententia* besser sey ein mager Vertrag als ein fett Urtheil. Ipse in Camera pacis residens ad disputandum proclives placide componit. Non incongrue itaque *Boccalini Relat. 41. part. 1.* statuit. Man möge eines Unpflinanns Leichtfertigkeit auß keinem Dinge ehe erkennen / dann wann man

Jctus à
litibus
abhorret.

man sehe daß er Lust zu dem Gezän-
 cke habe / deren vernünfftige Leute
 vierzehen für ein Duzet geben.
 Certe libertati nihil æque noxium
 est, quam si vitilitigatorum hæc studia
 nimium convalescant. & scit Jctus
 verus lites abbreviari publice inter-
 esse ex l. 13. C. d. judic. l. fin. ff. pro suo.
 gliscente hoc studio publicam quie-
 tem, amorem Christianum extirpari.
 Bene quidem consulitur, ab homini-
 bus autem non expectabitur illud
 quod in proverbii consuetudinem
 nunc venit: **der Personen Freund/
 der Sachen Feind.** Sequuntur affe-
 ctus humani illa forensia prælia, pe-
 riclitantesque deplorant injuriam in
 justa causa sibi imminentem, quæ in
 immortali processu artificiose occul-
 tatur. Sequuntur mores pravi, con-
 cordia membrorum in rep. tollitur,
 odia aperta aut occulta in animis se-
 runtur, hinc fraudes, insidiæ & stu-
 dium vincendi & supplantandi. Non
 enim ut Celsus verissime scripsit, bo-
 na Conscientia, sed victoria litigantis.

D

est

est præmium. Quid quod plerique
 Advoc. leges ut ceram habent, pro
 animo aut lucello suo huc illuc eas
 ducunt & flectunt. Nec frustra mo-
 nebantur Adagio-prisci, *ne allia co-
 mederent & fabas*, i. e. militia sagata
 & togata abstinere, ne scilicet cum
 claudis habitantes claudicare disce-
 rent. Jctus itaque licet non ipse ob-
 eat hæc munia, Advocatis tamen suis
 relinquit, quibus tanquam oculis, au-
 ribus, manibus & pedibus utitur, hos
 rusticorum causæ, hos contumacium
 clientelæ vocent in forum. Hinc
*Hopperus d. ver. Jurisprud. lib. 4.
 tit. 6. dicit.* Non convenire Jcto ut
 majorem illam curam relinquat, &
 inferioribus operam det, *quoniam*
Apostoli negabant, se prædicationem
verbi Dei deserturos, & ministraturos
mensis sed mandabant eam rem Dia-
 conis. Neque tamen quæ dicta sunt,
 aliter quam *instrumas & vomicas* ho-
 norati hujus ordinis dicta velim, nec
 ex eo quod à pluribus dehonestetur
 hoc studium, id elicio, in Advocatio-
 nibus

Advoca-
 tus Jcti
 minister

nibus nullam operam esse ponendam. Erras, quicumque me ita sentire putas, hoc si facerem, non dico essem ineptus aut hebes, sed absurdus; nam Patroni s. ut vulgo loquimur, Advocati in qualibet bene constituta rep. sunt constituendi, *add. Dn. Conring. d. forma judic. in rep. recte instituend. §. 20.* Et J Cto non obesse scio fuisse Advocatum, olim inter rudimenta futuri politici actiones fori numerabantur, *Cl. Dn. Bacler d. eloquent. polit. §. 6.* illa messis aurea excitavit plura ingenia, *peritus enim Advoca-*
& subactus in forensi Jurispruden- *tus aptis-*
tia Advocatus, Aptissimum est li- *simum*
gnum Apollini formando, inquit *lignum*
Moreelse d. stud. jur. abeat tamen ad *Apollini*
altiora, & reipubl. consulat, post- *forman-*
quam curiosus explorator in dicaste- *do.*
riis fuit, sin plane aversetur strepitum
forensem, potest ab antiquis decla-
mationibus repetere exercitium pra-
cticum, nam & Romanorum excel-
lentissima ingenia hisce umbraticis *Antiquæ*
D 2 foren- *declama-*
tiones,

forensium actionum meditationibus exercebantur in scholis, ubi proponebant ficta themata, prout ex Senecæ controversiis & Quintiliani Declamationibus &c. videre licet, eundem modum, si placet, æmuletur noster, ad summum properans, & in secessu se hoc & aliis studiis exerceat, hunc enim modum præferēbant antiqui, prout ex Dialogo vel Taciti vel Quintiliani d. Oratore & nonnullis Plinii junioris epistolis demonstrabitur. Sed ultra septa transiliimus, & præter intentionem nimis diu Advocatorum studiis inhæsimus, in viam itaque redeamus. Demonstratum ergo est in Advocationibus non consistere veram philosophiam.

An vero dicemus veram philosophiam hic practicam esse, & Theoreticam excludere tanquam simulatam? Sic statuere videtur Hortleder in præloquio von den Ursachen des Teutschen Krieges / ibi: Aber weil Fürstliche Personen / ꝛc. in der besten blüth ihres Alters den Academischen und Theorischen

An vero
philoso-
phia est
practica,
exclusa
philoso-
phia
Theore-
tica!

rischen Studien daß Valetē geben/
mit der Bürde der Landesfürstlichen
Regierung sich beladen / und dabey
als die veri philosophi auß täglichen
fürfallenden Regiergeschäften vol-
lends lernen müssen / was die simulati
auß den Büchern heraus zu glauben
pflegen / *zc. ubi tamen Hortlederus*
plus quam proposuerat, collegisse vi-
detur. Docere volebat practicam
philosophiam esse veram, sed ille con-
cludit ita : Empiricam scientiam i. e.
illam quæ experientia nuda compara-
tur, esse veram, huius, non recte oppo-
nit eos, qui ex libris prudentiam eru-
unt, nam civilium præceptorum sci-
entia ex libris necessario est suppo-
nenda ei, qui non fundamentali do-
ctrina politica neglecta, à posteriori
ut dicitur, inchoare malit. De Empi-
rica quid sit statuendum docet, D.
Conring. c. 7. d. prud. civ. ubi elegan-
ter rem ita decedit: Quemadmodum
iis, qui medicinam usu addiscunt,
contingit, ut experimenta faciant per
mortes hominum, ita sæpe numero

Hortle-
deri opi-
nio exa-
minatur.

evenit, imo non evenire non potest, Empiricam illam prudentiam sectantibus, ut ex malo eorum consilio enata rei publ. ruina sit pro experimento ejus, quod in posterum est cavendum, cum tamen bis peccare non liceat, adde eundem *cap. 6. propolitic.* Quæstionem etiam affirmative decidit subtilis alias Bachovius *1. Disput. Treutler. Thes. 2. lit. A.* ibi postquam & refutaverat & explicaverat Treutleram, statuentem per veram philosophiam Ethicam intelligi in Thesi, quod Jurisprudencia est in hypothesi, tandem suam proponit sententiam, sed non video quomodo explicatio pro Treutlero facta rem expediat, generaliter nimirum sumto Ethicæ vocabulo, ut & Politicam sub se contineat, manet tamen, quod & sic philosophia Theoretica sit simulata, quod Ego non dixerim, nihil enim in Theoretica philosophia simulati est, cum quælibet disciplinarum incerto habitu, vero & certo occu-

occupetur objecto , & sapientibus
olim ratio degendæ vitæ quieta pla-
cebat , in contemplatione & cog-
nitione posita rerum , quæ quia deo-
rum vitæ erat similima , sapiente vita
erat dignissima. *Cicer. s. d. finib. p. m.*
143. Quid quod summa beatitudo in
Theoria , contemplatione & cog-
nitione Dei consistet , secundum com-
munia Theologorum & *Matth. s. v.*
8. ubi : Beati mundi corde , quoniam
ipsi Deum videbunt , hoc non de vi-
sione corporali , sed cognitione in-
tellectus dici apparet ex eo , quod
Deus sit spiritus invisibilis , *1. Tim. 1.*
v. 17. jungatur *Johan. ep. 1. cap. 3. v. 2.*
imo & verus Jctus sine illa esse non
potest , prout demonstrabitur , licet
itaque neque in Theoretica neque in
practica philosophia consistat illa de
qua nunc loquimur Jctorum philo-
sophia , sunt enim famulæ ejus , ad-
mitti tamen debet omnis philosophia
tanquam *religiosa res* , prout voca-
tur *l. 1. §. 4. ff. d. extraordin. cognit.*

Bachovius excusatur,

Bachovium quod attinet, in honorem ejus dicimus, I. illum non decisive sed examinative loqui, apparet ex verbis: videri possit. II. Aut illi sermonem esse de Cathedrariis philosophis, prout Seneca vocat illos, qui nudis verbis atque in Cathedra, non re & facto in vita philosophantur. Aut III. De illis, qui ut Adagio dicitur, de fumo disceptant, quique Theorematis nugilibus, & puerilium Isagogarum commentationibus exercentur, quæ se junguntur à vero & sincero philosopho. *vid. Gell. noct. A. lib. 1. c. 2.* Aut IV. Dici posset illum per veram philosophiam non aliam quam philosophiam καὶ ἐξοχὴν intelligere, quæ Stoicis etiam erat practica philosophia, ut hac mente practicam comparative non exclusive veram diceret philosophiam, ob publicam privatamque utilitatem, hinc *Cicer. lib. 1. Acad. question.* vitam activam contemplativæ præferendam esse censet, quippe quæ non tantum scire & cognoscere objectum

Etum suum docet & actiones, sed ad
 divinam voluntatem conformare eas,
 hominemque ad futuram & cœle-
 stem vitam invitare conatur, adde
Aristot. l. 7. polit. cap. 2. si vis, vide
Maximi Tyrii sermon. 5. & 6. Ubi vi-
 tam activam & contemplativam lo-
 quentes, invicemque rationi-
 bus concertantes in-
 ducit.

CAP. V.

*Veri Philosophi connata. Bonitas
indoles. ꝑ perficiarie de illis, qui
solius natura beneficio in civili-
bus excelluere. Acquisita huma-
niora necessar o sunt supponen-
da. ex 5. capitibus demonstratur.
Exoticarum linguarum studi-
um. Philosophia sit cul or. Maxi-
me historia, quomodo hac tra-
ctanda. improbantur subtilitates
philosophica. Poetarum lectio
commendatur ex autoritate An-
tiquorum. quomodo politica.
quomodo Ethica tractanda De
moribus] Cti. A sinus eruditus.
de ritu antiquo consulendi ICtos.
An ICto liceat jocari. Ehren-
trunck eines Esels. Ex Apoph-
tegmatibus etiam haurienda
prudentia. Opponitur differenti-
de polymathia. qua alii deside-
rant in ICto. De Nomothesia.*

Expo-

EXposito sic simulato, verus philosophus est advocandus, qui consideratur aut secundum Connata, aut Acquisita, in Connatis præsupponimus *1. naturam huic studio sufficientem*, dotes ingenii practici, in inveniendò, judicando, memorando exquisiti, *deivórnç* ab Aristotele illa vis ingenii vocatur, *l. 6. Ethic. Nicomachior. c. 12. à Senec. ep. 95. egregia indoles & rapax virtutis ingenium.* à Facito in Agricola *sublime ingenium.* ab eodem *lib. 4. Histor. 5. illustre ingenium,* quod quale sit, explicat ibidem *Clar. Dn. Bacler.* nimirum habens naturam practicam, & sensum communem; & judicium rebus agendis ingenita felicitate congruens. Minime ergo cum Georgio Horn. statuemus subtilitatem & magnam sapientiam non requiri in Politico; Dei enim providentiam & hominum stultitiam gubernare omnia.

An vero subtilia, ignea & acuta ingenia hic cum *Lipso in 3. polit. c. 4. n. 10.* quem plerumque sequuntur alii,

Ingenium verum
Icti.

Subtilia
ingenia.

damnamus? Non absolute, causas nostri dissensus explanabit Dn. *Conring. cap. 13. d. civil. prud.* ad quem, ne cornicum oculos configere, verbisque abuti videamur, nos remittimus. & hæc futuri Jcti. indoles necessario supponenda est, neque enim sine ratione dubitant prudentes, utrum natura, an ars in civilibus expediendis negotiis prævaleant; demonstrari id facile posset, & exemplo Henrici Mommorancii, Connestabilis, Hadriani Turnebi, Georgii Buchanani, Marci Antonii Mureti, Cominæi, Michaelis Hospitalii &c. nisi res tam manifestam haberet evidentiam, ut abuti otio videri possem, si id tuisioribus instituerem probatum ire, adde Dn. *Becler. in not. ad vell. Paterc. l. 2. c. 95. Dn. Conring. in propolit. 2. Requiritur bonam integramque naturam*, nondum vitiorum consuetudine inquinatam, propensionem ad omnem virtutem, eleganter *Horat. 2. epist.*

Bonitas
connata.

Since

*Sincerum est nisi vas, quodcumq; in
fundis, acescit.*

Hic nobis non obloquitur Dn. *Con-
ring. c. 13. propolit.* ubi: nonnullæ resp.
non possunt solis bonis artibus regi, An semi-
in illarum quidem rectoribus non bonus.
debet exacta virtus reperiri, satis est si
rectores illi sint semiboni aut semi-
mali; loquitur enim tantū de rectori-
bus corruptæ reip. nobis autem hic
sermo est de qualitate connata, quam
semibonam aut semimalam esse non
sufficit. Quoad acquirenda desidera-
mus, ut animi centrum & *meditul- Human-*
lium scientiarum circumferentia hu- niora.
maniorum ante omnia coronet; pro-
ut Emblematicæ de principe suo lo-
quitur *Savedra E. 6.* ut in humaniori-
bus præprimis instructus sit; sed ea in
perniciem patriæ nunc vulgo negli-
guntur; in superficie plerique rerum
perfunctorie, non bona fide vagan-
tur, pro calcaribus tamen esse de-
bebant.

1. *Necessitas*, ad altiora enim ne-
mini sine istis iter est, Tu si veram so-

lidamque sapientiam adipisci cogitas, certo ordine, ac quibusdam veluti gradibus ad arcem illius paulatim ascendas, non evoles. Animum enim non fideliter præparatum imbutumque, nihil eximium solidum, subtile intrat. *Henric. Moreelse dissertat. d. manuduction. studios. jur. per Academiam ad rem publ. dicit*: Neutiquam illi mihi J Cti sunt, qui vix rude triviali donati, & humaniorum disciplinarum præfidiis destituti, nil nisi cautionariam intendentes Causidicnam, privati juris seita perfunctorie degustant &c. verissime namque elogio Tulliano non scientia juris, sed ignoratio litigiosa est.

2. Suadet veterum studendi ratio.

Proceres Romani filios suos ita erudiebant, ut initium ab Eloquentia facerent, ob id Oratoribus se clarissimis dabant, apud quos velut in re præsentī Eloquentiam addiscebant, *adde Cl. Dn. Bacler, ad 4. Histor. Tacit. cap. 3. eundē in not. ad vellei. paterc. l. 2. c. 95. 4. vid. Ciceron. 3. d. Orat. c. 15. ubi*: Antiquissi-

quissimis temporibus arētissimo inter
se devincta hæc studia, eandemq; do-
ctrinam fuisse & recte faciendi & be-
ne dicendi Magistram.

3. *Suadet Elegantia Legum*,
quarum Sacerdos & custos est, hæ e-
nim adeo politæ sunt, ut loquentibus
illis Ciceronis & Homerici senis
mella profluere, & quæ decernunt
complere apes floribus, & innectere
videantur, hinc & proverbio ajunt:
Ciceronem expulsam & latinitatem
cum eo in exilium actam non nisi ex
Corpore juris revocari posse. Nec est
quod Barbari adducant causæ suæ pa-
tronum *Stephanum de Phedericis part.*
1. d. interpret. Leg. p. m. 15. ubi ex *c. indi-*
gnum distinct. 5. indignum videri dicit,
quod *verba principum & 7 Ctorum sub*
regulis Donati restringantur. id enim
non ea mente adducitur, ut approbe-
tur omne quod à Jctis licet barbare
profertur, sed ut demonstraret de-
monstrandum, plus valere Mentem
Legis quam verba.

Suadet

Suadet & 4. Barbarismi fæ-

ditas, quæ procul est arcenda cum o-
lentibus, & velut rubigine infectis

Donellus
obscure
loquenti
obscurior
respon-
dens,

verbis. Donellus cuidam obsoleta
verba luxuriose proponenti respon-
debat: *Rere tumet, te fari scio, sed*

fabare nescio. Quid videtur de illius
Barbari Barbarismo, qui Philippo se-
cundo à consiliis & Prætor Judicii
Criminalis Belgici Vargas Hispanus

argumentabatur: *Hæretici fraxe-*
runt templa, Boni nihil fraxe-

runt, Ergo Hæretici debent omnes
patibulari. Conclusionem hanc ab-

surdam absurdus excepit eventus, Al-
bano Duce & Præsidente, qui optime
conclusum fuisse censebat, ubi si non

humanitas, mors tamen semper Con-
clusionem ingrediebatur, & Syllogis-

mi ex igne aqua & laqueo erant pri-
mis figuris fortiores, ut ait Benedict.

Carpzov. Ast concludebatur Hispa-
norum periodus in Belgio.

Dignitas
latini
sermonis.

Suadet 5. Latini sermonis di-

gnitas, de qua vide Forstner. ad lib. 2.

Annal.

Annal. c. 10. hinc Electorum filii ex Aurea Bulla & hanc tenentur discere. *vid. Linn. observat. ad aur. bull. obs. 19.* & Imperator jurare tenetur se regulariter in negotiis Imperii sola lingua latina vel Germanica usurum. *id. observ. 35.* *Olim lingua latina usus beneficii loco à Romanis concedebatur. vid. Liv. 40. 43.* ubi: Cum anis eo anno petentibus permissum, ut publice latine loquerentur, & præconibus latine vendendi jus esset. Quomodo autem in humanioribus procedere, quibus mediis stylum ejusque exercitium sibi acquirere debeat, hic non est commemorandi locus, alias in tabellis à me fuit expositum, & in quinque partibus absolutum. Hisce facris Musarum initiatus pergat, nec sufficiat nostro romanorum gravissima licet facundia, ejusque lingvæ unius scientia, qua tamen æque ac patrio sermone eum non imbutum sed instructum volumus, jungendi Lingvæ sunt illi sermones insititii & inducti. *exoticæ.* Præterquam enim quod non major sit.

fit molestia, quam non intelligi cum
interrogamus, cum interrogamur
obstupere, quasi torpedo marina ob-
tigerit, cultiora etiam multa apud
Gallos latentia quoad politica vi hu-
jus lingvæ eruet, ad prudentiam civi-
lem, antiquitatum & historiarum stu-
dia multum conferent Hispanica &
Italica lingua. adde Dn. Lebleu, pra-
ceptorem meum honorandum Consiliar.
e. s. *Filippe nel trattato del consiglio &
de' consiglieri pag. 50. Carpzov. d. Leg.
Reg. Germanor. cap. 10. Section 5. De
Italica lingua dicit Pierre de Lancre au
Livre premier des princes discours 6. p.
278. & seq. elle charme l'esprit & le
corps, ne trouvant langue si efficace, ne si
riche pour piper le monde, ny mesme
pour faire quelque belle description que
celle la. Hinc Henricus IV. Gallia
Rex ingeniose Italiam appellabat: le
pays des belles paroles. Græcam linguam
variæ Constitutiones Imperatorum,
& incunabula juris, tum Historiæ
antiquissima monumenta commen-
dant. vid. Georg. Andreae Imhof politi-*
cum

Græca
lingva.

cum Græcum. Daniel Heins. Oration.
19. de prolapsis græcarum literarum stu-
diis, & ad ea adhortatione. Earum
 tamen potissimum linguarum habeat
 rationem, cum quibus reipubl. no-
 stræ frequentius commercium inter-
 cedit.

Hæc humaniora excipiat *philoso-*
phia, qua imbutus esse debet, & hoc Philoso-
phia.
 non tantū vult *l. r. ubi Ulpian.* præsup-
 ponit suā (stoicorum) philosophiam,
 secundum Mornacium, sed & ratio
 suadet, principia enim Conclusioni-
 bus priora & notiora esse solent, hinc
Cicero l. r. d. LL. dicit: non à Prætoris
 Ediçto, neque à XII. Tabb. sed peni-
 tus ex intima philosophia haurienda
 juris disciplina. imo ostendunt & ma-
 teriæ ex hac explicandæ, nam ut ta-
 ceam philosophiam instrumentalem,
 quomodo de partu legitimo de letali
 vulnere, de Affectibus & facultatibus
 Animæ, nisi Physicus, de finibus re-
 gundis, fundo communi dividundo,
 errore calculi, sumptibus computan-
 dis nisi Geometricus & Arithmeti-

aus judicare poterit? Sine Geographia, Chronologia, Genealogia nomen Jcti vix meretur, nam non tantum hospes in patria, sed & obscurus erit exteris & sibi. Et humanitas quam supposuimus, hæc sub se complectitur studia. *vid. Gabriel. Naudæum syntagmar. d. stud. liberal. p. m. 99.* stat quoque à nobis *Limneus I. P. l. i. c. 2. n. 4.* hisce verbis: Imo vero Jctus per omnes omnium scientiarum præceptiones discurrit, & à primis Grammatices. Elementis: per linguarum studia vagatur, Logicæ & Rhetoricæ campos, Physices vireta, Arithmetices & Logisticæ tabulas, Geometriæ Astronomiæ circulos, Ethices politices, historiæ porticus, Theologiæ castra, & quicquid denique nobilium disciplinarum est, peragrat. Multa quidem hic requirimus, sed multa etiam desiderant Civilia, eorumque cognitio maxime historias quæ tamen non ex actis patriæ, sed & exterorum colligi debent. Ast ordine si unquam alias, hic certe est opus, illotis

tis manibus si Rem aggredieris, La-Metho-
 byrinthum ingrederis, ut itaque præ- dus le-
 paretur pectus ad Historiarum lecti- genda-
 onem, legendus præ aliis est *Joh. Ger- rum hi-*
hard. Vossius de arte Historicæ post con- storia-
 sulantur illi, qui universaliter & or- rum.
 bem terrarum & tempora deline-
 runt, inter quos Domino Bæclero
 teste cminet *Chronicon Carionis*. tum
 seligantur scripta ex quibus summa
 rerum gestarum addisci potest. Ad
 summam status pertinent *Respublica*
ab Elzevirius edita, & Archontologia
Cosmica. Ad summam rerum gesta-
 rum spectat Historia particularis.
 Res gestas Galliae *Joh. Tilius*, Ger-
 maniae, *Huldericus Mucius, Lehman-*
nus in Chron. Spirens. Aventinus in an-
nalibus, Schardius summatim descripse-
runt. Sunt tamen alii, qui in legen-
 dis historiis malunt ductum animi,
 quam anxias leges sequi, adde *Hugon.*
Grotium in Consil. ad Legatum Regis
Christianiss. & Coleri epistol. d. studio
politico. Conringianis scriptis adjuncta.
 Et

¶. Et hæc per Satyram, tangere enim isthæc jam satis est, memorare fuerit extra tempus & propositum. Apparet tamen, id autem ut appareat, agebamus, quam Historia sit necessaria vero philosopho, addatur *illustris Dissertatio Casauboni Polybio præfixa* nam pauci prudentiâ honesta ab deterioribus, utilia ab noxiis discernunt, plures aliorum eventis docentur, inquit prudentiæ pater *Tacitus 4. An. c. 33.* adde de lectione historiar. *Hortleder. in præmio von den Ursachen des teutschen Krieges. Bodin. method. histor. c. 10. Lips. 1. Politic. 9.* Et hoc nemo, nisi cui Bæoticum est ingenium, negaverit. Hinc obscurum esse non potest, quam toto cælo errent illi, qui putant sufficere Jcto historiam per systemata generalia tractasse, & philosophiam adjunxisse practicam. In philosophia non nisi subtiliores minutias, quæ alias studium Philosophiæ acrius vocantur, à *Tacit. in Agricola. c. 4. Justin. l. 12. c. 16.* improbamus, harum enim cognitio parum

Subtilitates philosophicæ.

parum juvat eos qui reipubl. dignitatibus, curisque civilibus destinantur.

Et non semel à Barclaio in Satyrico ridentur tales subtilium potius quam utilium consectorum, *qui non secus ac sciuri in rota circa immobilem axem gyranda occupatissimi movent plurimum, at nihil promoveant.* Nec immerito, ultra enim est progrediendum, nisi in fundamentis semper malis occupari, nunquam vero exædificare, nisi in Amoribus ancillæ Agar nimium hærere cupias, & ad Dominam Saram tendere negligas, prout Philo dicit. Sed multa supervacua vulgo videntur, cum tamen non ea solum instrui suppellectile. Cuius velimus, quæ necessariis usibus sufficiat, sed sit in apparatu ejus & aurum & gemmæ, ut sumere in manus, & aspicere sæpius liceat. Hinc quod ante monendum erat, *Poetarum antiquorum lectionem ne fastidiat.* Nam & Poetarum autoritatem adductam à Jurisperitis videmus, Poetarum lectio,

deinus, uti de *Homeri* est l. 1. §. 1. d. E. m.
 §. 1. Inst. d. Leg. Aquil. de Virg. l. 6. §. 5. de
 divis. rer. vid. *Vossium* in lib. d. artis Poe-
 tica natura ac constitutione, ubi pluri-
 ma videbis exempla eorum qui hoc
 studio ad ardua emerferint, & pace
 pariter ac bello reip. utiles extiterint,
 adde *Besold.* politic. l. 2. c. 1. §. 3. p. m. 551.
 post verba: vetus & probata Poësis,
 doctrina de moribus erat. Certe Poe-
 tas prima sapientiæ fundamenta tra-
 didisse eleganter *Heinsius* in *Poem.* lib.
 3. Eleg. 4. canit:

*Omnia Rutgerſi, primum docuere
 Poeta,*

*Cum rudis & simplex & nova terra
 fuit.*

*Principio tali ſapientia venit in Or-
 bem,*

*Qua quia grata parum, nec ſpecioſa
 Dea eſt,*

*Lenibus attentas numeris defluxit in
 aures*

Mollius: hoc velo diſſimulanda fuit.

Et *Strabo* L. 1. & *Maximus Tyrius* in
Orat. d. laude Poetic. multis osten-
 dere

dere conantur ligatam orationem
 esse antiquiorem prosa, priusque in
 usu fuisse, si non in communi sermo-
 ne, saltem ad res gestas memoriæ fa-
 cilius mandandas, quippe quæ sic ca-
 ni quoque possent. & hoc antiquis
 Germanis frequens erat, prout *Ta-
 cit. in German. c. 2.* memorat, imo &
 ab aliis barbaris veterum regum actus
 & bella canebantur, hinc Originem
 sumere cantiones magistrales, *Die
 Meister-Gesänge* / quod videri pot-
 est *ex Bernegger. question. ad Tacit. 6.*
 Taceo nunc quod aspersione genia-
 rum talium magnam scripto concilia-
 turus sit auctoritatem. Non vero ta-
 cebo quod *Bacon. d. verulam. sermon.
 fid. 48. dicit.* Poetarum lectionem in-
 geniosos facere, sicut Historiarum le-
 ctionem prudentes. Imò stylum civi-
 lem illis fidelius neminem inculcare,
 est enim quædam propria gratia in-
 quit *Dn. Bacler. d. Eloquent. polit. §. 85.*
 quæ ex Poetarum acumine, inventi-
 onibus, agilitate & elegantia in sty-
 lum civilem inferri potest. Cuius rei

*Meister-
 Gesänge*

*Poeta in-
 genium
 legentis
 acuunt.*

*Stylum
 civilem
 docent.*

E

laudem

Ethica &
Politica
fideliter
imprimunt.

Jura &
constitu-
tiones
gentium
decan-
tant.

Iaudem non immerito in politissimi
Barclaii Argenidem putes convenire.
Nec tantum stylus sed Ethica & poli-
tica à Poetis disci possunt, illa potissi-
mum ex Horatio, hæc scilicet Politi-
ca ex Virgilio, Lucano, Claudia-
no, &c. Jul. Scaliger ait: Ad Ethicam
& Politicam quod spectat, *méliores
nos doctioresque ex unius Virgilii
lectione, quam ex omnium Philoso-
phorum præceptis abituros.* Coler.
epist. d. stud. politic. testatur de Mo-
narchia neminem illis divinius tra-
ctasse, ne philosophos quidem. Jura
denique & diversorum diversa statu-
ta populorum & leges nemo elegan-
tius quam Poetæ decantant suavissi-
meque imprimunt, jura naturalia ex
Tragedis, Civilia ex Comicis præ aliis
addiscuntur, addatur quoad usum le-
ctionis Poetarum, *Cl. Dn. Bacler in
Prologom. ad Grot. d. 7. B. P.* Trans-
feram disputationis conclusum in hu-
meros validissimi Ciceronis, cujus
Viri? is *primo d. Orat. dicit*: perdi-
scendum est jus civile, sed quomodo?

Respon-

Respondet cognoscendæ sunt Leges,
 percipienda omnis Antiquitas, Sena-
 toria consuetudo, disciplina reipubl.
 jura sociorum, foedera, pactiones,
 causa imperii cognoscenda, *legendi
 sunt etiam Poeta*, dignoscenda histo-
 ria, omnium bonarum Artium scri-
 ptores ac Doctores & legendi & per-
 volutandi. Quoad Poetarum lectio-
 nem adde *Thom. Garzon. in der
 Welt-Schauplatz discurs. 152. Selden.
 d. jur. natur. gent. Ebraeor. l. 1. cap. 2.
 adde Gabriel Naudæum Syntagmate de
 studio liberali p. m. 104. 105.*

Ex adducto Ciceronis oraculo
 non tantum probandum probatum,
 sed & illud videre est, quod non ne-
 gligendum, percipiendam esse o-
 mnem antiquitatem, quod & toties
 Justinianus inculcat, *vid. §. 1. Inst. d.
 Testam. ubi nihil antiquitatis ignora-
 ri vult. in l. ult. C. vectigal. nov. instit.
 non pos.* antiquitas pro lege habetur.
 At audio te hæc reponentem: Anti-
 quitatum studia legibus interdici,
 profers *l. un. C. d. nud. jur. Quirit. l. 1.*

Antiqui-
 tatum ne
 sit igna-
 rus.

Philoso-
phia pra-
ctica.

§. 9. in fin. C. d. caduc. tollend. Sed re-
sponsum facile ab aliis est, in deciden-
dis causis antiquitatem nihil valere,
multum tamen conducere, imo ne-
cessariam esse ad studiorum excellen-
tiam tendenti, ne insulsus sit Gracu-
lus inter Musas. Minime vero omni-
um practica philosophia carere pot-
est, quod in se planum, & ex ipsa Ju-
stitiæ definitione patet, quæ constans
& perpetua voluntas dicitur, quomo-
do hæc explicabis, nisi habitus natura
tibi sit cognita? Et verissimum est
quod proverbio ajunt, *ubi desinit Ethic-
us ibi incipit Jctus*. Quid quod ne
vocabulum Jurisprudentiæ sine poli-
tica noverit explicare. *Besold. in pra-*
cognit. polit. Politicam & Jurispruden-
tiam subordinatas vocat disciplinas,
& omnino dicendum esse ait, Jctum,
ut est, & nomen Jcti sustinet, sine po-
litica scientia perfectum videri non
posse: ut ergo, pergit Medicus, sine
Physica non nisi Empiricus est, ita
Politici ignarus rationalis Jcti no-
men tueri nequit.

Quo-

Quomodo autem politica tractari debeant, *hic Rhodus est, hic Saltus*. Politica quomodo tractanda?
 Dicam quod rei caput est, si ex mente veterum loqui velimus, duo sunt quibus universa civilis prudentia continetur: Honestorum & Turpium, deinde utilium distinctio electioque. Summa præceptorum à Modernis prudentibus traditorum hæc est: Præsupponendos primo esse scriptores Systematicos, qui scientiam politicam iusta & compendiosa methodo digesserunt, eosque tam veteres quam novos, in illis, si solida principia hauseris, nimis diu non hærendum, nec in meditatiunculis umbraticis, capiendos enim à doctrina igniculos prudentiæ, & ad usum actionemque civilem transferendos esse, pergendum & à generalibus ad specialia, prudentia enim civilis potissimum observatione singularium exemplorum continetur, eorumque quæ non semper regulis comprehendendi generalissimis & certis possunt, quod & ipse *Aristot.* in lib. 6. *Ethic. cap. 1.* confirmat, ita

quidem ut hunc, qui per singularia prudentiam colligit, illi præferat. Cum autem tractatio singularium sine methodo difficillima, imo desperata fere sit, 5. generalissimis capitibus ab *Aristotele lib. 1. Rhetor. cap. 4.* traditis illam includere solent. Referri enim debere ajunt illa singularia aut ad vectigalia & redditus publicos, aut ad pacem & bellum. Ad regionis custodiam. Ad importanda & exportanda. Ad Leges. Ad hæc capita redigi debere quæ apud Historicos pragmaticos, Græcos & Latinos, Rerum publicarum scriptores leguntur, sive illi per decreta, sive per præcepta, sive per exempla civilem prudentiam professi sunt. Scientiam autem integram absolvi hisce membris.

1. Definitiones ut in omni doctrina debere esse cognitæ, & præmittendas.
2. Nec omittendum esse ut quæ Experientia innotescunt in civilibus rebus, ea omnia seorsim colligantur.
3. ex his ut & ex aliis historiis, propositiones universales deduci, & in

unum

unum locum colligi, quæ autem jam ab aliis collectæ sunt, summa cura excerpti debere. Ex quibus autem scriptoribus illa civilis prudentia hauriri possit, à prudentioribus passim traditum est, *vid. Conring. propolit. cap. 15. eundem de prudent. civ. cap. 14. adde Gabrielis Naudæ Bibliographiam politic. Coleri epist. d. studio polit. &c.*

Moralem philosophiam quod attinet, illam ex puerili generalique virtutum enarratione minime æstimet, Quomodo in Ethicis procedendum, sed ad specialiora progrediatur, varios & dubios casus officiorum civilium examinet, trutinat, æquumque naturale eliciat, & applicet. pergat ab Ethica præceptiva, ubi Ciceronis officia & Tusculanæ quæstiones non negligenda sunt, ad paradigmaticam, s. exemplarem, Characteristicam, quæ in genere homines virtutibus ac vitiis præditos dictis ac factis suis quotidianis velut signis ac notis quibusdam describit. Historicam, Fabularem, Hieroglyphicam, Emblematicam, sic enim jubent prudentiores.

Sed & ex Ethicis mores potissimum componere, & se cuius admirationi exponere discat, nam summa & perfecta gloria constat ex tribus his, si diligit multitudo, si fidem habet, si cum admiratione quadam honore nos dignos putat, quomodo autem in universorum animos tanquam influere possit; docet fusior Cic. 2. Offic. quem vide. Mores ante omnia majores commendabant. vid. Plin. 3. ep. 3. Cornel. Nepos in Attic. c. 19. junge l. 7. C. d. Professor. & Med. l. 1. C. d. professor. qui in urbe Constant. hinc merito præferuntur scientiæ. cap. 12. distinct. 38. imo nobilitati. l. 46. §. 1. d. V. S. Gail. lib. 2. pr. obs. c. 95. in fin. & ob pravitatem morum removeri Assesores ab officio testatur Ordinatio Cam. lib. 2. tit. 5. Nonne damnanda est illius cum omni suo studio Doctoris memoria, qui à principe ad prandium vocatus circumstantibus undiq; Aulicis, cultrum in crepida, quam sputo prius madefecerat, acuit, principique incre-

Moratas
J Ctus.

Afinus
eruditus.

increpanti respondit, legum se non
morum Doctorem esse. *Dominus*
Leblen futur. consiliar. c. 3. §. 7. siccine
professioni suæ moribus respondit A-
sinus hic eruditus?

Mores autem sunt vel interni vel
externi, moribus externis sit mansue-
tus & facilis, sic excluduntur *μισάν-
θρωπος* & *συνδῆμος*; morosi & agre-
stes, die Sauerseiffen / welche mit ih-
ren Geberden den Leuten den Todt
treuen. difficile enim dictu est, quan-
topere conciliet animos hominum **Morosi.**
comitas affabilitasque sermonis. *Cic.*
2. d. Offic. moratus ita Auctoritatem fa-
cile tuebitur, maxime si status, inces-
sus, sessio, accubatio, vultus, oculi, ma-
nuum motus teneant decorum, uti
vult *Cic. 1. Offic. p. m. 487.* quoad habi-
tum & vestitum notet eum non plane
esse contemnendum *Icto*, quippe cui **Ictus sit**
ratio civilium officiorum necessita-
tem quandam nitoris imponit. *Plin. 6.* **vestibus.**
ep. 32. Senec. ep. 92. dicit: Munda vestis
electio appetenda est homini, natura
enim homo mundū & elegans animal

est. Et *Aristoteles 2. Rhetor. c. 4.* docet amari mundos vestitu. adde *Ordination. Cameral. lib. 1. tit. 18. vide Durum di pascolo Aulic. polit. §. 86. & 87.* & hæc multa ad splendorem & Autoritatem conciliandam facere, usus docet, & nostræ Leges jubent Jctum Autoritatem suam tueri. *vid. l. elegantem 19. ff. d. Offic. Prasid. vid. Nov. 17. c. 5. R. I. d. Anno 1530. §. der Cammer Richter / adde Boccalin. part. 1. Relat. 41.* quod bene faciet, si publice severus & gravis, privatim comis & humanus sit, si nulli se faciat nimis sodalem, hinc interdum Roma secedebant Jcti, ut & studiis commodius invigilarent & autoritatem tuerentur, majorem enim é longinquo esse reverentiam credebant.

Secessus
Roma-
porum,

De Secessu habes *l. 21. §. 10. d. Recept. Virgiliani secessus meminit sive Tacitus f. Quintilian. d. Orat. c. 13. n. 2. Plinius junior hoc secessu frequens utebatur, vid. lib. 1. ep. 9. ibi elegantissime: Cum secessero, tum subit recordatio, quot dies quam frigidis rebus*
ab.

absumpsi? Nihil audio, quod audisse,
 nihil dico quod dixisse pœniteat, Ne-
 mo apud me quenquam sinistris ser-
 monibus carpit, neminem ipse repre-
 hendo, nisi unum me. add. *ejusd. epist.*
31. lib. 6. ep. 3. lib. 7. Nec alium ob finem
 quam ut auctoritatem tuerentur J Cti
 Romani solennes ritus se consulendi
 observari volebant, ut non sine causa
 dictum videatur à Cicerone: Domum
 J Cti esse oraculum civitatis. Olim e-
 nim qui J Ctos consulere volebant,
 summo mane ante galli cantum veni-
 re, & in vestibulo domus consistere
 tenebantur, hinc *Horat. lib. 1. Satyr. 1.*
v. 10. dicit:

Ritus
 consulendi J Ctos
 antiquus.

*Sub galli cantum consultor ubi ostia
 pulsat. &c.*

Tum clausas fores pullabant adituri,
 intromissi hisce verbis à J Cto quære-
 bant: Licet consulere? Ad quod
 J Ctus: Consule, vel, licet. & hoc non
 vulgarem splendorem conciliabat
 J Ctis. Ast illa, prout dictum, ad exter-
 na pertinent, Noster, quoad internos
 potissimum emineat mores, teneat J Cti in-

Mores

habenas animi, dominetur affectibus suis, omnibus enim his utilior negotio quies est, qui non habent iram in potestate, quos ad temeraria verba quælibet indignatio effert, qui urbanitatem nesciunt continere, nec periculosis abstinent salibus, horum contumacia non facit ad aulam. *Senec. d. tranquil. An. cap. 4.* ita justitiam administret ut subinde misericordiae locum relinquat, ne tamen precibus calamitosorum statim in lacrymetur, quod vetat *l. 19. ff. d. Offic. presid.* Sed severitatis & clementiae mixturam passim laudatam, & inter præcipuas Politici artes habitam observet, respiciatque ad conditionem humanam, in lapsus facilem, cogitetque multos, si servantur, ad pœnitentiam reverti posse. sciat & sibi conciliare animos hominum, nec sit singularis, ratio enim vitæ adjumenta hominum desiderat. *Cicer. 2. Offic.* nec facultates neque dignitas ita sufficiens est ad fidem, ut benigni mores, *l. 21. §. 5. ff. d. Excusat.* Hoc tamen cuivis de plebe non

non competit, sed iis, quibus est purgata, non Batava auris, bonæ naturæ, laboriosi & molesti usus exercitium est, & ut Barclajus ait: fedulæ austereque diligentiae, & anxii in suas cupiditates imperii. Præcepta generalia ex Ethica hauriuntur, uti dictum, specialia, minusque trita collige ex *Aristot. d. Affect. & morib. Cicerone d. Offic.* in quibus libris abyssus scientiæ non omnibus penetrabilis, latet, de quibus Cōler de Studio politic. ait, illos *auro contra astimandos esse*, junge *Gualterium, Piccolomineum, Guevarram, addē Scipionem Claramontium de conjectandis cujusque moribus & latitantibus animi affectibus*, videatur *Ludovic. Vives introduction. ad sapient. Pelden. Element. jur. part. 3. per totum, l'utile di Leonardo Agosti*, qui docet modum subjiciendi homines non violentum, sed spontaneum, amore fide & reputatione consistentem, latinitati olim donavi hanc venationem hominum, hujusque Itali, ut vocat, *Secreta*, eleganter *Cic. Orat.*

pro Muren. Dum Urbanam militiam sequitur Jctus, de nocte illi vigilandum, ut suis consultoribus respondeat, arrogantia & stultitia multorum perferenda; difficultates infinitæ exorbendæ, vivendum ad aliorum arbitrium non ad suum. Longum foret hic illa omnia persequi, sint tamen uno verbo illa quæ plerumque bene scribuntur & male observantur, Leges vitæ, non ostentatio scientiæ. Antequam ad graviora tendamus & mores Jcti mittamus, examinemus illam quæstionem, utrum Jctus interdum jocosè decidere, consiliaque suppeditare joco possit? Videtur primo negative dicidenda esse quæstio, non tantum quia supra volumus ut Jctus autoritatis suæ custos sit, & à ludicris omnibus abstineat, sed & propter Ciceronem, *quilib. 1. d. Offic. p. m. 482. dicit*: Neque ita generati à natura sumus ut ad ludum & jocum facti esse videamur, sed ad serueritatem potius & ad studia graviora atque majora. Sed illud non
obstat

obstat. Non faciam quidem ut enumerem pro quæstionis decisione illius Judicis facietam decisionem, cujus mentionem facit *Zinkgref. part. 3. Apopthegm. p. m. 65.* Asinus inquit, molitoris, cujusdam pharmacopolæ ebiberat vinum Hispanicum, hic accusabat molitorem, sibi que damnum refarciri cupiebat; Judex quærebat utrum stans an sedens bibisset Asinus, stantem hausisse respondet illico, tum Judex ita decidit: **So ist es nur ein Ehrentrunk / welchen man stehend thut / gewesen / den pflegt man nicht zu bezahlen.** Sed distinguo inter jocum immodestum & ingenuum; illum scurrilem & mimicum improbat *Cic. 2. d. Orat. p. m. 234.* hunc sc. ingenuum, non immerito laudat, in quo sæpius excellentis ingenii lumen eminet, hinc *lib. 1. d. Orat.* dicit: libandus ex omni genere urbanitatis facetiarum quidam lepos, quo tanquam sale perspergatur omnis oratio. Hinc locus & extemporanea decisio non minimum in Legatis est ornamentum,

Ehren-
trunk ei-
nes Esels.

Ex A-
pophteg-
matibus
etiam
haurien-
da est
pruden-
tia.

tum, inde colliguntur hodie multo-
rum facete dicta, quæ vocantur Apo-
phtegmata, ex quibus multum soler-
tiæ multum prudentiæ addisci potest.
vid. Conring. c. 14. d. civil. prud. imo ex
Ciceronis nostri *l. 2. d. Orator. p. m.*
239. & p. 40. evidenter contrarium pa-
tet, ibi: quæ de facetiis disputarat, non
majora forensium actionum, quam
omnium sermonum condimenta vo-
cat. Sit itaque noster cum gravitate
falsus, & severitatem pari jucunditate
condiat, & firmus sibi persuadeat, su-
perbam & fastidiosam autoritatem
non ferre homines, ne in maximis
quidem viris & omnem laudem me-
ritis. temperet tamen sibi in seriis &
publicis risum movere, & scurram a-
gere intempestive jocando, nam ut
Forstner. ad V. Annal. c. 2. docet, inter
remissiones tantum animi jocis uten-
dum, in seriis & publicis aliorum ri-
sum ciere scurrile est, quod notando
Senensium exemplo probat, quorum
incongruum jocos nulla oblitterabit
memoria. hi enim cum ad Gallos de-
scivif-

Intempe-
stivus jo-
cus.

scivissent, Cæsarianis se per Legatum
ita excusabant: *ò diavolo! non ci scuse-
rà il saper si, che noi Sanesi siamo pazzi.*
Notum est, quod etiam nos excusa-
bit, Senenses esse stultos, sed à Cæ-
sarianis responsum fuit: Ino excusa-
bit, sed ea conditione, quæ mente
imminutis convenit, quos, quia sui
compotes non sunt, catenis coere-
mus, ne vel sibi, vel aliis nocumento
esse queant. talem inconvenientem
Atheniensis legati ad Philippum jo-
cum, ubi Regem se suspendere jubet,
vid. ex Senec. l. 3. d. ir. c. 23. Sed satis
de joco.

Vides opinor, quam omnium arti-
um domina pulcherrimo comitatu
instructa incedat! Vides, quam
omnes artes quæ ad veram philoso-
phiam pertinent commune quod-
dam habeant vinculum, & quasi co-
gnatione quadam inter se continean-
tur. Nullum certe harum omittere,
ni auream catenam rumpere velit,
potest Jctus. hinc *Doctor meus obser-
vandum Dominus Tabor in prefat. d.*
Reg.

Reg. Imper. Eccles. omnes Philoſophiæ circulos peragrandos ei arbitrat^{ur}, qui aliquando utiliẽm reipubl. operam navare, nec alienis plane oculis totum corpus ſalutemque velit committere. Eſt idem quod *Ariſtoteles lib. 1. Metaphyf. cap. 2.* dicit: Philoſophum eſſe eum qui omnia ſcit. Aſt ubi tibi tales perfecti Jcti, obji-
cis, ubi polymathia ea inſtructi? Non multum ſuper-eſſe ætatis, illud parce diſpenſandum, nec ſufficere neceſſariis: non niſi dementiam eſſe ſupervacua diſcere in tantâ temporis egeſtate. Verum quidem eſt, raros eſſe, qui ita philoſophantur, *l. 6. §. 7. ff. d. excuſat. vid. Plato l. 6. d. rep.* rariorẽs, quibus illud Jarchæ, Indico-
rum Brachmanum principis dictum ad Apollonium referente *Philoftrato lib. 3. cap. 6.* competit, Interroga quicquid velis, ad viros enim veniſti, qui cuncta ſciunt, Rariſſimi tamen ſunt, qui quod de Grotio Graſwinckel teſtatur, præſuppoſitis illis, de quibus jam dictum eſt, præſuppo-
nen-

rendis, suo pte auspicio expedire, persequi, implere omnem sibi propositum locum ex quocunque literarum ac doctrinarum genere, remotis etiam librorum subsidiis possunt, & hoc perfecti est emblemata Jcti, nam prout eleganter *Dn. Bacler. in Museo* ait: Cortices aut utres devehant secum, non qui natandi periti sunt, neque adminicula sapientiæ perficiunt sapientiam, sed inchoant. Apparet ergo male hujus tam solidi & splendidi nominis decus in illam, nescio cujus scientiæ umbram accommodari, quæ id saltem scit, quod è magistrorum scholis accepit, & ideo putat esse verum, quia illi dixerunt, quibusque, si autoritate Doctorum deficiunt, statim hæret aqua. Qui non suo sibi ingenio sapit, eum ego quovis potius quam veri Jcti nomine censendum existimaverim. Sunt itaque rari tales, concedo, sunt tamen, & esse poterant plures, modo ne nimis festinarentur studia nostra, & plerique inferioribus neglectis credere studentes?

Cur & unde tam pauci veredentes?

da adhuc principia in Academiam propellerent, & prout hodie vulgo dicunt, studia sua disputatione aliqua conscripta absolvere maturarent, & nomine magnifico segne otium velarent, mundumque fallerent, cum tamen in studiis vix oberrarint. Sic talis est Eruditus par force, &

**Eruditus
par force.**

*Est sage à triple doublure,
Mais si l'on ostoit la dorure,
Et l'on voyoit à nud sa teste,
On diroit que la couverture
Fait bien vendre une grosse beste*

vide elegantissime de hisce differentem Clarif. Dn. Bacler. ad l. 4. histor. Tac. c. 5. Nec vero ego ita rigorosus esse volo, ut existimem absque minutissimis enarratorum Ictum esse non posse, perfectum nos delineare volumus Philosophum, huc usque quoad præcognita necessaria exhibitum, nimirum ut ipsa verissima & primigenia recti specie ob oculos continuo posita existente, quicquid in ectypo vitiosum esset, facilius dignosceretur, emendareturve. Quod si in uno non omnia

omnia apparent veri Jcti requisita & emblemata, audiamus id, quod de Consiliario suo dicit *Bartolomeus Filippe p. m. 62. 63.* Non ostante, che non si ritrovino in alcuna persona tutte queste qualità, servono non dimeno per mostrare la Idea del buon Consigliero, & perche non si trovano in persona alcuna, tengono li Principi molti Consiglieri, acciò l'uno supplisca in quello, che l'altro manca.

His ita positis ad studium juris nostri pergat, quomodo autem? ante omnia jus pacis atque belli bene discat, quod modernis est Jus Gentium. *Grotius in consilio ad Benjamin. Auberium Gallia Regis ad fœderat. German. provinc. Legatum ita scribit: Nihil est quod tibi æque commendem atque studium Juris, non illius privati, ex quo Legulei & Rabulæ vititant, sed gentium ac publici. Sed de his cap. VI. agetur.* Plura alii desiderant in vero Jcto. Theologum & Medicum vult post Mercerium *Autor d. Necessit. 7 Cri.* Prius laudo, regnum enim

Quomodo discenda.

Aliorum postulata.

enim Dei non tantum quærendum est primo, posthabitis omnibus, sed & Theologia in jure publico, quod in sacris &c. consistit; necessario advocanda, quanquam & hoc negarem ei, qui Theologum absolutum intelligit, aliud enim est ex solidis principiis fidei rationem reddere, aliud Theologum esse; posterius, quod de Medico dicitur, superfluum est. Oeconomiam ab eo desiderat *Ehemius* l. 3. c. 2. p. m. 176. neminem n. remp. recte gubernare posse arbitratur, nisi ipse domus æquus sit administrator & felix moderator. Sed præterquam quod argumentum à prudentia Oeconomica ad prudentiam politicam sit infirmum, non enim judicii, sed experientiae & solertiae & rusticis obvia res est, non video quomodo Oeconomiam ad necessitatem JCti obtorto collo trahi possit, illa enim non meliorem ne deteriore qua talem facit Jctur.

An Stoici è quibus & Ulpianus noster erat, non erant JCti? Horum plerique tamen male erant Oeconomi.

nam

An JCtus
debeas
se Theo-
logus.

An Oeco-
nomus?

nam hilares sua amittebant, Oeconomica pessundabant, in jactura rerum ne damnum ingemiscientes. Sua enim se secum ferre bona gloriabantur, quæ nulla vis excutere posset, quod si quid prudentiæ ex Oeconomia sibi applicat Ictus, non est amplius Oeconomix præceptum, sed Politicæ domesticum. His itaque præcultus *ad sacra Themidis intrat futurus Ictus, sic conciliata sibi ancillarum benevolentia ad Penelopem, hoc est reginam omnium scientiarum, veram philosophiam accedat*, remp. observet, & jura ejus, illamque vel instituendam, vel institutam, hodie circa institutam potissimum occupatur. In utraque veri philosophi maximum munus est observare rempubl. sancire jura, ferre, corrigere & mutare Leges. Nec enim Ictum nostrum in abstracto, sola munitum judicioria, sive forensi prudentia consideramus, qua instructus jus civile privatum saltem enucleat, sed illum *Sanctorem*

**Jctus
Sanctor
Legum.**

Autorem Legum volumus esse alias multis parafangis Jctus verus à Politico distaret, eoque inferior esset. Sunt enim qui sejungi posse autumant verum Jctum à Politico, & Hi Legislatoriam, i. e. remp. juribus instruendi facultatem sibi solis vindicantes, nescio quos spiritus sumunt. Non hic cum turba nobis res est, habemus contradicentes doctos, quorum auctoritati cedere debebam, ni veritas prævaluisset. Inter alios sibi adulari videntur *Horneus* & alii, *obsecro vos ut bona me venia audiat*, dum constitutam remp. Jctis, constituendam Politicis relinquunt, s. ut perspicacior sim, qui dicunt Jctum non condere Leges, sed conditas interpretari tantum *lib. 4. cap. 3. d. prudent. Legis. lat. num. 7.* Nec Piccartum audio in *Prolegom. ad Polit. Aristotel.* excellentem alias Autorem, qui Jctos Politicorum ministros vocat, quod tertiam saltem partem sc. forenses tantum tractent. Idem Jctorum, quod miror, nonnulli amplectuntur.

Ehem.

Ehem. de princ. jur. lib. 2. cap. 5. & lib. 3. cap. 2. p. m. 172. ita : Ex quibus omnibus id jam demonstratum esse arbitror , Legislatori , ipsiusque *Ministro Jcto* reip. cognitionem esse necessariam. Non enim de vero tantum loquuntur Jcto, qui necessarius sit, quales & olim Jcti erant, prout infra demonstrabitur. quique supposuerit studium historicum & prudentiam Architectonicam ejusque exercitium. Et hæc simpliciter & καὶ ἐξοχὴν Jurisprudentia nuncupari meretur. *vid. Conring. d. var. & ver. Jurisprudent.* Quod si illud verum esset, hæc absurda sequerentur, 1. Esset Jctus minister sui ipsius, & 2. Theologia esset ministra & famula Philosophiæ, & Medicina Phycæ, idem enim respectus & eadem est Analogia. Quid quod non dicis causa Jcti vocantur *juris conditores*, l. 25. C. d. nupt. l. 1. C. d. comm. Serv. manu-
miss. *juris Auctores*, l. 93. ff. d. act. empt. l. 17. ff. d. jur. patron. l. 23. C. d. procurat, *Patres juris*, Gell. lib. 12.

Jctus
non est
minister
Politici.

F Noct.

Not. att. c. 13. Legum latorum & conditores juris, l. 1. §. 7. l. 2. C. d. V. l. enucl. vid. Horn. de civit. cap. 4. pag. m. 43:

Objectio. Frustra tu quidem, quisquis es, arietem emittis, Jctum nostrum, quod supra Advocato objiciebatur, necessarium malum appellando. *Felix fuisse ante Architectonas seculum, primos mortalium naturam incorruptos fuisse secutos, eandem habuisse & ducem & legem, commissos melioris arbitrio, sed postquam surrepentibus vitiis in tyrannidem regna versa sint, opus fuisse Legibus.* Apparet ergo vel ex ipsis quæ objicis, non ideo miseram esse rempubl. quod Legibus & Jctis sit instructa, sed ideo Legibus esse munitam quia misera est.

CAP. VI.

De Nomothesia.

Legum requisita. De equitate & primis Natura. Sinensium modus proponendi jus Natura. An jus civile obliget omnes gentes. Processus equitatis in nova Legge ferenda. Philautia radix juris, frenum Philautia. Doctorelli ignorant equitatis fundamentum. Errores circa equitatem unde ! Pars naturalis Nomothesia. De genio populi. Doctrina Characteristica. De peregrinatione Icto necessaria. Nomothesiæ pars formalis. Locrensiū Severa Legumlatio. De divino Legibus olim admixto.

STante itaque jam Thesi hac, veri Icti esse sancire Leges, superest, ut quomodo Leges ferendæ sint, de-

monstretur. Intelligere autem me
 sanctionem non majestaticam sive
 autoritativam, sed ministerialem, non
 ex potestate sed habitu promanan-
 tem, etiam dum non dico, dico. Fa-
 cilis hoc forsam expeditu erit, si pri-
 us requisita LL. generaliter perlu-
 stremus. Hæc proponuntur ab *Isido-*
ro in Origin. c. 10. Quod *lex omnis*
debeat esse honesta, justa, possibilis,
secundum naturam, & patriam
consuetudinem, loco temporique
conveniens, nullo privato commo-
do sed pro communi civiũ utilitate
conscripta, necessaria, utilis, ma-
nifesta quoque & perspicua. Sed ais:
 Quomodo perspicuæ LL. quomodo
 obscuræ sunt. Obscuritas inquit *Ba-*
con. d. verulam. sermon. fidel. 61. Apho-
rism. 52. à quatuor rebus originem du-
 cit, vel ab accumulatione Legum
 nimia, vel à descriptione earum am-
 bigua, aut minus dilucida, vel à mo-
 dis enucleandi juris neglectis, aut
 non benè institutis, vel denique con-
 dictione

Legum
 requisita.

dictione aut vacillatione judiciorum. In quibus partibus una tantum est quæ legem ipsam attinet, scilicet scriptura obscura aut ambigua, cætera aliunde accidunt, ut multitudo LL. à Legislatoribus, sinistra enucleatio ab interpretibus, quibus accenseri iudices & dissentientes aut vacillantes possunt. Hæ sunt qualitates Legum generaliter exhibitæ, quæ hætenus rem non rei modum indicant, de quo nobis nunc sermo est instituendus.

Aristoteles hanc legum tradendarum rationem exponit: primo viros prudentes omnes omnium rerum publicarum mores ac Leges colligere, 2. collectas comparare. 3. Ex comparatis optimum reip. genus conflare debere. adde *Bodin. method. histor. c. 6. p. m. 207.* Et hæc in antecessu superficiali, in Legum latione ita, ni fallor procedendum est: ut primo quid circa quamq; rem justum vel injustum, quid æquum quid iniquum sit, ex divino animis nostris insito thesauro &

Aristote-
lis modus
tradendi
Leges.

femine solers scrutetur Nomotheta, tenenda enim nobis via est quam natura præscripsit, nec ab illa declinandum, illam sequentibus omnia facilia & expedita sunt, contra illam nitentibus non alia vita est, quam contra aquam remigantibus. ille immobilis ad immobile Numen magnes, ne aberraretur, monstrabit iter, ex quo noster, qui Navarchi instar remp. moderatur, judicium rerum obeundarum firmabit, & componet actiones hominum, hoc illi haud difficile erit, si moralem doctrinam exerceat, officia illa communia Deo & hominibus debita inquirat, & illa prima Naturæ tanquam columnas quibus superstruendæ sunt res civiles, sciat, veri ac falsi confinia, horumque sinuosos anfractus satis habeat exploratos. *vid. Trajan. Boccalin. part. 1. Relat. 41. ibi:*

Natürlicher wird
dem gelehrten
Berstande für-
gezogen.

Der sene im Regiment nöthiger / der
discret und leutselig und eine Sach-
der Bittigkeit und Vernunft nach/
welches nicht in den Büchern be-
schrieben / zu ermessen weiß / dann der
im

in Rechten fast gelehrt sey. His addat
 Gentium non tantum saniorum mo-
 res & instituta, ut Ebræor. Romanor..
 & Græcorum. Sed & Barbarorum,
 non enim omnes barbaræ fuere, quæ
 Romanis aut Græcis tales videban-
 tur, imo à barbaris omnis philosophia
 originem sumsit, prout testatur *Dio-
 genes Laert. d. vit. philosophor. princ. ad-
 de Ciceron. lib. 5. d. finib. bon. & mal. p.
 m. 143.* Accuratiùs indaget philoso-
 phorum diversorum antiquorum
 scripta, exque his floriferis ut apes in
 saltibus omnia libant, depascatur au-
 rea dicta, & diversorum diversis licet
 rationibus, iudicium ferat, & eliciat
 quæ moralibus & civilibus conduce-
 re possunt studiis. Ex illorum enim
 scriptis & institutis, cum omnis do-
 ctrina liberalis, omnis historia, o-
 mnis sermo elegans sumi potest, tum
 varietas est tanta artium, ut nemo sine
 eo instrumento ad ullam rem illustri-
 orem satis ornatus possit accedere, ab
 his Oratores, ab his Imperatores, ac
 F 4 rerum-

rerumpublicarum principes extiterunt. *Cic. 5. d. finib.*

**Auxilium
divinum,** Quod si hic bene procedere velit, auxilium summi Numinis & revelatio cœlestis concurrat necesse est, apud cultissimos enim populos lumen naturæ fraudibus Satanæ interdum obtenebratum vidimus. vide hoc in compendio eleganter demonstrantem *Calixt. Theol. moral. cap. d. LL. à pag. 49. ad complures sequentes*, id quod & sacro firmatur oraculo. *ad Ephes. 4. v. 7.* extat: Gentes in vanitate mentis suæ ambulant, tenebris obscuratum habentes intellectum, & alienati à vita Dei propter ignorantiam quæ est in ipsis, per obdurationem cordis eorum. hanc partem Nomothesiæ substantialem dicit *Hopper. de ver. Jurisprud. l. 3. tit. 4.* ob id *Hornio d. civitat. in procem. c. 5. n. 2. perfectus*] **Perfectus
JCtus,** *est qui immotam regulam mortalitatis in jure naturali positam, non verit à primis causis derivare, immediata conclusa rite deducere,*
tum

rum attributa & effecta legitime explicare.

Teneat itaque noster philosophiam naturalium & moralium, suggerit enim principia practica, quæ actum moralem honestum præcipiunt, turpem vetant. jungatur *Hugo d. Roy de eo quod justum est lib. 1. tit. 3. §. 6. & 7.* ibi ex Rabbiniis & Talmudicis jura Noachidarum seu naturæ præcepta tradit, adde *Selden. d. jur. N. G. Ebraor. lib. 1. c. 10. p. 117. 118. &c.* ubi septem præcepta Noachidis imperata tradit ex Rabbiniis. Hanc doctrinam Sinen-
ses præ cæteris gentibus ita colunt, ut eam voce publica decimo quinto quoquo die commendent per totam Chinam, hæc autem est præcepto-

rum summa: 1. *Obedire patri & matri.* 2. *Revereri majores & superiores.* 3. *Pacificare proximos.* 4. *Instituere liberos & nepotes.* 5. *Officio suo facere satis.* 6. *Nihil mali agere, ut occidere, fornicari, furari, &c.*

Sinenſes
publice
Naturæ
præcepta
procla-
mant.

Hac æquitatis natura & accurata cognitione si careat Jus, nec in nova Lege ferenda, nec in lata explicanda, nedum extendenda justus & æquus erit. Lex enim omnis pro basi habere debet æquitatem, & est conclusio deducta ex principio hominum mentibus natura insito, per elegantem consequentiam, ob id à *Sutherlando differtat. l. 1. h. 35. Medulla juris*, & à *Menochio de arbitrar. jud. quest. l. 1. qu. 13. n. 17. Theriaca contra venenum* dicitur. Quæ æquitas cum tanta sit in legibus nostris Justinianensis, *fuerit qui eas quasi gentium jus quoddam commune* per totam fere Europam observari dixerit. *Hugo de Roy de eo quod just. l. 1. tit. 8. §. 6.* qui tamen hoc ex historia nunquam probabit, imo & juri nostro contrarium est, quo passim docemur jus civile romanum proprium civitatis i. e. reip. romanæ fuisse. *Alii non nisi æquitatem scriptam vocarunt, & rationem naturalem*, cumque hæc omnes obliget,

An jus nostrum civile est jus Gentium!

An omnes gentes obliget.

obliget, & jura nostra omnes obligare concluderunt, sed hoc falsum est, jus enim civile positivum non omnibus gentibus præscriptum est, multo minus est ipsum jus naturale. Imo nec Rusticos excusat ob ignorantiam Rustici obigno- juris communis *Arthur. Duck. d. au-* rantiam *toritat. jur. civil. lib. 1. cap. 2. §. 6.* Sed juris civi- vereor ne nimia hæc sit extensio, præ- lis non terquam enim quod multa dicantur excusan- tur juris naturalis & Gentium à Do- tur. ctoribus communiter, quæ revera non sunt, si accurate loqui velimus, multa enim populis ob commoditatem aliquam placuere, sine vi obligationis, aut jussione aliqua à Majestate dependente: *adde Grotium. d. 7. B. P. l. 3. c. 1. n. 8. Horn. d. civit. lib. 2. cap. 2. n. 6. & sequ.* Ubi multa nova & contra communia Dd. aut tu offendes, aut te offendent: *adde Conring. d. LL. §. 25.* aliud etiam est esse jus naturale, & esse ex jure naturali per consequentiam elicited, obligant Rusticum, si quæ sunt, non qua hominem, sed civem, nec sequitur in quo jure

est naturalis æquitas, illud Rusticus scire tenetur, multa enim jura per consequentiam ex universalissimis æquitatis regulis deducta sunt, quæ Rusticus ignorat, qui interdum ob pravos mores & educationem incuriosam in ipsis primis naturæ dubitat, quod si illud ab Arthuro positum verum esset, ad aliorum etiam jurium præter nostrum civile idem teneretur cognitionem.

Elegantissime *Calixtus in Theologia morali à pag. 18. ad ceteras* distinguit inter principia prima practica, qualia sunt: bonum esse faciendum, malum fugiendum, & Conclusiones ex illis deductas s. leges positivas, ex quibus formari ait dictamen practicum per prudentiam, hoc vocat dictamen intellectus practici practicum, in his certe errabit Rusticus, nam & nationes & gentes ob pravam educationem, consuetudinem & præconceptam, opinionem in illis errasse compertum habeo. Egregius alias Autor *Arthurus Duck Stortiam Oddum pro*
has

hac opinione adducit, ipse vero vel ex hoc excusandus videtur, quod intentio ejus fuerit excurrere in laudes Juris Justiniani ob eam maxime causam ut in patriam suam Angliam Jus Justinianum induceret, hunc enim libri ejus scopum fuisse docet Conring. de prudent. civil. c. 14. p. 316. Fundamentum itaque juris & Legum est æquitas, ex qua ferendæ interpretandæ & supplendæ sunt pleræque Legum. dico pleræque Legum; nam plures LL. in utili fundari & niti certum, & jam tum ab illis, qui in occipitio oculos gerunt, demonstratum est. illud, supplementum scil. Legis fundatur in l. 32. ff. d. LL. ibi: si qua in causa deficiunt scripta vel non scripta jura, custodiri oportet id quod proximum & consequens est, id est, æquitas. suppletur autem illud consequens per triplex remedium, vel processum ad similia, per usum exemplorum licet in legem non coaduerint, vel per Iurisdictiones, quæ

Triples
supple-
menti
processus.

statuunt ex arbitrio boni viri.
 quoad processum æquitatis in nova
 Lege ferenda, sanctus, catus & bo-
 nus sit noster, nam aut providentia
 sua summum reip. bonum, aut socor-
 dia aberrante exitiale reip. malum
 procurabit, ut enim argentum priva-
 torum, sic Leges civitatis numisma
 sunt, juxta Solonem, quemadmodum
 ergo illud cum adulteratur, nullius
 valoris & pretii est, ita & Leges adul-
 terinæ si sint, non profunt.

Processus Ante omnia respiciatur hic æqua-
æquitatis litas de seipso in alium, secundum na-
in nova turam, per dictamen Conscientiæ,
Lege fe- ut quod tibi non velis fieri alteri ne-
renda. facias, hoc enim est fundamentum
 æquitatis, quod perpetuus voluntatis
 divinæ Dictator Christus cœlitus in-
 stillat, cum quo coincidit illud: Dili-
 gito proximum tuum sicut te ipsum.

Philautia Hinc sunt qui dicunt: *radicem to-*
radix Ju- *tius juris naturalis esse Philautiam,*
ris. s. sui amorem, ille sui amor est in-
 natus, quod ex defensione sui,
 cura

cura suorum sollicita apparet. *Senec. epist. 12.* inquit: Si omnia propter curam mei facio, ante omnia est mei cura. Hæc animalibus inest cunctis, nec inferitur, sed innascitur, & ad illos Philautiæ stimulos respexit Ulpianus in definitione, qua Jus naturale definit *quod natura omnia animalia docuit*, ex hoc capite enim commodius, ni fallor, illa explicatur descriptio. Sed sicut ille sui amor si sincerus & rectus est, omnium emergentium LL. mater esse potest, ita, si occæcatus sit privato utili, & affectibus, vitiorum omnium est genitrix, hinc enim omnis vitæ pestis oritur, quod sibi quisque blanditur, & quantum aliis præter æquum detrahit, tantum sibi philautiæ vitio præter meritum tribuit, testatur idem non tantum summus ille æquitatis Architectus in eleganti adagio, quo festucam ex alterius oculo ejici vetat, sed & *Plato lib. 5. d. LL.* ibi: Omnium vero maximum quiddam malum, in multorum hominum animis est innatum, cujus quidem, cum facile sibi ignoscant, remedium nullum excogi-

excogitant. Est autem hoc, quod dicere solent, quod natura sibi quisque amicus est, recteque est, id ita se habere, sed revera nimius in seipsum amor omnium peccatorum semper omnibus est causa. Occæcatur quippe circa amatum qui amat, quapropter qui se amat, cum se ipsum magis, quam veritatem honorandum putat, quid justum, bonum ac pulchrum sit male judicat. Cohiberi tamen iste sui affectus potest, *freno illo aureo & habena quam à cælo delapsam credidit antiquitas* : γυνῶσι σεαυτὸν, ex hac s. sententia s. oraculo, Demonas veram derivabat philosophiam, hic enim interrogatus, quando cœpisset philosophari? posteaquam, inquit, cœpi nosse me ipsum. Cicer. lib. 3. Epist. ad Quint. fratr. 6. dicit. illud γυνῶσι σεαυτὸν noli putare ad arrogantiam minuendam solum esse dictum, verum etiam ut bona nostra norimus. adde Robertum Scharrockium

Ex sententia
γυνῶσι σεαυτὸν
veram
philosophiam
derivant.

rockium de Offic. secundum jus natura
Cap. VI.

Dixi debere Nomothetam respicere ante omnia æqualitatem, non exclusi utile civitatis, in quo plurimæ LL. positivæ nituntur, illud in conspectu habeat, examinet, hoc enim multa constituit, quæ non ex æquitate sed præter naturam sunt, dominium hoc infantium introduxit, quodque hi obligare non obligari possint.

Et alia, de quibus Leges Justinianæ passim loquuntur. Illud tamen utile si in republica Christiana nimium extendatur, rumpit & evertit basin omnium Legum Christianarum; De Legibus Romanorum & paganorum jam non loquor, de quibus non nemo ingeniosissime ita scribit: Die Römische Rechte haben die Heydnische Römer als

als ihr Erfindniß Gottes Gesezen
und der Christlichen Lieb zutwieder/
auff die Leisten ihres gemeinen Nu-
ßen / und zu dessen Ergrößerung ge-
richt / dazu wie Maufffallen listige
Formulen angehenckt / wer darein
gefallen / der ist ärger als in Garn-
strengen vermorren / und hat sein
Recht alsbald verlohren / solche ver-
rostete Maufffallen hat man vor
Jahren umbgeschmiedt / und mit so
viel Dornhecken umbzäunt / daß fast
niemand in dem wilden Wald zu sei-
nem Rechten kommen kan.

**Lex de-
tractionis
in utili
fundata.**

Ex hoc utili Nomotheta videns
subditos ob certas rationes frequen-
ter emigrare, remedia meditatur, Le-
gemque detractionis sancire cogitat:
Quicumque emigraverit, decimam
bonorum partem relinquat, hanc
dum animo volvit constitutionem,
recurrat ad illud principium primum,
ex quo Leges omnes examinandas
esse diximus, Quod tibi non vis fieri
&c. Sic dubius est in conscientia, an
lex æqua, ob id ferenda sit, huic du-
bio tamen statim satisfaciet, simulac
publi-

publicam utilitatem & Rationem
 status præponderare debere conclu-
 dit, reip. enim interest multos habere
 subditos, de quo insecuturis Nomo-
 thesiæ partibus agetur pluribus. Hoc
 tamen quod disputatum est, iniquum
 videtur. *Nicol. Mylero d. princip. &
 stat. imper. c. 63. n. 3. 4.*

Apparet itaque quam limpida ju-
 rium scaturigo sit æquitas, quamque
 non vulgaris laus sit, qua *Cicero Sulpi-
 tium in Philippic. 9.* laudat ob admira-
 bilem & divinam in æquitate expli-
 canda scientiam. Hunc habitum cum
 non haberent *miſeri Doctorelli*, die Docto-
 reß Macherlobus nicht werth sind/
 uti dicit *Lanf. in discurs. d. Academ.*
fol. 85. und die man mit Duketen wie
 die Nürnberger Taschenmesser ver-
 kauffen möchte. *Garzon. Schauplatz*
discurs. 5. illos è finibus Imperii exter-
 minare voluit *Fridericus III.* Weil ih-
 nen das Recht mehr dann den Leuten
 verschlossen war/und Ponte ihrer Rei-
 ner den Schlüssel/ (f. æquitatis fun-
 damentum) darzu finden/ biß beede
 Theil arm worden. *Hæc autem Con-*
stitutio

Constitu-
 tio Fri-
 derici III.

stitutio non respexit veros sed simulatos JCtos, qui prout Constitutio loquitur, sunt **Stieff. Vätter unnd nicht die rechten Erben der Rechten**, sondern Ihnen den Grund der Wahrheit nehmen. Quique secundum opinionem Anonymi de necessitate JCti, ex Italia disputationes & altercationes Canonicas & Pontificias, aut aliena jura sine judicio ferebant in rem publicam nostram.

Hic certe in æquitatis doctrina, si unquam bene cavendum est JCto, ne perniciose errèt, quod plerumque fit, si tractatur de bono & æquo, est *l. 91. §. 3. d. V. O. junge Reinking de R. S. E. lib. 2. cl. 2. cap. 12. num. 40.* Aut enim in Legumlatione natura æquitatis violatur dum Nomotheta nimium opinioni & *juri Cerebrino*, *quod imperitis pro vera Philosophia est*, tribuit, aut in concursu casuum complurium, quorum singulis subesse æquitas videtur, se non bene extricat & fallitur Nomotheta, aut, quia infinita negotiorum singularia videt,

**Errores
circa
æquita-
tem &
Nomo-
thesiam
unde ori-
antur.**

videt, nimia latitudine aut brevitate rem definit, ex quo ob interpretationes Dd. varias secuturas, non nisi lites feruntur. Aut partem utilitatis publicæ præcipuam putat, quæ non est præcipua, aut interpretatur eam prolixius quam par erat.

Non omnia quidem æqua sunt, quæ æquitatis habent imaginem, fallitur enim arbitrium hominis inter- Jura non
ab arbi-
trio de-
pendent.
dum, non ergo ab arbitrio humano tria de-
jura dependent, quem priscorum er-
rorem fusc, satisque operose per to-
tum fere Plato de republ. evellit.
Sic æquum videbatur Cyro adole-
scenti, narrante Xenophonte, detra-
here Tunicam longiorem brevioris
staturæ juveni, eamque dare proce-
ro & longiori, curtamque dare bre-
viori adolescenti: Sed plagis castiga-
batur ob hoc decretum à pædagogo
Cyrus, hac elegante correctione ad-
hibita. *Iustitia est aequalitas, non quæ
nobis videtur, sed quam lex ordi-
nat, & Cicer. lib. 2. ad Heren. dicit:*
Natura

Natura jus est quod non opinio genuit, sed quædam innata vis in sevit.

De Reli-
ctis Arbi-
trio Jcti,

Caveat ergo Jctus, ne sibi & suo Arbitrio plus æquo tribuat. Romani olim ut cohiberent arbitrium, Album proponébant, in quo præscribébant, quomodo jus dicturi essent, noverant enim optimam Legem esse, quæ minimum relinquit arbitrio Judicis, optimum Judicem, qui minimum sibi, contra quod misere impingunt illi, qui generales nimium LL. proponunt. illi vero prudenter faciunt, qui in Legibus suis circumstantias, temporum, rerum, ordinis & ætatis arbitrio reservant, sic enim minus peccabitur, & quisque se teneri ad observationem Legum existimabit. Regulatum itaque esto arbitrium jure, ratione ac æquitate. *Menoch. d. arbitr. jud. quest. 1. quest. 8. vid. l. 30. ff. d. oper. libert.*

ibi non aliter arbitrium ratum habet nisi æquum, quod sit formatum secundum dictamen intellectus practici, & examen actionum antecedentium & consequentium, quod si jucunda est recordatio, dictitans bene se pronunciasse

Quale esse debeat arbitrium,

ciaſſe bonam conſcientiam habet, &
 quieſcat, ſi ſecus; firmus ſit male ſta-
 tutum fuiſſe, non quieſcat igitur, ſed
 aut abeat, aut corrigat: Sin dubius ſit,
 erit vel in re, vel in jure dubius, ſi in
 re, repetat examen omnium circum-
 ſtantiarum, & cauſam denuo trutin-
 et, ſic facile ſe extricabit Jctus, ſi in
 jure dubius eſt, ob controvertentium
 opiniones contrarias, prius deficienti-
 te Lege videat an conſuetudo ſup-
 plect non decisa, illam conſuetudi-
 nem examinet, *nam conſuetudo arte* Conſue-
Chymica nigrum in album quandoq; tudo,
 ſolet convertere, inquit *Knichen. d.*
paſt. veſtit. p. 2. c. 4. n. 203. Reſpiciat &
 aliorum, quas communes vocant o- Commu-
 piniones, & rerum perpetuò ſimiliter nis opi-
 judicatorum autoritatem *l. 38. ff. d.* nio.
LL. plus enim vident oculi quam o-
 culus, & ſincerius eſt iudicium quod
 plurimorum ſententia comprobatur.
c. prudentium 21. d. offic. delegat. minus-
 que peccabit præjudiciis munitus,
 examinet tamen verus Jctus præju-
 dicia, multa enim deciduntur inter-
 dum, quia locus vel tempus non pati-
 tur

tur plenius deliberandi consilium, ut inquit J Ctus in *l. 1. d. exerc. act.* inspiciat illas opiniones communes, Rationes enim ponderare proprie est hominis docti: autoritatibus moveri, illiterati, & sæpius accidit, ut communium opinionum sectatores similes sint avibus, quarum unam prævolantem turmatim sequuntur omnes. **Denn das Meer / (per quod & mare & pluralitatem opinionum indigitamus) wirfft nicht allemahl Perlen / sondern mehrentheils grossen Unrath auß /** & Deus plurimorum acquiescere sententiæ prohibet, si à vero devietur, *Exod. 23. v. 2.*

Quod si neutrum horum suppleat desideria, recurrendum est ad commune jus, quo devincta est hominum societas, ad rectam rationem, hæc tum lex sit & ratio imperandi & prohibendi, *Cicer. lib. 1. d. LL. pag. 431.*

Hæc est basis, hoc jurium fundamentum, & Nomothesiæ pars substantialis.

Post

Post hanc attendenda est altera pars, quam *Naturalem* vocant, in hac **Pars Naturalis** judicium practicum in mente Legis- **Nomothetiae,** latoris operetur, utrum ex usu publico sit, an secus. vid. *(alixt. Theolog. moral. p. 76.* hæc respiciat i. remp. qualis illa sit, quæ indoles, an status sit simplex, corruptus an mixtus, quæ cuiq; exitiosa esse soleant, quæ gubernandi ratio conferat ad civitatem tuendam, quæ Leges cuilibet formæ conveniant, quæ adversentur, & hoc ex historia superiorum temporum hauriat, & ex illa Leges & instituta gentium repetat, eleganter, utinam fusioribus *Aristot. 1. Rhet. c. 4. à num. 22. ad 30.* hinc collige, quod verus **Jctus** præter nostrum jus Justinianicum & **Jctus veteris præ-** alia inspicere necesse habeat sancita **ter jus Justiniane-** & statuta. add. *Ehem. d. princ. jur. l. 3. c. 2. p. 170. Conring. d. prud. civ. c. 3. p. 27.* um & aliarum & nostrum jus ex immensis veterum **gentium** teris prudentiæ voluminibus erutum **jura inspiciat.** est §. 2. *proæm. Inst.* imo respexit Imperator noster omnem Legum tramitem ab urbe Roma condita ad æ-

vum suum. l. 1. §. 1. C. d. v. j. enucl. Cic. lib. 5. d. finib. bon. & mal. Omnium fere civitatum non Græciæ, sed etiam Barbariæ ab Aristotele, mores, instituta & disciplinas: à Theophrasto leges etiam cognovimus. Solon adjutus sententiis Ægypti Sacerdotum, latis justo moderamine legibus, Romano quoque juri maximum dedit firmitamentum. *Ammian. Marcellin. lib. 22. fin. histor.* Platonem ex *Augustin. lib. 2. d. doctrin. Christian. c. 28.* in Ægyptum profectum lego, tempore Prophetæ Jeremiæ, ex quo perdidicisse creditur, quæ post attonitis religiose gentibus legum oracula proposuit, confirmat idem *Ambrosius ad Psalm. 118. & Diodor. Sicul. vide Conring. d. prudent. civ. c. 14. pag. 350. ad cater.* Apprime, inquit hic, ad politicam prudentiam comparandam utile est, complurium civitatum Leges & consuetudines addiscere, ad Legumlationem juvat maxime.

De genio
populi.

2. In hac Naturali Nomothesiæ parte consideranda est natura hominum,

num, ne sint Leges contra genium
 populi, sed & rebus pariter ac homi-
 nibus bene accommodatæ. *Il faut*
qu' un Capitaine & Gouverneur sage
& advisé, tasche tant qu' il peut, se con-
former à leur humeur. Blasius du
 montluc lib. 3. d. commentaires. Nec
 temere de omnibus rerum publica-
 rum arcanis nullum creditur majus,
 quam ad varios gentium mores & in-
 clinationes, civitatis cujusque leges
 & formam accommodare, conveni-
 enter. *Bodin. lib. 5. d. rep. c. 1.* idem te-
 statur *Dominus Baclerus in dissertat.*
d. politic. Lips. cap. 3. verbis hisce: Gra-
 via sunt multumque in recessu habenta,
 ideoque paucorum captui expo-
 sita verba, ubi cum duos, (*loquitur d.*
Lipsii politica cap. 5. lib. 4. n. 2.) pru-
 dentia in humanis fontes tribuisset,
 Naturam populi & naturam regni,
 addit: Sane cum omnia dispexeris, ni-
 hil reperies perite ad gubernandum
 olim aut nunc monitum, cui non hinc
 scaturigo.

**Doctrina
Characte-
ristica.**

Sed unde illa doctrina de natura
geniis & ingeniis populorum peti,
quomodo in artem redigi debeat, à
paucis hætenus monstratum est, de
posteriori vix ac ne vix unus vel alter
cogitavere, quia & ab accuratioribus
sparsim tantum de ea traditum est.
Dispescunt prudentiores illam noti-
tiam animorum in Generaliorem &
Specialem, in generaliori tractari de-
bere, de genio & natura populorum,
pro diversitate climatum & locorum,
de vulgi ingenio, Regum ac regni in-
dole, &c. Specialem esse, quæ non
tantum mores senum, juvenum, fœ-
minarum, divitum, nobilium, sed &
individuum observat, idque non
tantum ex historiis, sed & ex situ loci,
moribus, inclinationibus gestibus,
Physiognomonicis, educatione di-
versorum diversa, temperamentis,
communibus dictis & proverbiiis.
De proverbiiis non ineleganter dicit
Naudæus in Bibliographia politic. il-
la velut ex adytis sapientiæ prolata, &
longa annorum serie confirmata,

raro

raro non veritatem præ se ferre. Com-
mendantur quoad hoc studium præ
aliis. *Tacitus, Lipsius, Johannes* Autores
Bodinus in Methode Historie, Ja- in Doctri-
cobus Gothofredus in libro de præ- na Chara-
cedentia. Ex Gallis Charron. Sci- cteristica
pio Claramontius de conjectandis commen-
cujusque moribus & latitantibus dabiles,
animi affectibus. Besoldus de na-
tura populorum. Bæcleri Chara-
cteres Vellejani. Huarti Scrutini-
um ingeniorum. Nicus in Eude-
mia, Petrus Firmianus in Gyge,
somnio ac genio seculi. Neuhusii
Theatrum ingeniorum. Cardanus
in libris de sapientia & utilitate
capienda, ex adversis Albertus
Magnus de natura locor. & Bar-
claus in icone animorum, Verulam.
in sermon. fidel. &c.

Sciat itaque noster Doctrinam
Characteristicam, quæ prout dictum,
ex libris, & quod restat dicendum,

De peregrinatione JCto necessaria.

ex peregrinatione, præsuppositis præsupponendis addiscitur, optime enim extra Natale solum diversi diversarum nationum genii imbibuntur, & consuetudines populorum ac mores cognoscuntur, quarum rerum notitia insignes effecit viros ad artes tam pacis quam belli idoneos. Plato, Lycurgus, Solon & Pythagoras varias obeundo provincias. Prudentes Legumlatores & Philosophi evasere. Hinc nota, quod futura JCto necessaria sit hæc magna prudentiæ Magistra, experiendo enim discere potentissimum discendi genus est, & prudentior plerumque est is, qui Ulyssis exemplo.

*Multorum mores populorum vidit
& urbes.*

vid. Conring. d. peregrination. Leblen instruction. futur. consilarii. cap. 4. Bernegger. questio. 173. ad Tacit. Besold. in Politic. lib. 2. c. 1. Senecam epist. 104. caveat tamen sibi peregrinans noster, ne primo sine aliquali linguæ cognitione, quæ apud illas, quas invisere parat

rat gentes, floret, proficiscatur, ne ad
 ludum potius Graminaticum quam **Quomo-**
 ad peregrinationem vadat. Nec se- **do pere-**
 cundo ut puerum ignota mirantem **grinan-**
 ad breve tempus rerum tantum novi- **dum,**
 tas detineat, nec, ut plerique faciunt,
 regionum varietatem, animantium ac
 stirpium naturas, vel ædificiorum &
 pyramidum substructiones, aut erosa
 veterum numismata tantum miretur,
 sed Leges ac jura populorum rerum-
 que publicarum, status & conversio-
 nes ex quibus solida prudentia mo-
 derandæ civitatis comparatur, scrute-
 tur; *cum Legatorum ministris interio-*
ribus, quos Secretarios vocant, familia-
ritatem contrahat, hoc enim pacto in
 una regione peregrinando etiam plu-
 rium regionum notitiam ad se attra-
 het. Desinet sic multa mirari, vanita-
 tes æstimare, opinioneque, quæ im-
 becillitatem animorum torquet &
 flectit quocunque vult, laborare, nec
 omnia prout ante post fornacem se-
 denti contingebat, juxta nasi sui vel

probolcidis longitudinem mensura-
bit.

Nomo-
thesiæ
pars for-
malis.

Sed properandum est ad tertiam,
quam *formalem dicunt Nomothesia
partem*. Quoad hanc videndum :
quando, qua circumspeditione, quo-
modo proponi debeant leges. Ad pri-
mum nota, ne temere corrigantur,
derogentur, abrogentur, multiplicen-
tur, ni status publicus ejusque utilitas
id postulet. quia novitates solent
scandala parturire. est *l. 2. ff. d. constit.
princ.* & crebra Legum mutatio im-
becillitatem judicii politici arguit.
hoc autem cognoscere prudentis, ve-
rique Jcti est. Zaleucus Locrensi-
um Legislator fanciebat, ut *quisquis le-
gem novam introducturus esset,
circumposito cervici laqueo id face-
ret, ut autor ejus mox suffocaretur;
nisi eximiam utilitatem nova legis
ad antiquum reip. statum declara-
ret comparata. vid. Rosin. Antiquit.
Rom. l. 8. paratipomen. add. Forstner.
ad 3. An. Tac. c. 25. 26.* Quomodo

autem

autem Leges proponendæ sunt ? De
 eo prisci admodum fuere solliciti ?
 nam illi non tantum brevissime Le-
 ges proponebant, non numero sed
 pondere verborum æstimandas, ut
 sic deorum oracula æmulerentur, sed
 & illis semper aliquam religionis opi-
 nionem adjungebant, & ad certa
 Cœlitum numina, quorum beneficio
 communicatæ fingeantur, refere-
 bant; hinc Plutarchus religionem
 vocat coagulum omnis societatis, &
 fundamentum Legislationis. *vid. Ci-
 ceronem l. 2. d. LL.* Ubi hanc partem
 dicit Legis præmium cum Platone,
adde Justin. l. 3. De Minois astutia,
 qui se in antrum Jovis recondebat, ex
 eoque à Jove quasi traditas Leges af-
 ferebat, *vid. Lactant. lib. 1. cap. 22.*
Valer. Maximum lib. 1. cap. 1. junge
Corasium de arte jur. cap. 16. hæc cum
 à Dracone negligerentur, factum
 est ut sanguine non atramento scri-
 ptæ dicerentur ejus Leges, nec reci-
 perentur, sed tacito Atheniensium

Prisci no-
 vis Legi-
 bus ali-
 quid di-
 vini ple-
 rumque
 affinge-
 bant.

consensu oblitterarentur. *Gell. N. A.*
l. 11. cap. 18. Quod si itaque tanta va-
 næ & falsæ superstitionis vis est , in-
 quit Forstner. ut miseros mortales ea
 luserint antiqui Principes Legumque
 latores , vel ipse potius malus dæ-
 mon , quid non faciat in animis no-
 stris vera nostra sancta que reli-
 gio Christiana *ad 1. Annal.*
cap. 28.

CAP. VII.

De Legum interpretatione politica.

De Antinomiarum solutione. Doctores in disputatione obmutuerunt. De applicatione Legum. Collectio Topica Legalis. Collectio Proverbiorum ex LL. De arte Juris. De conceptione perfecti Corporis Juris, &c.

CONsideravimus huc usq; Jctum Legum sanctorem, nunc considerabimus eundem, ut sanctarum Legum interpretem. Bene itaque Leges explicabit Jctus, si *primus* mentem ac sensum Legis perspexerit, nam prior atque potentior quam vox mens dicentis; est *l. 7. in fin. ff. d. supell. legat. l. 17. ff. d. LL. l. 13. d. Excusat. 2do* Rationem Legis bene inquirat; & utrum illa ex æterno & nobiscum na-

to jure, an ex reip. usu deducenda. Sed nonne rationes eorum quæ constituuntur inquiri non oportet? alioquin multa ex his quæ certa sunt, subvertuntur, est *l. 21. ff. d. LL.* id certe si Jcto vero diceretur, miser ille esset, nec scire sed credere teneretur, quod quidem plebis & complurium pragmaticorum, non vero prudentis est.

3tio. Si ambiguas atque legum diversis interpretationibus titubantes causas benigne atque naturalis juris moderamine temperet. Et hæc usualis & doctrinalis interpretatio ad Jctum spectat, Authentica vero & principalis ad principem, ad quem itur quoties duriores leges componere cum aliis nec Doctores nec judices audent. *4.* Sic occasionem juris sciat, quam ex historia juris hauriet, hæc tamen à Jcto ignoratur nonnunquam, si Leges, prout Justinianæ, sunt vetustæ, in illis enim plurima rerum monumenta, quæ ab auctoribus suis prolixo studio consignata erant, sunt abrogata & autorita-

ritate Cæsarea æternæ oblivioni tra-
 dita, ignoratur ergo interdum occa-
 sio, quod & l. 20. ff. d. LL. ostendit, **Occasio**
 ubi non omnium ratio reddi potest, ferenda-
 nam si ibi ratio sumeretur pro utili & **rum le-**
 noxio Legis, turpe esset vero Jcto **gum igno-**
 hæc ignorare, melius itaque, pro Le- **ratur**
 gum ferendarum accipitur occasione, **haud ra-**
adde D. Conring. in dedicat. Hopperi. &
dissertat. de var. & ver. Jurisprudens.
pag. 119.

Scio tamen diversos diversa velle.
 Donellus rationem juris singularem
 subintelligit. quæ autem est singula-
 ris ratio? hic certe verum Jctum non
 excusabit, l. 2. §. 14. C. d. V. l. en. ubi omni-
 um habere memoriam & penitus in
 nullo peccare, divinitatis magis quam
 mortalitatis dicitur. §. Optime & **Politica**
 Jcto vero convenienter explicabit **LL. inter-**
 Legem, si illam cum statu reip. confe- **pretatio,**
 rat, & judicet utrum Leges pro status
 ratione latæ sint, an illi adversentur, &
 hæc est politica & gravissima legum
 interpretatio, de qua supra ad partem
 Nomothesiæ naturalem jam actum

est. In omnibus autem Legum explanationibus caveat sibi Jctus ab interpretationibus Legum duris, & illationibus alte petitis, neque enim peior est tortura quam tortura Legum, torcular vini cum premitur fortius, vinum prodit acerbum, inquit *Bacon. de verulam. sermon. fidel. 54.* caveat & sibi ab obscuritatibus, de quibus, & unde illæ oriantur, supra actum est, evitantur autem illæ, si prout dictum est, non tantum accumulatio Legum evitetur, præsertim earum, quibus obsoleta sunt admixta, sed & quæ Leges se invicem destruere videbantur, concilientur.

Hic Nomotheta fortan non spernendam operam navaret, si Antinomias more Atheniensium examinaret, & quæ sibi invicem obstare videbantur, autoritate sua dirimeret, hæc valitura illa extirpanda demonstraret, ut causa dissidii & nutrimentum fori tintinnabulis præcideretur, hæc de solutione Legum Authentica.

Quomo

Quomodo autem à ICTo dispu- *Solutio*
tante objectiones & antinomia sint *Antino-*
solvenda nunc videndum est. Sunt à Dispu- *miarum*
 qui ad generales regulas recurrunt; tante ob-
 quoties se aliter extricare nequeunt, *servanda*
 ad hæc & alia confugiunt; multa jure
 civili contra rationem disputandi pro
 utilitate communi recepta esse. est l.
 51. in fin. ad Leg. Aquil. Non omnium
 quæ à majoribus constituta sunt rati-
 onem reddi posse. Nec bonæ fidei
 congruere de apicibus juris disputa-
 re. ex l. 29. §. 4. ff. Mandat. omnium
 habere memoriam &c. Alii faculta-
 tem & audiendi & loquendi plane a-
 mittunt, quod sapius liberatis & eru-
 ditis hominibus, variis casibus, inter
 quos & noster est, contingere, testa-
 tur §. 3. l. quib. non permis. fac. test. qui-
 busdam in conspectu Audientium
 sudor erumpit, non aliter quam fati-
 gatis & æstuantibus solet, quibusdam
 tremunt genua dicturis; quorundam
 dentes colliduntur, lingua titubat, la-
 bra concurrunt, quod & illi contigisse
 recorder, quicum certo & publico loco
 mihi

*mihî aliquando res erat, ibi parturie-
bant montes, nascebatur ridiculus mus,
& ille confusionis suæ culpam post in me-
talia non merentem publica excusatione
transferebat. Meminisse tamen debe-
bat ille Causidicus & Sycophanta;
qui Doctorem in utero gerebat;
id est, der ein Doctor war biß an den
Hals / und schon von aussen gleissete
wie: ein neugemünzeter Baken.
Turpe esse causas oranti, jus in quo
versatur ignorare, est. l. 2. §. 43. ff. d.
O. 1.*

Sed ad rem! Nonnulli modum sol-
vendi ambiguitates his includunt
versibus:

*Causa, locus, tempus, persona, rigor,
novitasq;*

*Antiquum, bonitas; veto, consulo,
precipioque,*

*His si jungatur permissio, jus varia-
tur.*

*Alstedius in theatro Scholastico Sect. 3. c.
8. fontem omnium conciliationum
ostendit, ex quo, si libet, hos haurito
distinctionum rivulos: Rem confide-
rari*

rari dicit. 1. absolute vel respective. 2. per se & per accidens. 3. Actu primo & secundo. 4. simpliciter vel secundum quid. 5. Vere. 6. Eminenter. 7. late vel stricte. 8. Directe & indirecte. 9. Natura vel gratia. 10. Auctoritate & ministerialiter. Mercerius in Conciliatore 4. regulas ponit. junge Seduardum lib. 4. tit. 19. *Mihi videtur omnis disputatio bene procedere illi, qui solers est in excogitando dispari, & docenda diversitate*, conjecturis enim opus est, quoties in patetis est *εὐαίσθητος*. inquit Grotius d. 7. B. P. l. 2. cap. 16. Quam disparitatem, si vult, plerumque fallacia aliqua ostendere potest, hinc Coras. de art. jur. part. 3. cap. 14. dicit. Solvi in jure pleraque obscura aut per fallaciam æquivocationis, aut per fallaciam accidentis, aut per fallaciam à dicto secundum quid ad dictum simpliciter, & certe responsiones pleræque ad aliquam harum reduci possunt.

Nec id falsi quem arguet, quod
forfan

Doctores
in disputa-
tione
obmutu-
erunt,

forſan hæc in applicatione non ſta-
tim demonſtrare queat, Leges enim
nonnullæ ita ſubtiles ſunt, ut diverſitas
facti implicati, circumſtantiarum
coaceratio, & æquitas latens non ul-
tro ſe offerat deciſuro, judicium re-
quirit ſagax, nam & ſubtiliſſimos
quandoque Dd. in hoc ſtudii genere
confuſos & attonitos fuiſſe ſcimus.
Philippus de Regio antiquus & maxi-
mus Legum D. (*referente Paulo de
Caſt. in l. pater Severianam in princ. ff.
d. condit. & demonſtrat.*) polliceba-
tur ſe velle reſpondere ad quælibet, in
materia tamen ultimarum volunta-
tum arguente Baldo confuſionem
maximam paſſus eſt. De tali jacta-
bundo Petro Bilardo refert *Gloſſa in l.
quinque pedum C. fin. regund.* Quod
ſicet ſe in omnibus LL. ſanum ſenſum
demonſtraturum gloriatus eſſet, ta-
men cum proponeretur illi lex citata,
eum obumtuiſſe. *vid. Trajan. Bocca-
lin. Relat. 40. part. 1.* ibi non ſine riſu
lègitur ejuſmodi jactabundum &
diſputax animal repreſſum. Magnus
certe

certe Cujacius in disputatione pro
cathedra Bituricensi turpiter stetit.
narrat fusc *Joh. Robert. 1. animadvers.*
vers. ult. Et disputantem, sic puto,
absolvimus tribus verbis Ictum, jam
quomodo LL. applicare debeat, con-
sideremus.

Applicatio certe Legis est practica
adaptatio & vera intellectrix Legis, De Applic.
catione
Legum.
sic digeruntur quas in schola degluti-
isti Leges, dicit *Baldus in repetit. l.*
Aemilius ff. d. minorib. Et hæc virtus
est legis, applicare eas ad casus occur-
rentes, inquit *l. 10. §. 6. ff. d. Excusat.*
Paulo altioris autem prudentiæ est,
ut quis tum ex manuductione Legum
latarum, tum ex judicii quâdam bo-
nitate, jus ad singulos casus applica-
re, & quid in uno quôque rectum ju-
stum & injustum sit discernere queat.
Hæc res & hæc necessitas peperit ve-
ros pragmaticos, & Jurisprudentiam,
& hi ejus veri sunt termini *Bachov.*
ad Wesenbec. d. 1. & 1. num. 2.
nam sæpe in obscuro est, non tan-
tum eum quid sit factum, sed et-
iam spontene an invite, si sponte,
numa

num deliberato consilio an repentino animi motu; si invite an per ignorantiam, & qualem illam, vincibilem an invincibilem.. Applicatur autem lex vel quoad verba vel quoad mentem, illa facilior & plana, hæc difficilior, ast elegans est quæ, si liquido quid ex lege nō constet, argumento cognoscitur, *l. 5. §. 6. ff. de re militar.* Sic & Jctus ex ratione tacita generalem regulam subtiliter deducere, & in legibus philosophari egregie potest, animi sensum si explicabimus uno vel altero exemplo obscuri non erimus:

Ita Modestinus in *l. 25. ff. de Testament, tutel.* dicit: duobus pupillis tutor datus, & si alterius tutela se excusare potest, cum reseparatæ sint, attamen alterius manet. Hinc colligitur Canon philosophicus: In separatis de uno ad aliud non infertur, seu: separatorum est separata ratio, ita *ex l. 29. ff. de instruct. l. instrum. leg.* Quæ dicitur legata nove cum instrumento scapham navis deberi, colligitur: Plus & minus non faciunt differre genere,

Collectio
Topicæ.
legalis.

nere , capiendo genus secundum
 Jctos, de qua different, *vid. Ever-*
hard. loc. 7. argum. leg. vel: Diversitas
 accidentium non inducit differenti-
 am specificam, vel: Accessorium se-
 quitur naturam principalis &c. & sic
 posset perfecta *Topica legalis* colligi.
 In hisce studiis Bartolum & Baldum
 excelluisse testis est. *Matth. Gribald.* **Collectio**
Mopha in eleganti libello de ration. prover-
studend. l. 1. cap. 8. biorum
 ex LL.

Sunt alii qui mentem legis prover-
 biotenus adducunt, communesque
 sententias & Adagia longo usu ap-
 probata non ineleganter ex jure hau-
 riunt, ita ex l. 22. *C. d. administr. tu-*
or. colligitur. Wenn die Henne zum
 Hennen geht / so vergift sie ihrer jun-
 gen. ex l. 37. *d. Ac diltr. Edict.* Alte
 Hunde sind übel zu bändigen. ex l. 6.
C. d. Servitut. & aqv. colligitur:
 Charitas incipit à se ipsa, &c. & hæc
 unt ornamenta Jcti. Nobis prope-
 andum, & nunc ad id quod instituti
 st, propius erit accedendum.

Ante-

De arte
Juris.

Antequam autem hoc caput absolvamus, de arte juris nonnulla venient dicenda, & an nostra Jurisprudentia in artem redigi commodè possit, an illa jam redacta, videndum! Dicitur quidem Jurisprudentia nostra ars æqui & boni, collecta ista est ex naturalibus gentium & civilibus præceptis, & in vita utilibus, proponitur ut cæteræ disciplinæ practicæ, secundum finem, subjectum, principia. At ars nihil aliud est quam *σύνεσις* seu ordo certarum præceptionum, ex natura manantium, unumque finem spectantium. Quin etiam in jure nostro habemus progressus ab universalibus ad singularia, per notationes, definitiones, causas, ex quibus evinci posse videtur jus nostrum in artem redigi posse, inò redactum esse, prout probant Cujacius, Wesenbecius, Pacius, Fregius, *add. Matth. Stephan. d. art. jur. cap. 8. num. 5.* Et licet illud hætenus verum, quod cum Corpus nostrum Juris secundum Edicti perpetui formam concinnatum

tum sit, non possit esse sine omni ordine & dispositione digestum, an vero illud artis nomen mereatur, ego animi pendeo, si verum amamus, vix est ut defendi possit, inquit *Trentler*.

1. *Disp. 1. thes. 2. lit. A.* posse tamen in artem redigi nemo saniorum negat, & Ciceronem ævo suo de jure civili in artem redigendo librum scripsisse apparet ex *Gell. N. A. l. 1. cap. 22.*

In novo autem Corpore Juris ita ^{Processus} procedendum esse statuunt. 1. Ut in arte juris summa rerum capita totius corporis ^{ris obser-} ponantur, *Coras. d. arte jur. cap. 9. vandus,*
Dn. Prasch de fcto vero & personato
 6. substituit rerum genera. De matrimonio, potestate patria, Servis, Contractibus, Delictis, Judiciis. Chopius in Philosophia juris vera, duo hæc, potestatem ac obligationem, ut summa capita omnis Jurisprudentiæ ponit, videamus tamen, ne dū nimis breves & generales sumus, ex augustissimo objecto angustissimum

num faciamus, neve rem quam totam
exhaurire destinaramus, vix ac ne vix
tangamus, aliud est scribere veram
Iurisprudentiam, aliud pro ingenio
aliquid invenire & differere de illa.

Certe prudentia quidem circa uni-
versalia, magis tamen circa singularia
versatur. 2. Volunt ut positionum vis
propria definitione declaretur. 3.

Subjiciantur certa catholica præce-
pta s. principia. Videre licuit nonnul-
los qui non à posteriori sed priori
rem ex principiis suis demonstrantes,
accuratissimam ex rei natura de-
promptam definitionem tradunt, &
ex illa tanquam perenni fonte om-
nem casum emergentem decidunt,
hoc tutum quidem illis est refugium,

— sed ai totus fallor, nondum tamen ars
juris. Nunc inquit *Forstner. ad 2. An-
nal. c. 34. Miselli Disputatores ut ad
casum propositum respondere pos-
sint, tractatus & commentarios, &
glossas & decisiones, & consilia e-
volvere*

*volvere necesse habent, donec in-
veniant casum in terminis.* Non
igitur mirum esse debet, tam paucos
esse consultos æqui & juris.

Sunt alii, qui duplici via concepti-
onem perfecti corporis tentatam fu-
isse tradunt, altera Mathematicorum, **De con-
ceptione
perfecti
Corporis
Juris,**
alii enim ex paucis principiis immen-
sam vim Conclusionum eliciunt, pu-
tant ergo, hic immota principia poni
debere, quæ à nemine saniorum in
dubium vocentur, exque his perpe-
tuum & naturale jus posse deduci. A-
lii tamen dissentientes hanc viam tu-
tiores & à pluribus tritam probant,
in qua investigantur res naturales, ita
ut ex observatione plurium singula-
rium, quæ apud moratiores gentes
pro justo habebantur, tandem gene-
ralem eliciant regulam, eamque pro
vero juris naturalis decreto propo-
nant. hanc secuti sunt Grotius & Sel-
denus.

*Bacon. de verulam. sermon. fid. 61. a-
phorism. 59. dicit: Novum digestum
quinque rebus absolvi. 1. Omittendo
H obso-* **Bacon. de
verulam. de
novo Jur.
Corpore
sententia.**

obsoleta, quæ Justinianus antiquas fabulas vocat. 2. Ex antinomiiis recipiendo probatissimas, abolendo contrarias. 3. Leges quæ idem sonant, expungendo, perfectissimum ex iis retinendo. 4. Leges nihil determinantes, sed quæstiones tantum proponentes faciendo. 5. Verboſas in arctum contrahendo. Sed si omnia hæc accuratius inspiciantur, nondum formabunt Corpus juris novum, sed antiquum deformatum reformabunt.

Clarorum certe ingeniorum palæstra erit. Sed sicut perfectus Orator, verum & perfectum bonum & optima civitas, describi & delineari facile possunt, non autem facile reperiri, sic puto difficillimū laboris futurum perfectam Jctorum philosophiam, eamque omnibus satisfacturam scribere. Expectet eam felicius nostro sæculum, erit, qui collatis omnium opinionibus ante se agitis, acri judicio elegantiora olim seliget & methodice disponet, & demum ab aliis hinc inde dispersa & prævisa digeret, hoc enim
fre-

frequenter in aliis studiis sic evenisse
 memoriæ proditum est. Frustra, pro-
 ut mihi videtur, hic aliquid speratur,
nisi quæ elegantibus verbis in actu
signato ostenduntur, in actu exerci-
to demonstrentur, ante omnia au-
 tem Autoritas principis hic accedat,
 necesse est, quæ seligat paria huic o-
 neri ferundo ingenia, invitetque di-
 gno præprimis præmio optimorum
 aliquot Ictorum, alios morali studio
 excellenter instructos, & acutos de-
 mum philosophos & philologos, qui
 omnem curam, posthabitis aliis in
 hoc studio unice collocent, *tum e-*
nim optimo quisque ingenio nego-
tiis omnibus omissis totum se in co-
gnitione & scientia collocare po-
test, si omnia nobis quæ ad victum
cultumque pertinent, quasi virgula
divina, ut ajunt, suppeditantur, in-
 quit Cic. in fin. lib. 1. Offic.

Habito sic præprimis ingeniorum
 selectu, communicetur deinde studi-

orum labor, ne quisque dum novum ingenii fœtum nimio amore complectitur, suæ tantum inventioni faveat, damnato aliorum conatu. Alter alteri rectius sentienti cedat. Limato posthæc bene operi accedat denuo Autoritas publica, quæ laborem confirmet, publice proponat & protegat. Sed hæc altioris videntur esse indaginis. Non interest, quo quis consilio aut compendio ad veram philosophiam pervenerit, modo eam possideat. *Felix possessor! cujus mens regnum bona possidet.* Suæ nos quemlibet opinionis relinquimus, nam suæ quisque inventioni favet, & quasi fortissimum complectitur, cum ab alio dictum est quod ipse prævidit.

inquit *Plin. l. 1.*

epist. 20.

CAP. VIII.

De ICto quatenus circa
Jura publica versatur.

*Verus ICtus tractat Ius publicum.
quomodo. Explicatur definitio
Iuris publici. quæ sacra Romano-
rum. quæ Sacerdotia. Applicatio
definitionis ad nostra tempora.
Sacerdotum natura. quæ circa
Religionem cavenda. quomodo
Religio ad Politicum spectat. Re-
futatio Gebhardi. Magistratus
quomodo in jure publico conside-
randi. An principia Iur. publici
ex jure naturali & Gentium pe-
tenda. quomodo historia ad Ius
publicum tractanda. An à studi-
oso illud in Academ. tractan-
dum..*

Sic quoad privatorum utilitatem
propositus est philosophus verus.

cum autem JCtus in Consilia principum assumatur, & circa latus eorum agat, uti loquitur *l. 30. ff. d. Excusat.* patet ea quæ ad statum publicum reipubl. spectant, negligi non debere, quod ita defendit *Jacob. van der Graef commentar. jur. municipal. ut cap. 1. num. 6.* dicat, *publico jure veram ac non fucatam Philosophiam absolvi.* Et olim JCos utriusque juris peritos fuisse rerum monumenta tradunt. *Tubero* testante *l. 2. §. 46. ff. d. O. l.* doctissimus habitus est juris publici & privati, *Gell. N. A. l. 11. c. 18.* *Draconem* juris divini & humani peritum fuisse ait. *Valerius Maximus l. 8. c. 8.* dicit *Scævola* bene ac diu jura civium & deorum cærimonias ordinasse. *Attejus Capito* divini ac humani juris sciens dicitur à *Tacito lib. 3. Annal.* Idem prædicatum *Cocæjo Nervæ* tribuitur à *Tacit. 6. An. cap. 26.* apparet ergo studia JCti extralimen privati Corporis proferenda esse, nec enim exiguis illis finibus omnia

omnia continentur. Hoc quidem iura Magistratuum & nonnulla alia ad statum publicum antiquum spectantia complectitur, quæ non negligere, sed ab ovo rem repetere debet, 2dum §. 5. *proam. Inst.* sed illa Jurisprudentiam publicam diu nondum exhauriunt, sed tantum vetus jus publicum tradunt, quod *Julius Caesar Bulergerus de Imperio & Imperatore Rom. Pancirollus in notitia utriusque imperii, & Jacobus Guterus Gallus de Officiis domus Augusta*, si conferantur, optime docebunt. Noster ejus potissimum reipubl. cui præest exacte sciat jus publicum, Edicta, decreta, pragmaticas sanctiones de jure sacro politico & militari, generalia provincialia & municipalia, sciat fœdera & nova cum gentibus finitimis, sciat regionis situm, fertilitatem, commoda, incommoda, populi genium, & post prudentia auxiliatrice illa digerat.

**Explica-
tur defi-
nitio Ju-
ris publi-
ci.**

**Sacra Ro-
mano-
rum.**

De quibus antequam pluribus agamus, primo videndum est, quæ Ulpiano mens sit, dum Jus publicum definit, quod in sacris, sacerdotiis & Magistratibus consistit, & an illa definitio moderno juri publico sit conveniens? Quæ sacra intelligat, quod alia non sint, quam ex Ethnica superstitione profecta, statumque publicum respicientia, facile ex eo patet, quod paganus fuerit, ex historia rom. illa hic repetere supervacuum erit, imo ne in illa quidem terminabantur statuta peripheria: & ista sacra non tantum apud Romanos; sed & alios Reges ad Magistratum spectabant. *vid. Clapmar. de arcan. rerump. l. 15. Grotium de imper. summar. potest. circ. sacra c. 2. p. m. 28.*

**Sacerdo-
tia Ro-
manor.**

Sacerdotia item plura erant, alia enim ad captandam principis gratiam excogitata invenio, sint exemplo Sacerdotium fratrum Arvalium. d. quo *Fenestell. d. Sacerdot. Rom. c. 3. Gell. N. A. l. 6. c. 7.* Sacerdotium sodalium Augustalium, de quo *Tac. l. A. c. 54. &c.*

Alia

Alia superstitioso cultu Deos respiciebant, ut Sacordotium Patros, vestalium virginum, Martis, &c. Alia denique publicum tantum respexisse statum apud Historicos deprehendo, sic Sacerdotium faciale, cujus Sacerdotes bella indicebant, fidei publicæ præerat. *vid. Fenestell. cap. 9. Gellium l. 16. N. A. c. 4.* Sacerdotium Augurii regium inaugurationis curabat. Demum non omnia sacrorum jura pontificum potestati subiciebantur, sed & si *Polydora Virgilio lib. 4. d. invent. rer. cap. 14.* credendum, judex atque Arbiter rerum divinarum atque humanarum constitutus fuit. Hoc causæ erat Regibus antiquis, ut sacris & Sacerdotiis ipsi præessent, sancteque illa jura custodirent, Ast cum temporis successu videret Rom. plebs tantum rei in hisce latere juribus, tribunitia potestate crescente, & in illa involavit, quatuor Pontifices creando, quibus præsidebat Pontifex Maximus.

Hæc omnia si ad nostrum statum applicentur, cuius obviam crit ad fa-
H 5
Applica-
tio defini-
tionis ad
nostra
tempora.

cra pro statu moderno spectare uno
 verbo Regimen Ecclesiasticum, quod
 consistit in Legum Ecclesiasticarum
 sanctione, & Religionis tutela & cu-
 Religio. ra. Religio enim ad externam felici-
 tatem atque concordiam facit duplici
 ratione, quarum prior à divina provi-
 dentia ducitur, habet enim pietas
 promissa non tantum futurae sed &
 praesentis vitae, quod & pagani crede-
 bant, in quam rem ita clarum est Va-
 lerii Maximi testimonium, ut nihil ne-
 à Christianis quidem dici possit ex-
 pressius. Non mirum, inquit, si pro eo
 Imperio augendo custodiendoque
 pertinax indulgentia Deorum sem-
 per excubuit, quod tam scrupulosa
 cura, parvula quoque momenta Reli-
 gionis examinare videretur. Altera
 Ratio est à vi Religionis propria, quæ
 ejusmodi est, ut homines placidos,
 obsequiosos, amantes patriæ, juris &
 æqui retinentes efficiat. Pertinent &
 hodie ad sacra, cognitio juris Pontifi-
 cii, Agenda & Ordinationes Ecclesi-
 asticæ,

astica, Pax Religioni data, & Constitutiones de ea.

Apparet itaque, quam Jctus quoad sacra vigilare, principique suo sana Consilia in Ecclesiasticis suppeditare teneatur, sunt enim in Reformatis Ecclesiis Sacerdotes & Episcopi ipsi Principes, prout confirmant & testantur Constitutiones & Transactiones publicæ, *vid. Pac. Relig. in D. N. d. Anno 1555. §. Damit auch obverührt. vide Lehman. d. pac. Relig. lib. 3. c. 20. Klock. d. Contribut. c. 10. sect. 1. num. 82.* habeant ergo Ecclesiarum & scholarum curam, maximeque caveant ne schismata, *Puritanismus, Atheismus, Independentismus, Adiaphorismus, s. Libertinismus*, & illi qui Magistratus auctoritatem violant, *Anabaptistarum, omni reip. exitialis superstitio erumpat*, ne novatores, periculosi semper, exsurgant, neve sacerdotes extra officium pastorale vagentur, animos subditorum pio colore adversus magistratum

Cavenda circa Religionem.

Sacerdo-
rum na-
tura,

exacerbantes , ne civilibus sese im-
misceant, *sacerdotum enim quidam*
eo sunt ingenio, ut ni pareant, terri-
tent. Et multitudo, ut olim Curtius
dixit, vana Religione capta, melius
vatibus, quam ducibus paret.

Caveat etiam princeps, ne in Ec-
clesiasticis Ordinationibus privati sua
autoritate aliquid immutent aut in-
novent, ne Ecclesiarum ministros ju-
risdictione Episcopali omnimodo
destitutos patiantur usurpare excom-
municationis & interdicti fulmina,
plerumque enim vindictæ cupiditas
pietatis terminos egreditur, quod in
primariis Imperii civitatibus pericu-
losas turbas dedit, ita ut publicus sæ-
pe status periclitatus fuerit. Interi-
tum Anglicanæ reipubl. quid aliud,
quam nimia Regum, dicam incuria
an conniventia in Ecclesiasticis acce-
leravit, quæ irreparibili damno Pu-
ritanismo nimis serpere patiebatur.
Hæc eadem incuria Pontificis Ro-
mani stabilivit Monarchiam, quid
enim

enim imperium Romano Germanicum tantopere attrivit, quam abjecta & in Pontificum manus resignata Religio! adde *Lampadii Remp. Roman. Germ. part. 1. §. 21. Mylerum de Princip. & Statib. Imper. cap. 9.* illam tamen Pontificis Monarchiam superstitione auguratus est *Polydor. Virgil. lib. 4. de invent. rer. cap. 14.* ubi: Urbem Romam postremo perinde pontificia maiestate gentibus moderatam atq; olim potentia imperasset, miserum certe imperium diu à priscis Germanorum in rhythmo elusum. Non infusus ille, quisquis fuerit, dixit: **Die Regierung wird nicht durch Pater noster verwaltet.** Hispanum illum, ad Cæsarem Legatum audiamus, qui sapius inter amicos iactasse fertur: *Æquo longiores Germania Episcoporum togas esse, eoque ressecandas, Myler. Citat. Cap.* eleganter de hac Religionis cura agit **Schwarzkopff** / qui cum viveret,

Comitiorum Oraculum vocabatur, in seinem politischen Bedenken / wie die Abusus Consistoriales durch vorhabende neue Kirchen-Ordnung abzuschaffen seyen.

Antequam autem hinc abeamus, satisfaciendum mihi videtur illi dubio, quod obæcati non vident, *quomodo Religio ad politicum Imperium pertineat*; fidem enim non esse affectionem politicam ajunt; Hoc certum quidem est, nos autem non aliam quam externi cultus curam ac protectionem religionis Principi politico tribuimus, quæ illi maxime & soli competit, in hac, si se bene habet, quies & t̃ bene reipubl. consistit, ob id *Deuteron. 17.* Magistratui injungitur hæc sacrorum cura, adde 2. *Paralipp. 19.* *Grotium de imper. summar. potest. circ. sacr. cap. 3.* Et hæc de sacris quomodo ad jus publicum pertineant dicta sunt.

Non opus autem erat illa sacra ita explicare, quasi per illa innuatur Jurisprudentiam nostram quoad jus
sacrum

sacrum esse Theologiam, quoad jus
 vero humanum Philosophiam con-
 tractam, prout tradit *Henr. Gebhard*. *Refuta-*
in princ. jur. Romano-german. thes. 13. *tio Geb-*
pag. 35. 36. &c. ubi ex *Novell. 115. c. 3.* *hardi.*
 §. 13, quæ dicit; magis pro animæ sa-
 lute, quam causis corporalibus labo-
 randum esse, demonstrat principium
 illud à Christo apud *Matth. 6.* tradi-
 tum: Quærite primum regnum Dei,
 &c. ex *Novell. 77. in proem. & Novell.*
141. in proem. disci debere illam san-
 ctam regulam: Deum non velle mor-
 tem peccatoris, sed ut convertatur &
 vivat, quæ alias legitur *Deuter. 30.*
Ezechiel. 18. & 33. nam licet ex texti-
 bus compluribus pietatis vestigia ad
 propositum adducta, appareant, hoc
 tamen respectu Jurisprudentia non-
 dum Theologia contracta dici pot-
 est, & illa Jurisprudentiæ definitio à
 pagano scripta est.

Ultimum quod in definitione Ju-
 ris publici ponit Justinianus sunt Ma-
 gistratus, in his enim eorumque
 accura-

accurata cognitione latet maxima pars Juris publici, quod me tacente, *lib. 1. ff. de Codicis, & Notitia utriusque imperii*, quæ non sine fructu istis adjungetur dicent. Magistratus autem modernus est vel summus, prout Imperator, ad quem examinanda sunt ejus jura, præminencia, & potestas, quomodo hæc conferatur, constringatur, exerceatur, reserve- tur, communicetur, finiatur. Vel minor & mediatus, huc spectant Electores, eorum officia, dignitas potestas, & jura. Pertinent huc cæteri Principes & status Imperii &c.

Hic tamen ad distinctionem illud, quod *Dn. Prasch* bene monuit, notandum, aliud esse scribere Jus publicum, aliud ad jus publicum, aliud de Jure publico, & sic proprie Jus publicum definit. *Complexum Legum civilium de statu reipubl.* hinc non quemvis discursum de jure publico, & ad Jus publicum statim esse ipsum Jus publicum.

Nec

Nec video cur *Mauritius de princip. jur. public. German.* non admittat genus Complexum, putat ita confundi Jurisprudentiam publicam & Jus publicum, hinc ille ita definit Jus publicum: Leges quæ directo & principaliter i. e. executione & intentione ad constitutionem & conservationem alicujus reipubl. spectant. Sed illud leve dubium est, nam & Jus Jurisprudentiæ nomine indigitatur, & definitio illa clara imo optima est.

Bases binæ in quibus hoc jus nititur, sunt historia & prudentia civilis, sed quid de jure Naturali & Gentium dicendum, an illud excludendum? *Schük in Colleg. juris publ. vol. 1. thes. 5.* dicit, ex illis hauriri debere principia juris publici, cui ad stipulatur *Mauritius & alii.* Hoc negat *Dn. Prasch de 7to vero & personato p. m. 137.* ibi: Quid! natura jubet, ut *Francofurti Rex Roman. eligatur?* *Ut Elector Saxoniae præferat Imperatori gladium?* *ut octo sint Principes Electores?* &c.

An principia Juris publici ex Jure Nat. & Gentium petenda.

Quæ

quæ si expressa essent ex principiis juris naturalis, non possent non eodem modo apud omnes populos definiri.

Hi tamen Autores conciliari possunt si dicas prioribus de causa efficiente remota, posterioribus de proxima sermonem esse. & illos per jus naturæ non nisi rationis rectæ circa moraliter agenda judicium intelligere, quod prohibet inhonestæ, honesta præcipit. hinc *Fibig. in Electis jur. public. Roman. German. Generaliss. semidecad. 3. questione 3.* ita argumentatur: Quodcunq; jus fundatur in rectæ rationis judicio, nec non versatur circa ea, quæ homini naturaliter insunt quoad potentiam proximam, illud jus fundatur etiam in jure naturali. Secundo illos conciliare potes, si distinguas inter principia *Essendi & cognoscendi*. Natura constituit rationem, cujus suasu civitates sunt conditæ, idque ex instinctu quodam Naturæ, si itaque isthinc dependent civitates, dependebunt etiam jura sacro-
rum

rum Sacerdotiorum & Magistratu-
um, sine quibus nulla consistit civitas,
natura enim volens finem, voluit et-
iam media.

Quod si ergo de principiis imme-
diatis Jur. publici loquamur, faten-
dum ingenue est illa ex jure naturali
non esse petenda, sed ex positivis
principum placitis & constitutis. Jus
autem publicum est vel proprium vel
commune. quoad illud præsupponat
necesse est historiam patriæ, ex qui-
bus autem illam scriptoribus imbibe-
re possit, docuit passim *clarissimum il-*
lud Germania lumen Bæclerus & alij,
Ille vult historiam domesticam tra-
ctari debere I. *per Isagogica & ge-*
neralia, quoad hæc commendat *Hul-*
dericum Mutium, addi possunt, *Iu-*
lius Pflug d. ordinanda rep. Con-
ringii & Bæcleri omnia, Ludolfi
Hugonis Dissertatio d. statuum Im-
perii in regionibus suis principatu,
& Joh. Strauchii Exoterica. Leh-
manni Chron. Spirens. Aventinus,
Vorbur-

quomodo
historia
Juri pu-
blico in-
serviens
tractan-
da?

Forburgius &c. 2. per seriem temporum, quam fervare ait *Schardium* in tom. 4. rer. Germanicar. cui addi vult tres tomos *Pistorianos*. addatur & *Freheri Directorium legende historiae German. praefixum tom. 1. coll. Germ. collecta Schardio, Vrstedio, Reubero, Pistorio, Reinuccio, Meibomiis. 3. Per Syllogen Actorum publicorum*, qualia specimina sunt in *Goldasti Reichshandlung* gen & politicis Imperialibus. *Hortleder* actis publicis. *Theatro Europaeo, & Diario Europaeo &c. 4. per historiam selectam*, per quam intelligit historiam rerum quæ imperium nostrum proxime tangunt, Hispanicarum, Gallicarum, Belgicarum, Britannicarum, Suecicarum, Danicarum, ex illis exterorum actorum scriptis singularia ad rem Germanicam erui debere. 5. *Demum per historiam secretam*, quam in aulis secreto ab iis esse addiscendam, quibus principum secretiora intrare & perscrutari scripia licet. Hanc enim cognitionem
quam

quam experientia & communis rerum
usus defert, præferendam esse illi di-
cunt, quam librorum suppeditat co-
pia. add. *Limnaum l. P. lib. 1. c. 3. n. 8.*

An autem juvenis studiosus in Academia hoc Jus publicum tractare debeat, quæstio est ab aliis passim examinata. Negant tamen non pauci. *An studiosus Jus publicum tractare debet?*
& 1. quidem *Frideric. Ros. de jure publico*. quem citat *Dn. Carpzov. d. Leg. Reg. in præfat. ad Lector.* studium juris publici plane interdicere Jctis, illudq; ad Politicos spectare autumat. *Sutholt. Dissert. 1. thes. 43.* dicit incognitum minusq; esse necessarium. Alii Syrenes avocatorias vocant à privato studio. 3. Paucissimos ad consilia publica adhiberi. 4. Pauca in Corpore Juris, antiqua, moderna Juris publici nulla esse. 5. Nec debere cuivis notitiæ exponi arcana publica, privato sola privata jura esse tractanda, publica vero in Cancellariis & Archivis principum tanquam venerandæ rei depositum intra adyta sacri silentii diligenter aservanda, nec juvenibus utpote auditoribus in idoneis proponenda ac propalanda esse. 6. Non

6. Non prout privata jura ad panem lucrandum facere. 7. Periculi rem plenam esse disputare & scribere de iis, qui proscribere possunt, *l. 3. C. d. crim. sacril.* adducunt, ex qua perduellem vocant qui de Cæsaris potestate disputat. 8. Quod si talibus traditionibus erretur, errores istos in rem publ. inferri.

Sed omnia hæc facilia & in compendio refutanda sunt. Jurisprudencia, quam studiosus ambit, est divinarum atque humanarum rerum notitia, per illas res divinas vix aliud commodius intelligi potest, quam jus publicum, docet hoc *Tacit. l. 3. Annal.* citato, ubi: Atteji Capitonis insignior familia fuit, quod humani divinique juris sciens egregium publicum & bonas domi artes dehonestaret. Et cur non discat studiosus, unde ergo patriæ auxilia sunt speranda, an à peregrinis? An tantum ab Aulicis? *Limneus cit. loc. dicit*: Quod si publica hæc jura sibi privative concredita velint Aulici, agant, originalia exhibeant,

beant, potestatem nos doceant, facultatem probent! Certe non sine decore patriæ scribitur à *clarissimo quodam, quem semper veneror*, cum pax tractaretur Osnabrugæ & Monasterii, huic negotio viri summi adhibiti sunt, sed imperiti rerum Germanicarum, hinc magna pecuniæ summa emercata est juris publici notitia.

Quod periculosum esse dicunt, respondendum est, caute scribendum fuisse in Jure publico, sine injuria principum, & quæ dubia adhuc inter Cæsarem & status sunt, ab illis sacris profanas abstinendas esse manus, *adducta* l. se ipsam interpretatur, aliud enim est de potestate, aliud de judicio principis disputare. Nil itaque moveant objecta Adolescentem proci, quin in pulcherrimæ hujus virginis amplexus & oscula ruere properet. *Limnaus in dedicat. tom. 1. d. Jur. publ. eleganter ita*: Ego, inquit, sane *studiosos Juris inter miserabiles personas retulerim, si tantum privati*

*vati juris libris tanquam adscripti-
 tii sua gleba adhæreant.* Perfecti
 certe & veri J Cti nunquam illo care-
 re possunt, imo est hæc positio Juris
 secundum *l. 1. ff. d. I. & I.* merito ita-
 que & in hoc eruditus sit juvenis, ut
 spes illam foveat, posse olim remp.
 in partibus sibi credendis
 ab eo guber-
 nari.

CAP. IX.

Definitio vera Philosophia & Simulatarum. Notio Characteristica inter Politicum, Ictum, Legislatorem. Bonitas qua in Icto desideretur. Definitio veri Philosophi. Dignitas Icti, Comites à Ictis originem trahunt. Cur Ictus dictus fuerit Sacerdos. Media ad veram Philosophiam ducentia, &c.

DIctum itaque est de officiis veri Icti, quibus præsuppositis videamus demum quomodo veram nostram Philosophiam, verumque Philosophum definiamus. Hopperus illam dicit, *qua in vulgus hætenus incognita, certa via ac ratione certisque principiis ex natura notis constat, unde non errans & vaga opinio, sed stabilis & firma scientia existit.*

Sed ille licet in omnibus mihi satisfaciatur, hic tamen cur ab eo discendam, rationes in promptu habeo. Primo enim definit quid res non sit, cum tamen definitionis proprium sit explanare quid res sit, hinc *Cicero in Top.* dicit: Definitio est oratio, quæ quid sit id de quo agitur, ostendit quam brevissime. Est & nimis generalis definitio, quæ eadem studio & philosophiæ morali accommodari posset. Describerem ego, quod nihil aliud sit, quam:

Solida & perfecta ex principijs naturalibus & certis depromta iurium prudentia, observans remp. & perficiens Subjectum. Sed nec sic mihi videbar ex omni parte satisfaturus, imo discretrix ac Characteristica illa notio inter Ictum nostrum seu verum Philosophum, Politicum & Legislatorem nondum apparet, quæ tamen in dubio & obscuro esse non debet, nisi omne quicquid inter hos est discriminis confundi malimus.

mus. Verum quidem est nos ex aliis disciplinis multa supposuisse adferenda ad veram Philosophiam, nec illud mihi excidit, quod supra volui Jctum nostrum præmittere debere Politica, nec Politici ministrum esse, nondum tamen exinde sequitur non esse diversos habitus inter illos, sed quoad eosdem hosce iater se convenire.

Certe si contradistincte loquendum sit, Politicum qua talem, latius aliquid esse Jcto apparebit, ille enim circa omnes resp. imperiorumque rationes ac utilitates versatur; omniumque rerum, functionum in ordine ad quidlibet, sub omni considerandi reflexione, quæ in & circa civitatem totam considerandæ sunt, est Moderator & Arbiter, cum contra Legislator tantum sanctionem Legum, ex supposito jure æterno & utili reip. secundum examen rationis status intendat.

Differentia inter JCum, Politicum & Legislatorem.

Juris Consultus vero in omnibus perinde rebus, primariò tamen secundum unicum considerandi habi-

tum & respectum ad justum & injustum occupatur, quatenus illud ex jure naturæ & Legibus positivis derivatur. Et sic apparet *primo*. Jctum principaliter & proprie esse æqui & justii interpretem, custodem & vindicem. *Secundo* illum cum Philosopho morali in objecto convenire, adeoq; illi non tantum positivas sed & æternas leges, moresque populorum cultiorum esse tractandas. *Tertio* illum etiam, secundariò tamen, & ex necessitate derivativa utile reip. examinare.

Legumlator ergo minus aliquid est & Politico & Jcto. Ille Legem & sancita sua ex decreto ferre solet, & bonus est, si sua tantum reip. provideat, de cetero non est sollicitus. Sed hisce sancitis accedit deinde Politicus, examinans utrum illa è ratione status reipubl. lata sint, an secus, confertque illa cum Legibus aliarum rerum publicarum & tum à priori, tum à posteriori per prudentiam digerit & examinat. Jctus vero quæ talis, trutinat

tinat tantum & primariò , utrum ex æquo & iusto statuta sint. Hæc inter illos & differentia , ut Politicus. supremo gradu constituatur, quem sequitur JCtus, & demum Legislátor. Contraham ergo vela, & ad id quod propositi erat flectam orationem, habitus scilicet JCti nostri, sive Jurisprudentiæ descriptionem quæ talis esto.

Jurisprudentia est facultas practica, tradens docensque ex principis divinarum naturaque preceptionum, tum è Legibus moribusque receptis, ratiocinando & interpretando, quid justum injustumve, quid æquum sit vel iniquum, ut per debitam, quoad ejus ullo modo fieri potest, judiciorum in rep. ac in casu extrema ac inevitabilis plane necessitatis bellorum quoque rectitudinem ad constantem justitiæ perfruitionem deveniatur vulgarem dicit Hopperus, qua circa unius ar-

Descri-
ptio Ju-
rispruden-
tiæ veræ.

licujus populi Leges, earumque vulgare intelligentiam & usum versatur. Hanc in duas facultates dividit, Leguleiorum & Pragmaticorum, de quibus actum jam est. *Assimulata ita describit, quod circa juris & justitia umbras versetur.* Huc refert Sophisticen & Rhetoricam.

Apparet ex dictis, quis veri J Cti nomine dignus, quis indignus habendus. Qui vera Jurisprudencia instructus est, qui possidet hanc τέχνην τεχνῶν, καὶ ἐπισήμην ἐπισήμων, hic Sacerdos juris, non is qui leges aut principis alicujus vel reip. constitutiones in memoria habet, sed qui omnium gentium, institutorum antistes est & eorum vim ac potestatem tenet, secus si fiat, ex sancta hac re, quæ olim filia erat judicii, faciet *pedissequam memoria*, ut *Malvezzi in politic. Christian.* loquitur. Is est, qui æqui naturalis peritus tacentibus scriptis oraculis aditur, consulitur, qui reip. cognitionem habet, utile ejus adjuvat, conser-

vat.

vat vel destructum restituit, & prout
 Lucanus dicit, *qui jus mundi cognitum
 habet*, & hic est ille Philosophus, de
 quo *Plato dialog. 5. d. rep. dicit*: Aut phi-
 losophi regnent in civitatibus, aut re-
 ges philosophentur; talem enim ipse
 delineat suum philosophum *dialog. 6.
 d. rep. in princ.* qui sit princeps civita-
 tis; potens ad custodiendas leges &
 civitatum studia; & hunc custodem
 reip. constitui vult, quod eleganter in
 simili demonstrat desumpto à re nau-
 tica; prout allegato loco pluribus vi-
 deri potest; elegantissime consentit,
Bodin. in præfat. method. historiar. ubi
 hisce verbis lectu dignissimis expri-
 mit imaginem veri Jcti. Qui non
 modo præceptis ac usu forensi, ve-
 rum etiam præclaris artibus & solida
 philosophia informatus; justitiæ na-
 turam non ad hominum voluntates
 mutabilem, sed æterna lege defini-
 tam amplectitur: qui normam æqui-
 tatis perite tractat, qui juris origines
 ab ultimo principio deducit, qui
 omnis antiquitatis cognitionem ac-

curatē tradit, qui principis senatus, populi, Magistratuumque Romanorum. imperium ac potestatem plane tenet: qui philosophorum de Legibus & rep. disputationes ad jus interpretandum affert, qui Græcam & Latinam linguam, quibus descriptæ sunt Leges minime ignorat, qui denique artem universam suis finibus describit, generibus notat, in partes distribuit, verbis designat, exemplis illustrat.

JCrus aurea statua dignus.

Certe hic meretur ob singularem Eruditionem, ut statua illi ex solido auro in Apollinis templo ponatur, prout contigisse Georgiæ Leontino Empedoclis discipulo memorat *Valer. Maxim. lib. 8. cap. fin. & Plato in Gorgia*, qui fuit Isocratis præceptor, & primus in conventu poposcit, diceret qua de re quisque audire vellet, se ausurum. *hunc Plato lib. 11. præstantissimum in arte dicendi, & pariter in rep. administranda vocat, licet paulo aliter de eo statuatur Aristot. in fin. lib. 2. Elench.* Talis est verus nostrer.

ster philosophus & JCtus, ob idque
 Trismegistus. *Gell. N. A. 4. cap. 11*
 juris Magistrum & sapientem vocat.
Tacit. 3. An. cap. 75. pacis decus.
Cicer. lib. 1. de Orat. JCtum definit
 virum bonum, latissimo elegantissi-
 mo genere, quo vocabulo omne per-
 fectum continebant. ita *Quintilian.*
lib. 12. Instit. Orat. cap. 1. 2. Orato-
 rem esse non posse, nisi qui vir bonus
 & philosophia instructus. *Horat. lib.*
1. epist. 7. Vir bonus & sapiens dignis
 ait esse paratum, hinc conjungeban-
 tur semper sapiens & bonus, quod
 vera sapientia non nisi in bonis atque
 inter bonos esse crederetur. Philo-
 sophiam in hominem fallum atque
 degenerem tanquam in vas spurcum
 atque pollutum influere, verti, mu-
 tari, corrumpi & urinam fieri, aut si
 quid est urina spurcius, adde *Gell. N.*
A. c. 19. hinc cum tractu temporis
 eruditio à bonitate divortium faceret
 clamabant prudentes: postquam do-
 cti prodierunt, boni defunt *Sen. ep. 95.*

Bonitas
 quæ in
 JCto de-
 sideretur

Sit itaque bonus noster, timeat Deum, *l. 1. §. 5. C. de offic. præfect. prætor. Afric. l. 4. fam. herisc.* nec facilis sit ad malitiam & scelera, *si forsan in aurem ejus susurrent pecunia, Orphei Lyra & carmen Amphionis, & Musa Virgilii, ne ad vocem pecunia obumtescant reliqua.* Certe æquitas non nisi optimo cuique notissima est, prout *Quintilian. Orat. instit. lib. 12. cap. 3.* dicit. Noster autem, prout demonstratum est, est æquitatis custos, vel ob hanc ergo sit optimus, ne æquitatem ex affectu, gratificatione, jure cerebrino dijudicet. Nec tantum ad legem bonum volumus, illa enim angusta innocentia est, quanto latius officiorum patet quam juris Regula, inquit *Senec. lib. 2. d. ir. cap. 27.* quam multa pietas, humanitas, liberalitas, justitia, fides exigunt, quæ omnia extra publicas tabulas sunt.

Quomodo ergo definiemus perfectum nostrum J Ctum? *Giphanius*

in

J Ctus
non
tantum
fit ad le-
gem bo-
nus.

in Tract. de Princip. jur. & LL. thes.
 20. definit J. C. tum, qui Juris priva-
 ti ac publici, omnium denique re-
 rum gravissimarum ad reipubl. & sin-
 gulorum salutem atque utilitatem
 pertinentium scientiam profitetur,
 Hornii definitionem cap. 6. allega-
 vimus. *Henric. Moreelse dissertat. de*
manu duct. studiosi. jur. per. Academ.
ad remp. Ideam J. C. ti hanc tradit:
J. C. tus est vir bonus, studiis huma-
nitatis primo edomitus, dein sacri
publici & privati juris peritia in-
struetus, qui Consilio, Oratione &
stylo, justum ab injusto separando,
aquum ab iniquo discernendo, Dei,
populi & privatorum jura sacra te-
ta tueri, lapsa erigere, & fatiga-
ta possit reparare, qui, quamcun-
que in rep. politicam aut juridicam
sortietur personam, eam decore su-
stinere & ad publicam omnium,
ac privatam singulorum salutem

*& tranquillitatem dirigere possit
& velit. eleganter Plin. epist. 22. L. 1.*
Nihil, inquit, Aristone gravius, sanctius, doctius, ut mihi non unus homo, sed literæ ipsæ, omnesque bonæ artes in uno homine summum periculum in hujus valetudine adire videantur, quam peritus illè & privati juris & publici, quantum rerum, quantum exemplorum, quantum antiquitatis tenet? Nihil est quod discere velis, quod illè docere non possit, mihi certe, quoties aliquid additum quæro, ille thesaurus est. Habes

Definitio J Cti Amplissimi amplissimam descriptionem, brevibus ego mecum
veri J Cti. J Ctum talem concipio: *J Ctus est vir bonus jus suum cuique, (reip. Ecclesie, proximo, sibi,) publice ac privatim tribuens.*

Dignitas Merito itaque J Ctus sanctis decoratur nominibus. Ab Imperatoribus: *pro Parentibus habebantur, l. 4. C. locat. §. 4. l. quib. mod. l. P. solv. amici*

amici principum dicebantur secundum l. 4. C. d. contrah. stipul. *Auctores & Patres juris*: Gell. lib. 12. N. A. c. 13. *Comites principum argum. l. diem functo ff. d. Offic. Assessor.* Hodiernorum certe Comitum initia haud dubie à Jctis fuere. *vid. Speidel. notabil. polit. Coler. d. stud. polit. p. m. 135.* & versabantur olim Jcti circa remp. & ab illis ut ab hominibus longe in posterum prospicientibus futura expectabantur, hinc Cicero ad Cælium scribit, πολιτικῶτερον enim te adhuc neminem cognovi. &c. notanter etiam Jcti *Sacerdotes* dicebantur, uti apparet ex l. 1. ff. d. I. & I. nihil autem Sacerdote e-

Comites à Jctis originem trahunt.

Cur Jctus vocatus fuerit Sacerdos?

oraculis præest, sic enim passim leges dicuntur, prudentia qua pollet, futura prædicit, rem sacram justitiam tractat, nec enim ideo sacerdotes dicuntur, quod divinam aliquam Justitiam colant, ut opinatur Accursius, sed quia sacrarum ac divinarum rerum notitiam certo respectu ad certum finem, humanam s. legalem justitiam componunt, & Leges sacratissimas religiose tractant, ex mente quaque constituentium interpretantur.

Illud certe nomen venerationem illis conciliat, sunt enim quasi Sacerdotes & Prophetæ divinæ voluntatis, & ut Sacerdotes in danda poenitentia jus suum cuiq; tribuunt, ita & Jcti in judicando inquit *glossa ad l. i. ff. d. I. & I. Paganis Sacerdos & Jctus unus idemq; erat*, nondum divisa eo tractu juris divini humaniq; prudentia fuit, jus enim civile per multa secula inter sacra ceremoniasq; Deorum immortalium abditum, solis Pontificibus notum fuit, adde *Duaren. d. sacr. Eccles. minister. l. i. c. 25. hinc etiam illis de Philoso-*

Philosophis, Sacerdotibus, Druidibus, Prophetis promiscuus est sermo.

apud Ægyptios qui jura administra-

bant, Sacerdotes ac Prophetæ erant.

vid. Horn. histor. philos. cap. 7. Apud

Gallos Druides non tantum sacri-

ficia procurabant, sed & de omnibus

controversiis publicis & privatis

constituebant & decernebant. *Cæs.*

lib. 6. apud Germanos licet summam

reip. administrationem non habe-

rent Sacerdotes, prout testatur Tac-

itus, Magistratus enim in singulis pa-

gis vicisque officium erat, attamen in

conciliis & judiciis illos magistratui

assedissee tanquam juris interpretes

putat *Cluverius German. antiqu. lib. 1.*

cap. 24. pag. 164. adde *Hugon. Grot. d.*

imper. summar. potest. circa sacra. cap.

9. p. m. 201. &c. Hebræorum Sacer-

dotes juribus præerant *Deuter. 17. v.*

18. adde *Ezechiel. cap. 44. 24.* Roma-

norum Pontifices illa sancte tracta-

bant. *lib. 2. §. 6. ff. d. O. I.* imo ipsi Im-

peratores ab Augusto ad Gratianum

Pontifices maximos se cooptari vo-

lebant,

lebant, ut sic juris scientiam & Legum interpretationem penes se haberent. *Arthur. Dack d. Ant. Jur. civ. lib. 1. cap. 3. thes. 7. Hopper. lib. 4. d. O. I. Tit. 31.* Sacerdotem dici autumat ab illo sacrificio omnium sacrificiorum maximo, quod sacrificium Justitiæ in Psalmis vocatur, in quo non oves aut boves, sed homines & quidem optima eorum pars, voluntas Deo offertur. add. Ehem. d. princ. jur. lib. 5. c. 8. p. 334. *Respiscant itaque illi boves à sacerdote nostro si non mactandi, tractandi tamen durioribus, qui cum Aenea Sylvio ep. III. asserunt talem esse juris disciplinam cuius Asiæ possunt esse praeceptores, satis enim abunde ex demonstratis apparet, quæ & quanta studia, quis labor, quæ educatio à teneris ut Græci ajunt, unguiculis huc sit afferenda, quodque nulla bene constituta resp. hisce caruerit aut carere possit, horum internecionem qui optat, Luperum iniquis postulatis apud Phrygi-um fabulatorem assimilatur, qui sicut per canum capita gregis interitum, ita illi per Jctorum interitum recip. quæ- runt mortem.*

Pie:

Pie autem & bene in fine *lib. 4. po-*
nit Hopperus media veram philoso-
 phiam amplectendi esse: *divini Nu-* Media aut
minis invocationem, Natura boni- veram
tatem. Laborem studiorum, & philoso-
Longi temporis usum & exerci- phiara
tium, non enim quis triduo se Jctum necessa-
 profiteri potest, uti *Cic. Orat. pro Mu-* ria,
ræn. dicit, dum de antiquis actionum
 formulis & ineptiis egregie differit.
δύσκολα τὰ καλὰ. Nec est ad magna fa-
 cilis ascensus. Sunt quidem, qui *citius*
σε πολιτικώτατες factos opinantur,
 quam coquantur *Asparagi*, sed Sci-
 oppii sunt discipuli, & ille biennio in
 hoc studio tantum profici posse pro-
 fitetur, quantum ad tuendum Jcti no-
 men satis sit futurum. *vid. consult. ejus*
2. de scholar. & studior. rat. Sed multi
 quidem sunt qui *ferulas* gestant,
 pauci vero *Bacchi*, non enim obiter
 & quasi in otio philosophia nostra
 acquiritur, totum hominem postulat,
 est enim ejus cognitio diffusior, non
 sponte se offert ignavo, omnes vigi-
 liæ curæ cogitationesque in illius
 indaga-

indagatione sunt defigendæ , *add.*
Forstner. adl. 2. Annal. cap. 34. ibi elegantissime in hunc sensum differit. In laborioso totus gyro versatur J Ctus, quem hoc, quod suggerit *Gothofred. adl. 1. ff. d. peric. & commod. rei vendit.* recreet atque reficiat: *Certissima ad Cælum via est nostra juris professio.* Ambulent itaque sancti in ea, qui delitias futuras in cœlesti Academia proponendas exoptant, ibi verissima, non aberrans est Philosophia, quam post mortem demum complectemur, nunc mente stupidiore. Sic tandem ornabit & coronabit J Ctum
 verum imò dissertationem nostram bonus

F I N I S.

*Est quodam prodire tenus, si non
 datur ultra.*



*Menda & errata dissertationis principaliora. Cetera ex
aquitate benevolus Lector corrigat.*

P. 15. lin. 1. lege: Senec. ep. 3.

P. 33. ubi: Aristot. lib. 5. politic. c. adde: 11.

P. 40. l. 18. Religio, hæc.

P. 41. lin. 21. pro ubique, lege: cuique.

P. eadem lin. seq. pro plurumque, lege: plerumque.

P. 52. lin. 3. lege: scirpo.

P. 53. lin. 16. lege: non Angusti.

P. ead. ubi: Arndius, adde: ad,

P. 60. lin. 7. lege: egeat.

P. 63. lin. 17. lege: plenam.

P. 69. lin. 23. lege: nummus.

P. 70. lin. 1. lege: cariota.

P. ead. lin. 6. lege: opes.

P. 71. lege: Pharum suam.

P. 92. lin. 24. adde ad non, tantum.

P. 94. lin. 4. lege: ut appareret.

P. 113. lin. 13. lege: nullam certe. P. 121. lin. 7. pro tan-

tum, lege: hi. P. 124. lin. 6. lege: forsan. P. 125. lin. 21.

lege: antecessum. P. 128. lin. 22. lege: moralitatis.

P. 132. lin. ult. lege: Sfortiam. P. 156. lin. 19. pro sic,

lege: si. P. 159. lin. 16. pro liberatis, lege: literatis.

P. 161. lin. 6. pro Auctoritate, lege: Auctoritative.

P. 162. lin. 5. pro coaceratio, lege: coacervatio. P. 163.

lin. penult. pro eum, lege: num. P. 164. lin. 18. delea-

tur, re, ut legas: separatæ. P. ead. lin. 24. pro nove,

lege: naye. P. 165. lin. 2. pro different, lege: differen-

tia. P. 171. lin. 4. pro olegantibus, lege: elegantibus.

P. 177. lin. 10. ad verbum inaugurationis, adde: A-

ctum. P. 177. lin. 11. post non, inseratur: tantum. P. 190.

lin. 8. pro traditionibus, lege: traditionibus. P. 191.

lin. 3. pro decore, lege: dedecore. P. 192. lin. 7. pro il-

lam, lege: illum. P. 193. lin. 3. pro demem, lege: de-


rum. P. 197. lin. 3. pro &, lege: est. P. 206. lin. 11. pro

quaque, lege: quoque.

K


ANT 131862



















B41

